

NATIONAL ASSEMBLY OF SEYCHELLES

Friday 18th November, 2022

The Assembly met at 9am

National Anthem

Moment of Reflection

Mr Speaker in the Chair

MR SPEAKER

Bonzour tou Manm Onorab, nou zofisyé ki asiste nou, manm piblik. Telespektater oditer ki swiv nou, byenveni pou nou travay ankor enn fwa.

Avan nou al dan nou al dan biznes prensipal, mon asire ki zot in note ki nou pe selebre Lazournen Enternasyonal bann Msye. I pa en levensman ki nou port nou latansyon tradisyonnelman. Me selman kekfwa keksoz pe sanze.

E lefe ki nou osi donn latansyon Lazournen Enternasyonal bann Madanm, mon krwar i neseser pou balans en pti pe e not sa levensman osi.

Byensir petet rezon akoz nou pa donn li tro latansyon normalman, se akoz rol zonm i tro ganny aksepte - *taken for granted* parey nou dir an Angle.

Me petet sa i osi pa tro bon ni pour zonm, ni pour lasosyete, akoz mon krwar i neseser pou mon rekonnéti ki i annan ozordi dan sa lemonn ozordi, i annan nouvo defi ki zonm i bezwen fer fas avek e kot zot rol i osi demann en pe refleksyon. Byensir sa bann lazournen, sa bann lokasyon i la pou selebre lakonplisman e nou a selebre lakonplisman.

Me petet bann lakonplisman ki pli enportan pou selebre, se bann lakonplisman sa ki nou pa abitye asosye avek rol zonm.

E ozordi sa lasosyete bann zonm pe ganny demande pou pran nouvo defi. E par egzanp si bann madanm pou ganny sa swa pou zot regard pli byen, balans pli byen zot rol, i pou neseser osi ki zonm i pran bann rol ki pa ti tradisyonnelman zot dan la fanmir e dan lasosyete.

E osi mon mazinen poudir an se moman nou santi ki nou bann zonm, i en pe - mon kapab dir a risk - par bann novo fakter dan lasosyete. Mon pe mazin nou bann zenn ki fer fas avek lenfliyans drog, oubyen lezot konportman sosyal ki pe vin en pe ganny marzinalize.

E ki i pou neseser ki nou kontinyen port latansyon lo ki mannyer zot fer fas avek sa bann novo defi.

Donk mon swet tou zonm en bon lazournen e ki aktyelman demen. Me ozordi i annan plizyer Levennman Nasjonal ki pe mark sa zour alor le moman i apropriye. E petet parey labitid bann *Leaders Lasanble* ti a kontan zour en pti mo lo la. Mon apel *Leader Lopozisyon premye*.

HON SEBASTIEN PILLAY

Mersi Mr Speaker. Bonzour e bonzour tou dimoun ki a lekout. Mr Speaker premyerman permet mwan dir en bonnfet zonm tou bann Manm Lasanble, ki bann msye dan Lasanble.

Mon ti ava ekspekte ki sete en madanm, bann madanm lo tou lede kote latab ti ava kapab koz lo *behalf* nou bann zonm dan Lasanble, pou montre zot lapresyasyon travay ki nou fer.

MR SPEAKER

Ou kapab pas zot laparol.

HON SEBASTIEN PILLAY

Me ou'n donn mwan sa responsabilite alors mon ava fer li. Mr Speaker si i annan en keksoz ki mon ti a kontan dir se ki, sa mon responsabilite i en mo ki vreman enportan pou bann zonm dan nou sosyete.

E souvandfwa enn bann keksoz ki'n karakteriz lafason ki dimoun i vwar bann zonm Seselwa dan sosyete, se ki mannyer nou pran nou responsabilite anver nou fanmir, anver nou travay e partikilyerman anver nou zanfan.

E mon krwar i annan en demann pour ki bann zonm dan nou sosyete - sirtou bann msye Seselwa - pou nou pran nou responsabilite en pe pli byen an relasyon avek nou fanmir, e sirtou nou zanfan.

E mon krwar si i annan en keksoz ki nou bezwen aksepte osi se ki nou pe vin en sosyete deplizanpli kot bann madanm pe depas bann

zom lo en kantite nivo. E sa lo nivo performans par egzanp ler ou regard performans dan lekol, bann fiy pe fer pli byen ki bann garson.

Performans lo nivo bann travay bann madanm parfwa i travay pli byen ki bann zom. E mon krwar i en refleksyon pou nou osi pou nou realize si koman en sosyete nou pe osi met lanfaz lo sa ki nou apel lenportans pran responsabilite lo lapar bann msye - bann zom dan nou sosyete.

Mon santi Mr Speaker ki koman Lasamble Nasional, nou bann Manm Lasamble, sirtou ki bann msye nou annan en devwar pou nou donn legzanp bann ki dan sosyete.

Mon konnen parfwa pa tou dimoun ki satisfe avek sa ki nou dir, oubyen avek sa ki nou *express* nou lekor lo la. Me mon zwenn nou pou met lanfaz lo lenportans ki nou, nou bezwen fer pou nou kontinyen edik nou sosyete, lo rol ki nou bann zom nou bezwen zwe dan sosyete. E nou rol ki koman en sosyete, nou bezwen kapab anmenn en egalite loportinite pou zom, pou fanm.

E pou montre ki koman en sosyete, nou'n vreman evolye nou'n sirpas si oule bokou bann lezot pei, ki ozordi i ankor pe *struggle* avek sa egalite ki egziste ant bann madanm avek bann zom.

Ou a realize Mr Speaker ki mannyer i difisil akoz tandans parey ou'n dir ou menm se pour nou onor e pou nou met lanfaz lo Lazournen Bann Madanm.

Mon swete ki dorenavan petet selebre Lazournen bann Msye, bann Zom i ava vin en pwen enportan lo nou kalandriye nasyonal, en pwen kot nou servi pou nou sey enstri responsabilite e lenportans travay dir parmi nou bann msye dan sosyete, e lenportans grandi byen e pran nou responsabilite parmi nou bann zenn garson ki pe leve ki pe grandi dan bann lekol.

E la Mr Speaker mon annan en pti mesaz spesyal, pou bann zenn garson dan lekol. Yer ler mon pe *drive* sorti Lasamble mon'n tann koz lo en programm ki ti pe ganny fer *regarding* - mon krwar ti arselman, *bullying* dan lekol lo radyo. E souvandfwa bokou fwa ler ou get bann *video*, ou vvar poudir i annan bann garson ki *involve*.

Mon ti a kontan *remind* zot ki pran zot responsabilite, e servi loportinite ki pei i *provide* zot pou zot aprann e pou zot devlope. E konsantre dan vin bann sitwayen ki demen pou fer kontribisyon valab dan nou sosyete.

Mr Speaker avek sa lo mon *Caucus* e byensir mon koleg osi pou fer li lo non tou bann msye dan Lasanble, mon swet tou bann papa, tou bann msye, tou bann zonm en Bonn Fet Zonm ozordi. Mersi.

(APPLAUSE)

MR SPEAKER

Mersi *Leader Lopozisyon*. Lo ou kote *Leader Biznes Gouvernman*.

HON BERNARD GEORGES

Mersi Mr Speaker. Bonzour Mr Speaker. Bonzour bann koleg Onorab e tou dimoun ki pe swiv nou.

Mr Speaker mon partaz ou refleksyon e refleksyon *Leader Lopozisyon* bomaten, lo Lazournen Enternasyonal bann Zonm e mon profit sa lokazyon mon osi lo mon par e lo lapar mon *Caucus* isi, pou swet tou bann zonm en bon lazournen. En lazournen refleksyon en lazournen lapartaz e en lazournen lanmizman ler tanto pou'n arive.

Mr Speaker i vre ki toultan nou *focus* i lo Lazournen Bann Madanm e sa i annan en bon rezon, se ki bann madanm pou dan bokou ka i ganny kit deryer, e nou bezwen valoriz zot e mazin zot otan ki posib pou sey fer zot monte.

Nou regard dan sa Lasanble li menm malgre ki i annan bann madanm ki'n fer byen - e la mon regard Clerk ek Deputy Clerk e bann Madanm Onorab isi dan sa Lasanble, me balans i an faver bann msye.

Erezman ki sa i pa le ka partou parey mon koleg in fer resorti. Si nou regard Zidisyer par egzanp ki en lot brans Gouvernman nou ava vvar ki laba annefe bann madanm pe depas bann zonm lo lakantite e kapasite. Alor i annan en moman pou nou rezouir.

E sa donk i anmenn mwan lo sa lekivalans ki nou bezwen fer. E ki mon krwar i enportan ki nou fer, an mezir ki nou pe selebre lakonplisman bann madanm, nou bezwen osi selebre lakonplisman bann zonm dan nou sosyete.

E efektivman i annan 2 keksoz pou dir lo la, e mon ti a kontan repet sa 2 keksoz enn se aksepte ki dan bokou ka i annan en mank responsabilite lo lapar bokou zonm. E sa se en defayans ki nou sosyete i bezwen adrese.

E mon profit sa lokazyon pou demann bann zonm ki pa pe desarz zot responsabilite koman zonm, koman travayer, koman papa,

pou fer li e servi sa lazournen ozordi pou vwar ki mannyer zot kapab amelyor zot konportman.

E osi an dezyenm parti, pou remersye e felisit bann zonm ki'n pran zot responsabilite koman travayer, koman zonm e koman papa. E mon ti a swete ki sa bann ki fer byen, i a servi koman bann model pou sa bann ki fer mwen byen.

Avek sa detrwa mon alor Mr Speaker mon repet sa ki mon'n dir o komansman, e sa se pou swet tou bann zonm lo lapar nou *Caucus* en ekselan Lazournen bann Zonm. Mersi Mr Speaker.

(APPLAUSE)

DISASTER RISK MANAGEMENT DIVISION (DRMB)

MR SPEAKER

Mersi bann *Leaders* e mersi bann Manm pou zot sipor pou sa bann mesaz.

Bon nou a prezan pas dan kontinyasyon nou travay lo Bidze nou a pas lo Staz Lasanble mon a demann Madanm Raporter pou apel delegasyon e Minis.

Bon bonzour e byenveni Minis Errol Fonseka Minis pou Zafer Etranzer, pou konsiderasyon bann antite dan ou Bidze. Avek Minis mon swet labyenveni Mr Robert Ernesta, *DG* pou *Disaster Risk Management Division* e Mrs Maggie Dugasse son *administrative officer*.

E nou annan osi avek zot Mrs Doreen Bastienne *Senior Human Resources and Budget Management Officer*. E lo kote Minister Finans, mon apresye osi prezans Ms Astrid Tamatave *Comptroller General* e Mrs Noella Vinda *Director Public Budget Management*.

Byen, avek sa nou pou komans avek, la bomaten nou le pran Bidze *Disaster Risk Management* ki lo paz 270 ziska 274 pou en total R13milyon, 150mil.

Minis nou annan lezot konsiderasyon me selman nou a pran en pti lentrodiksyon lo sak s bann size an mezir nou pran zot.

So la si ou annan okenn mo zeneral lo ou Minister e lo *Disaster Risk Management* silvouple fer sa lentrodiksyon e nou a prosede lo deba. Minis ou annan laparol.

MINISTER ERROL FONSEKA

Mersi Mr Speaker. Pou komanse bonzour. Mr Speaker Mr Deputy Speaker. *Leader of the Opposition, Leader of Government Business* tou Manm Lasanble e tou dimoun a lekout bonzour. Mr Speaker zis avan mon komanse mon'n tann en prononsman par ou menm ek *Leader Lopozisyon* nenk *Leader Government Business* lo Lazournen Zonm.

E mwan osi mon ti a kontan siport sa bann parol ki zot in dir. Mon pa pou fer en gran deliberasyon lo la. Selman zis en pti konsey mon ti a kontan dir pou tou bann zenn zonm Seselwa, ki annan en kantite legzanz lo nou zenerasyon avan dan lannen 60, 50, 60 lo disiplin, lo respe, lo menm lo zot lasante.

E ti dan sa lepok laplipar Seselwa ti a pe mars san semiz ek en *six pack* lo son vant, e sa ti en zimaz enkrwayab ki mon ti a kontan ki nou promot sa bann. Zonm i promot bon lasante, bon *diet*.

E annou met nou Nasyon, nou vann *law enforcement officers* i *move* dan sa direksyon. So nou annan sa legzanz se tou ki mon pou dir, en bonn sans tou bann zonm.

Mr Speaker mon ava al direkteman lo Bidze *Disaster Risk Management* sa Bidze pou (*DRMD*) *Disaster Risk Management Division* i R13.15milyon ki en *increase* 2.4 pou sa lannen.

Sa 2.4 *increase* i baze lo *wages and salaries* apre ek *goods and services*. Pou *wages and salaries* i annan en *increase of 1.259* e pou *goods and services* i annan en *increase of 1.143*.

Increase lo *salaries* i vreman ver sa 13 mwan saler ver en *restructuring* apre ti annan en pti *Budget* vit menm si kantmenm ti annan sa *increase*.

Lo sa *increase* lo *goods and services* i baze lo *mainly* lo *transportation and travel cost* apre *minor capital outlays*, ki nou a donn en kontrandi pli tar lo la. An zeneral Mr Speaker sa en *outline of the budget for DRMD*. Mersi Mr Speaker.

MR SPEAKER

Mersi. Nou a pran kestyon bann Manm. Mon'n not an mezir zot in lev lanmen e mon pou gard lord ki zot in lev lanmen. Nou ava azoute an mezir. Onorab Mondon i a komanse.

HON TERENCE MONDON

Mersi Mr Chairman. Bonzour Minis avek ou lekip. Mon kestyon i lo programm 2 - anba programm 2 zot annan 4 *unit* ki responsab pou sekirite Maritim dan la rezyon.

Ler mon get zot *wages and salaries*, i kler ki i annan varyasyon i annan ki'n monte Ladministrasyon Santral in redwir e lo tou programm pou *NISCC*; savedir sant nasyonal pou kontinyasyon i partaz lenformasyon, *wages and salaries* mon vwar ki li in ogmant par 885 poursan sorti 157mil pou vin 1milyon 546.

MR SPEAKER

One second Onorab. Mon pa pe swiv Bidze me - i paret ou pe. -

HON TERENCE MONDON

Arr ... Sorry Mr Speaker mon ti krwar nou pe pran Lofis Minis. Ok.

MR SPEAKER

Wi i paret ou lo move seksyon Bidze. Korek, oule zis reviz sa regarde si ou lo bon seksyon, nou a pran lezot kestyon e mon a retourn lo ou apre, ok si-. Onorab Labonte ou kestyon.

HON ANDY LABONTE

Mersi Mr Chair. Bonzour Minis avek ou delegasyon. Mon annan zis en pti klarifikasiyon ki mon pe gete, ler mon get kot *current challenges* limero 4 zot annan en *critical shortage of staff*.

Apre ler mon pe get zot Bidze an zeneral sirtou programm 2, kot *operation wages and salaries*, kot *basic pay* i an en ogmantasyon preski 1milyon. Eski sa i pe adres sa kestyon *shortage of staff* or i selman bann *increment* ki pe vini dan lannen 2023?

Apre i annan en sonm 408mil konpare avek 2022 ki ti 275 kot *returning graduate allowance*. Si nou kapab ganny en pti leksplikasyon lo sa?

Apre *other allowance* in sorti 403 pou vin 727. Apre kot *minor capital program to acquisition of IT equipment* in sorti 1000pou vin 1milyon,53mil. Eski nou kapab ganny en pe klarifikasiyon ki kalite lekipman vreman?

Apre kot *non-financial asset program 2, DRDM Building*, nou'n war poudir i annan en alokasyon pou 2024 selman ki zot in met 6milyon, 750mil. Eski zot pe mazin pou zot fer zot *build* zot prop *building* dan le fitir? Mersi.

MR SPEAKER

Ok. Mersi Onorab nou a pran sanmenm. Mon *remind* bann Manm pa sey demann tou kestyon ki annan lo Bidze, akoz nou annan plizyer Manm. E mon osi- selman nou a pran. Si en Manm in demann en kestyon *ok* nou aksepte li koman en soz...

E mon a zis profite pou rapel Minis ek bann zofisyen ki nou bezwen ekonomik en pe avek letan. Me mon konpran lide glis en pe lo ou programm lenformasyon e kot nou kapab gannyen byen. Me selman nou bezwen *focus* lo bann kestyon lo Bidze, pou nou kapab pran sa dan letan ki nou annan.

Minis ou a diriz ou delegasyon silvouple dan zot repons. Mersi Minis *DG* pou pran.

DG ROBERT ERNESTA

Mr Speaker. Mersi pou ou kestyon Onorab. Kot i konsern *staff* wi, *we are critically under staff*, aktyelman nou annan zis 18 *staff*.

Rezon pou sa nou'n pran kontak ek *PSB*, -*PSB* in refer en reevalyasyon bann diferan tas ki nou bezwen fer malgre sa ptigit *staff*. E in vin en nouveau *Scheme of Service*. So sa logmantasyon dan lapey - nouveau *Scheme of Service* i sipoze pran lefe an Zen e i en refleksyon sa *Scheme in terms of logmantasyon dan salaries* avek bann diferan *allowances*.

Kot i konsern *IT equipment*, i annan R888mil. Sa i basically pour ogmant kapasite nou sistem *IT*. Nou pe devlop bann diferan *EOCs* - *Emergency Operation Center*, dan bann diferan rezyon.

E apre nou pe enplimant nou *National Emergency Operating Center*. So tousala i bann lekipman ki nou pou bezwen pou ogmant kapasite *server*. Akoz volim lenformasyon ki pou antre kot *NEOC*.

Kot i konsern *building*. Finans in- nou ti prevwar en son environ 15milyon pou en *building*. E Finans in donn nou sa staz par staz. 2024 i sipoze annan 6.7milyon e 2025 en sonm en pe parey pou konstriksyon nou *building*. Mersi.

MR SPEAKER

Mersi *DG*. Bann Manm limit zot kestyon pou 2 pou komanse. Nou kapab touzour retournen e si zot annan kestyon adisyonnell otan ki nou annan letan nou a pran. Onorab Mondon ou a *pass* pou le moman. *Ok* tre byen. Nou ava al lo Onorab Gill.

HON CHURCHILL GILL

Mersi Mr Chair. Bonzour Minis ek ou delegasyon. Mon annan zis en kestyon. Kestyon se Praslin pou le moman nou napa en *call center*. Mon pe demande si dan sa Bidze, i fer provizyon ki pou fer sa *call center* Praslin? Apre ki mannyer ou pe mazin fer li si i pou ganny *manned* avek en dimoun, oubyen i pou ganny atase avek en Biro Minister? Mersi.

MR SPEAKER

Thank you. Minis nou kontinyen avek DG? Ok mon a diriz lo DG amwen ki ou lev ou lanmen. DG.

DG ROBERT ERNESTA

Mersi pou ou kestyon. *In fact* nou'n napa provizyon dan Bidze pou fer EOC Praslin. Me selman nou'n kordinen avek SFRSA, nou'n ganny landrwa dan zot novo batiman. *Call center* aktyelman pe ganny *furnish*. Nou'n met tou lekipman neseser, *internet*.

Nou pe desann Praslin le 6 Desanm pou pran bann *stakeholders* dan en rankont pou eksplik zot *incident system*, e mannyer pou servisant.

Sant pou reste anba kontrol DRMD. Be selman nou pe *allocate* bann diferan *stakeholders* responsabilite *within the center*. Si lenvitasyon pa ankor ariv kot ou pou ou war sa miting le 6 - i a pe vini. Mersi.

MR SPEAKER

Mersi DG. Onorab Monthy.

HON PHILIP MONTHY

Mersi Mr Speaker. Bonzour Minis avek Mr Ernesta e ou lekip. Minis kestyon probableman i pou Mr Ernesta.

I annan en nesesite pou ler mon'n get dan zot *strategic priorities to undertake a risk and vulnerability profiling* e osi i an en nesesite pour ki sa lorganizasyon oubyen departman i annan zot prop *emergency plan, ok?*

Vi ki ou annan en *critical shortage of staff*, eski sa pou permet ou lorganizasyon ed sa bann lenstitisyon, sa bann lorganizasyon met

an plas zot *emergency plan* e *undertake* sa bann *vulnerability profiling* ki ou sipoze fer? Mersi.

DG ROBERT ERNESTA

Mr Speaker aktyelman pou *risk and vulnerability assessment*, nou annan en lekip 2 dimoun, nou annan *in terms of capacity* en kapasite en pe limite.

Nou pe travay ek *World Bank* pou kre meteorolozi baze lo standar enternasyonal, pou *conduct a risk and vulnerability assessment*. *Vulnerability assessment* pe ganny fer.

In respect of plan bann diferan MDAs;- MDAs i responsab pou zot plan. Nou kot *DRMD* nou *monitor* e donn zot sipor pou devlop zot plan.

First quarter pou lannen prosenn nou pe travay lo 2 plan prensipal ki stratezik pou pei - sa i plan Por ek *Airport*. *In fact actually as we speak la, i annan en table top exercise avek tou stakeholders* lo Por *regarding* plan Por.

Apre dan *first quarter* pou lannen prosenn, nou pe finaliz en programm ek *World Bank* pou vin ansam ek nou, pou *takle* problemm plan Por, plan *Airport*. E nou ekspekte *by the end of next year* nou a kapab vin avek en *live exercise* sa 2 antite pou get lefikasite zot plan ki nou'n devlope. Mersi.

MR SPEAKER

Mersi DG. Onorab William.

HON WAVEN WILLIAM

Mersi Mr Chairman. Bonzour Minis avek ou lekip. Mr Chair mon ti a kontan demann avek Minis - mon pe refer avek programm 2 - *table 5* e anba *contributing indicators item 2, district risk profile outdated to report and hazard mapping*.

Mon pe regarde ki zot pe met 24poursan pou 2023, e 54 poursan 2024. Mon anvi demande - akoz mon pe sey konpran sa travay ki pe ganny fer - letan mon pran an konsiderasyon konfigerasyon e topografi distrik Grand Anse Mahe.

Mon anvi demande si oparavan napa okenn travay ki'n ganny fer, letan mwan personnelman avek mon ptigit leksperyans lo evalyasyon, letan mon pe get bann risk letan mon sorti Grand Anse

pou mwan desann anvil, mon pe get sa bann pye albizya ki'n les grandi lo lateras.

La mon pe koz en landrwa ki mon santi pou mwan poudir i *at risk* se anba kot STA la. So mon anvi demande konmsi eski tou sa letan ti napa en travay ki'n ganny fer ki annan en kontinite? E sa sinerzi ant Minister Lanvironnman avek *DRDM*, pou enn, *manage* sa bann lateras, sa bann pye dibwa ki danzere?

Akoz mon per enn se zour avek gro lapli, swa eske son batiman pou deboul dan semen, e i pou kout Gouvernman plis. Mersi bokou.

MR SPEAKER

Mersi. DG.

DG ROBERT ERNESTA

Mersi Onorab. Mr Speaker *in regards to risk profiling*. Sityasyon is as follows; I annan kantite *data*, e kantite *risk profiling* ki'n ganny fer dan lepase.

Problem i se bann lenformasyon pa'n ganny *collate* e i pa met dan *information management system* ki kapab ganny servi. So aktyelman nou pe travay ek *GIS* ek lezot *stakeholders*, pou kapab anmas tou sa lenformasyon. *Collate* li met lo *overlays* pou nou kapab servi.

Kot i konsern bann *overhanging trees* lo semen piblik;- Lalwa seksyon 35 *Disaster Risk Management Act* ,i fer provizyon for the appointment of *Risk Management Officers*. Bann *Risk Management Officers* i annan pouvwar pou determin nenport ki danze to *public life and structures* e pran aksyon.

So nou pe al enplimant sa seksyon Lalwa *as of next year*. Nou'n fini finaliz bann modalite avek *Attorney Zeneral* kot nou pou apwent bann *Risk Management officers*, ki pou konstaman fer sa louvraz.

Par egzanp zot a vin- si ou later i baliz lo semen piblik e en pye dibwa i ganny trouve en danze pou lavi, sa *Risk Management Officers* pou enstrir ou, pou donn ou lenstriksyon pou tir sa danze an ekrir e i pou donn ou en letan pou fer li. *Failure to do so will amount to prosekisyon.*

MR SPEAKER

Follow-up. Ou annan. Yes Minister.

MINISTER ERROL FONSEKA

Mr Speaker mon ti a kontan zis *intervene* en pti moman in line ek sa *vein* ki ou'n al ladan.

Nou *DG* in eksplik bann risk ki nou bezwen rikorde e donn lotorite, donn *authority* pou sa bann dimoun ki kapab fer sa.

Ler mon'n ekout ou selman mon oule zis *send a word of caution* ki i annan en kantite risk partou. Me nou bezwen get son *probability* apre son *impact* osi.

E pa neseserman osi ki nou defris partou, akoz i annan en pti risk. *So we've got a balance.* Mon pa oule vin en pei kot nou zis koman nou war en pti risk nou debranse nou koupe nou soz. *So it's got to,* nou bezwen vreman *assess* sa byen e *think about the protection and the beauty of the place as well.* Mon krwar ou konpran sa. *Thank you.*

MR SPEAKER

Mersi. Wi, en *follow-up*. Nou reste lo klarifikasyon Onorab.

HON WAVEN WILLIAM

Mersi Mr Chairman. Mr Chairman mon anvi dir avek Minis san ki mon paret arogan, ki resaman nou'n pas en Mosyon pou ankouraz *reforestation* avek *management* nou bann fore. So nou konsyan poudir si eleman prezervasyon i la.

Me solman Mr Chairman, letan mon pe get sa bout semen la e bann *gradual erosion* ki pe pran plas, e bann pye dibwa ki pe tonbe tanzantan, ki en risk pou lavi e propriete dimoun, mon santi poudir konmsi *at least* montre ou poudir keksoz pe ganny fer.

Me ou pa pe vvar fodre letan en dimoun in mor ouswa en transpor in kraze la ki nou pou *respond*. Be pour mwan sa i pa *prevention and mitigation*.

So mwan mon anvi konnen Minis baze lo sa ki ou'n dir *CEO*, eski *at least* montre nou poudir- mon konnen pa zot ki fer, me aplik sa Lalwa akoz ki arive ou'n koz lo propriete prive, be *what happens to* propriete Gouvernman? Eski ou pourswiv Gouvernman? Nou, nou anvi keksoz i ganny fer. Mersi Mr Chairman.

MR SPEAKER

Mersi. Mon pa konnen si *DG* oubyen soz. *Obviously* Onorab i oule war ki sa i en *spot of special need*, si *DG* i kapab adrese?

MINISTER ERROL FONSEKA

Yes Mr Speaker. Mon'n note - *I think the point is made.* Mersi.

MR SPEAKER

Thank you. Onorab Aglae.

HON EGBERT AGLAE

Mersi Mr Chair. Bonzour Minis. CEO ek ou lekip. CEO kot i konsern loperasyon DRDM li menm e mon konsyan poudir zot in deza travay lo en serten *time framework* ki en pe konpreansiv.

So baze lo sa, mon ti a kontan petet demann ou ki zistans zot in arive kot i konsern, ou'n fer sa bout teori prezan pou met pratik ek sa bout *oversight* avek tou sa bann *stakeholders* k zot in konsilte i enkli MDAs, prive, tousala?

E pou zot kapab prezan awwar si zot prezan zot, zot pe met an laksyon bann rekomandasyon ki sorti dan sa *framework* li menm? Sa i enn.

Dezyenm dan ou Bidze osi ou fer provizyon kot i annan - mon war en rediksyon kot i konsern *protective clothing*. E ti annan serten lensidan ki ti arive, kot ti annan serten mankman lekipman.

Prezan ki DRDM son rol kot i konsern *procurement of protective clothing* dan bann lenstans kot i annan dezas? Akoz mon konpran poudir i annan bann lezot antite parey SFRSA. I annan son bann lekipman ki li osi, so mon ti a kontan petet konpran ki mannyer zot pe marye s lekipman?

Eski ou, ou pe zis stok en lekipman letan dezas si i annan mankman, ouswa ou pe kordin ek lezot departman osi, pou zot annan lekipman adekwa ki ler sityasyon i perse, zot in pare pou servi? Mersi.

MR SPEAKER

Mersi. DG ou annan 2 kestyion la.

DG ROBERT ERNESTA

In regards to Sendai Framework nou strategic plan i basically a reflection of dan bann fairs, dan sa Sendai Framework. Pou sa lannen nou'n operationalize the NIEMP, the (National Integrated Emergency Management Plan)

Nou'n *train bann decision makers within MDAs*, nou'n *train focal person within MDAs*. So the process is ongoing. E speed ki process i ale, i tou depan li *response* ki nou gannyen ek bann MDAs.

In regards to protective clothing antan ki nou koman DRMB where a management Agency to oversee e fer sir tou keksoz i ganny fer. Ki nou fer se nou fer sir poudir within their respective contingency plans, bann diferan MDA, nou ensiste ki zot annan the wherewithal pou zot comply ek zot plan.

Par egzamp aktyelman nou pe fer en *review the ammonia status* dan pei. Nou'n *meet ek bann stakeholders* e la nou dan prosesis vizit bann diferan antite, kot i annan *ammonia* pe ganny servi.

I annan mankman dan serten landrwa, kot i mank bann lekipman apropriye. So nou *imping e lo zot e nou travay ek zot pou zot access bann lekipman apropriye*.

In terms of rediksyon pou protective clothing, dan Bidze DRMD sa set akoz we are not responders. We are here to manage the system. E sa rediksyon i reflekte not the shift i reflekte the shift well, the shift from not being reactive to being managerial.

E sa pti git ki reste i bann nou staff ki bezwen al lo field, pou fer *risk assessment and reporting in terms of disaster*. Mersi.

MR SPEAKER

Wi. Okenn klarifikasyon?

HON EGBERT AGLAE

Mersi. Mon konpran Mr Ernesta. Baze lo sa dernyen larepons ki ou'n donnek kot i konsern nou staff. So ki mannyer zot antreprann sa travay *oversight* pou fer sir i annan *compliance* avek sa bann MDAs, pour ki ler ou'n dir zot ou pou bezwen sa pour tel pour bann proteksyon, ki zot pe onore, ki zot pe fer e ki zot ki *available* dan ka okenn evantyalite? Mersi.

MR SPEAKER

Mersi. DG.

DG ROBERT ERNESTA

Pour le moman sa- pou ou konpran pli byen, dan lorganigramm – petet mon a brefman eksplik ou ki mannyer nou'n striktire. Nou annan en seksyon ki pran ka ek *Disaster Risk Mitigation*, en seksyon

ki pran ka ek *preparedness and planning and ledikasyon, research and information.*

Apre enn ki pran ka ek *Humanitarian Affairs, Recovery and Enforcement.* Akoz nou napa - nou pa pe ganny ase staff pou *fill in* sa bann differan pozisyon, nou pa kapab pe fer *enforcement per se.*

Me selman *feedback from lorganizasyon* ki nou pe travay avek i bon, e nou annan en serten lantant ziska la lo *the way forward in terms of zot meet bann requirements of zot respective contingency plan.*

So it is at that level, to have a dedicated team, for enforcement that will cover consequently pending lo finansman ek sipor ki nou gannyen. Mersi.

MR SPEAKER

Mersi. Yes Minis i oule azoute?

MINISTER ERROL FONSEKA

Zis mon ti anvi *follow-up* zis ne pri pwen lo sa mo *compliance*, ek ou'n mansyonnen. *I think ki ler sa tim i al kot sa antite pou koz lo son risk, i bezwen - it's part of the education* ki i konpran son risk. Son *compliance* i vin avek li pou li konpran, si i pa fer serten keksoz i pe met son lekor *at risk.*

E sa i pa zis landrwa Gouvernman, landrwa prive, osi *private business.* Akoz si i en bon *manager* osi i pa *comply*, son repitasyon *is on the line.*

So i pa neseserman *compliance* - i fer dimoun konpran. E nou pe ankouraz tou sa bann landrwa koumsa ki zot annan zot *Health and Safety Officer* ki *also Marine Security as well and risk assessment* i vin *part* - i parey ou annan en *chart* dan en lakonpannyen dan en departman.

Sa i enportan sa akoz nou bezwen bouz ver sa direksyon, kot dimoun i konpran sa i en norm dan bann *business sector* ouswa dan bann *government sector.* Mersi Mr Speaker.

MR SPEAKER

Mersi. Wi nou a kontinyen Onorab Cosgrow.

HON WALLACE COSGROW

Mersi Mr Chair. Bonzour Minis, tou dimoun. Bonzour tou Manm Onorab. Tou dimoun ki pe ekoute.

Minis mon kestyon premye i lo kwa ki dapre *DRMD* i konsider koman en *national emergency*? Mon pe demann sa kestyon, akoz ou ava rapel ler ti annan dife *landfill* apre ti annan en miting kordinasyon ki Prezidan ti *lead*, ti annan en komanter ki Minis Joubert ti dir ki pou dir ti mank kordinasyon.

E konpare avek sa dife oparavan 2020, *DRDM* sa letan ti annan en kordinasyon ti kordin landrwa, ti ferm semen, ti annan en pli bon kordinasyon. E sa voyaz i paret mwan i pa'n annan sa kordinasyon.

So kan eski ki *DRMD* i antre pou *take over* en sitasyon e kordin sa sityasyon, ki tou dimoun i kler lo la, i konnen kan ki ou manda i *kick in* e ki mannyer ki ou, ou kordin sa bann loperasyon?

Sanmenm sa mon'n demande boner, kwa ki konsider koman en *national emergency*? Akoz dan zot *strategic priorities* la mon war, zot pe al devlop "*establish and commission and national emergency response*." So eski ti napa avan, pa ti kler, ouswa i annan, me solman i demann refer? Mersi bokou Mr Speaker.

MR SPEAKER

Mersi. *DG.*

MINISTER ERROL FONSEKA

*Thank you Mr Speaker. Les mwan komans en pti gin apre mon a get ek *DG*. Premyerman annou pa konfiz kordonn en landrwa pou kordonn - pou *isolate* sa landrwa apre *coordination*, ler ou anmenn diferan *Agency* ansanm pou dil ek en sityasyon. So it's two different things here.*

A ki moman ki en keksoz, ou kestyon - a ki moman en kestyon i vin en *emergency*? Normalman en lensidan ler i arrive e sa plan ki nou pe fer ki nou pe dir zot, dan sa bann diferan antite ki'n bezwen annan zot *own* tim, sa landrwa i annan son *first response*.

E normalman i pou etablir en *bronze command* laba, e akoz i annan son bann *SOPs* ki i al otomatikman fer son bann *response* dapre son *SOPs* laplipar ditan en keksoz ki kapab vin en *disaster*, i ganny tenir *straight away*, i ganny kontrole. Sa *in the practical terms*.

O moman ki sa i ganny depaye, *DRMD* pou deploy *anyway* li, i pou komans al *assess* pou *evaluate*. *The issues of responding to emergencies*, i en *continuous appreciation* lo sa ensidan, en *quick*

reassessment apre idantifye bann priorities pou ou respond to it, e servi ou bann resours byen.

This is where sa coordination i vini. E pli ale keksoz i agrandi ou coordination i bezwen annan bann pli gran hierarchy ladan ki kapab bring in bann resources pli lwen. Sanmenm nou ariv up to gold command.

Me si nou kapab rezourd li at the bottom level, nou pa bezwen escalate quickly. It's a question of escalation e being prepared pou escalate okenn nivo. Petet DG i kapab elaborate en pti pe plis ki sa ankor.

MR SPEAKER

DG ou annan keksoz pou azoute?

DG ROBERT ERNESTA

Mr Speaker i annan, pou reponn ou premye kestyon, anba Lalwa i Prezidan ki deklar en *state of emergency*. So baze lo *advice* ki Minis i responsab pou Dezas i donn li.

Dezyenm, the issue of ti marse, pa ti marse 2020 or sa, nou ti annan the National Integrated Emergency Management Plan, ki ti came into being in 2018 si mon pa tronpe. The plan is the framework pou fer lezot plan.

E nou'n koz lo bronze, silver, gold and Platinum level of response. Sa sistem i fer provizyon pou bronz kot i bann pti levensnman entern, silver kot i annan multi stakeholder engagement avek incident command post kot i annan en dimoun i ansarz loperasyon apre ki i rapport ek NEOC. Letan levensnman i surpass silver level then i vin kot NEOC.

Avan ti napa NEOC. Until now napa NEOC nou pe kree en fason response ki nou pou annan NEOC by mwan prosen avek sa ki nou annan. Akoz nou'n fer provizyon pou demann Gouvernman larzan pou kre NEOC, i pa'n aprouve dan sa Bidze. Be still nu bezwen sa sistem response.

Problennm prensipal i avek response dan response mechanism. So by next month nou pou annan en striktir kot nou pou annan the gold command at the NEOC level;- nou pou annan at the lower level kot nou pou annan en EOC Praslin, ki mon'n koz lo la taler. Nou

annan EOC La Digue, apre nou pou annan bann diferan EOCs dan bann distrik anba *Local Government*. So it is-

Next time pou annan en event there will be a sistem kot sakenn dimoun pou ale, rather than tou dimoun congregate at the point of the incident. Mersi.

MR SPEAKER

Yes Onorab. Pa *drag it out*. Nou pe ...

HON WALLACE COSGROW

Mr Speaker wi mersi bokou. Wi baze lo lenformasyon ki *DG* in donn nou, *DG* i dir mwan Prezidan ki deklar *emergency*.

So eski ou lorganizasyon i *only act* ler Prezidan i deklar *emergency*, ouswa zot annan en definisyon *emergency* ki zot, zot akt ler en keksoz i arive?

Ki klerman i paret mwan dan sa enn ki la, ti annan en problem kordinasyon. Akoz Prezidan ti bezwen vin li menm pou vin dil avek bann diferan *Agencies*. Mersi.

MR SPEAKER

Thank you. DG oubyen Minis.

MINISTER ERROL FONSEKA

Thank you Mr Speaker. Sa ki DG in referred to national emergency, declaring a national emergency i en lot zafer sa.

Nou pa ankor arive lo sa sityasyon e zanmen nou'n arive lo dezas lo sa sityasyon. Petet dan letan ler nou ti annan sounami, *probably that was one, otherwise they're incidents, isolated incidents*.

National emergency involves the whole nation. So en landfill pe brile i pa pou vin en national emergency. Mersi Mr Speaker.

MR SPEAKER

Thank you. Onorab Esparon.

HON REGINA ESPARON

Mersi Mr Chairman. Bonzour tou dimoun a lekout, Minis ek ou delegasyon. Mr Chairman mon ti zis anvi retourn en pti pe lo sa *program 2*, ki Onorab William ti pe koz lo la anba *contributing performance indicators* anba *performance measures program*.

Annefe son pwen 3 *vulnerable population profile updated through report and mapping*. Mon ti ava anvi konnen dan ki fason zot pou fer sa, an vi ki *DGT* in dir zot *understaffed*? Enn. E lekel bann Lazans ki zot pou travay pre avek pour kapab fer sa?

Eski zot annan lentansyon osi travay pre avek Lotorite Distrik pou kapab idantifye *vulnerable population* par distrik? Mersi.

MR SPEAKER

Mersi. *DG*.

DG ROBERT ERNESTA

Mersi Mr Speaker. *Profiling of vulnerable population* pou komans lannen prosenn and humanitarian affairs ki pou fer. Nou pe lyez ek NBS avek *Ministry of Home Affairs* pou nou kapab *map vulnerable population*.

MR SPEAKER

Ok, byen. Mersi *DG*. Onorab Lemiel. Ou *pass, ok*? Onorab Gabriel.

HON CONRAD GABRIEL

Mersi Mr Chair. *Welcome Minis* ek ou delegasyon. Bonzour a tous. Bonzour tou dimoun a lekout espesyalman zabitan Pointe Larue.

DG in dir i annan apepre 18 *staff* pou le moman e son *shortage of staff* i *critical*. Zis donn nou en kontrandi apepre konbyen *staff* ou pou bezwen, pou ou kapab *fully run DRDM*?

E apre osi ou annan en *Scheme*, ki annan ladan sa *Scheme* petet pou atrakte *potential candidate* - dimoun ki anvi zwenn ou lorganizasyon? Mon ti a kontan konnen petet.

Apre dan ou *minor capital* ou annan R100mil in *revise* pou arriv 1milyon *this year*. Zis dir nou ki kalite *equipment* ki zot anvizaze pou *purchase*? Mersi.

MR SPEAKER

Mersi Onorab. *DG* ou annan 2 kestyon la.

DG ROBERT ERNESTA

In regards to staff. Staffing nou kourt, be selman pou nou ganny *the ideal staff* pou pran letan, apre bezwen kapasite Gouvernman pou donn ou larzan.

Be *within* baze lo la, ou konnen en *Manager* ou bezwen organiz ou *staff* pou *meet* ou *critical mandate irrespective of whether* ou'n ganny sa ki un demande ou non. Par egzanp pou *the National Emergency Response Center ... National Emergency Operation Center* nou'n demann 13 dimoun, just to get- akoz sa i en gro konponan nou louvraz response, Bidze pa'n permet.

Me nou fer - nou'n *reallocate* serten responsabilite entern avek nou *staff*, akoz *response* i *basically* ganny *activate* letan i annan en lensidan. So nou dil avek koumsa.

dezyenm *Scheme* – nou *Scheme* in finalize, me nou pa ankor ganny dokiman from PSB pou nou kapab fer komanter detaye lo kwa ki annan dan *Scheme*, pou atrakte nouvo Manm pou vin kot nou.

Kot i konsern *increase* i vin sa 888milyon ki nou'n gannyen pou aste lekipman pou *improve* nou kapasite *IT*. Mersi.

MR SPEAKER

Zis *sorry DG* avan i demann son *follow-up*. mon pe zis demann ti annan son kestyon lo ki kantite *staff* ou bezwen, pou *run* ou soz *effectively*, mon pa'n tann en ler mon petet si ou kapab adrese avan mon permet li siplemanter.

DG ROBERT ERNESTA

Off head mon pa pou annan en sif defini akoz mon sa ... be selman ideally 35 plus *staff* ou pou bezwen pou fer en louvraz ase satisfezan, in regards to managing disaster risk. Thank you.

MR SPEAKER

Thank you. Ale Onorab vitman silvouple Onorab.

HON CONRAD GABRIEL

Yes. Mersi *DG* mon pe sey ganny en konpran ou larepons. Solman eski i annan tarif ki ou pou bezwen dan *IT*? Sa i mon kestyon, akoz ou pe aste lekipman *IT*, si ou napa *staff* then mon krwar plito ou fer something else with that money.

MR SPEAKER

Thank you Onorab. *IT staff DG*.

DG ROBERT ERNESTA

Nou annan en *IT Manager* en? *That's it nou annan en IT Manager, employed as part of nou staff. Thank you.*

MR SPEAKER

Thank you. Onorab Romain.

HON GEORGES ROMAIN

Mersi Mr Speaker. Minis bonzour avek ou delegasyon. Bonzour tou bann koleg Onorab. *DG* mwan mon ti a kontan demann ou en kestyon, byensir atraver ou Mr Speaker.

Parey nou kontan dir prevansyon i touzour pli mye, i le meyer. Eski dan ou divizyon ou annan - anvi ki ou annan problem *staff* osi mon'n tann ou koz lo la, eski ou annan en plan dan zot divizyon ki ansanm ek *Local Government*, kot bann vizit i ganny fer en pti pe regilyerman?

Mon konnen ou pa pou kapab touzour vin dan menm distrik, kot pou sey idantifye bann risk dan distrik, ki si nou war sa risk e ki nou kapab evite ki parey si i annan en gro lapli oubyen divan, eski dan ou divizyon i an en group dimoun ki pe fer sa louvraz an se moman? Mersi Mr Speaker.

MR SPEAKER

Thank you Onorab. DG in pare?

DG ROBERT ERNESTA

Wi. Mr Speaker *the risk assessment* dan bann distrik, *is an ongoing process. It started last year* e nou travay an kolaborasyon avek *Local Government*. I pa pe ariv *speed* ki nou ti a swete me i la.

Dezyenm lannen prosenn nou pou komans, nou pou lans *the volunteer program* kot nou pou rod *well*, demann Seselwa pou vin volonter e *out of that* i a *boost* nou abilite depandan lo kalite volonter nou gannyen, pou *as a sort of take care of bann disaster risk analysis within the districts*. Akoz konesans lokal i zwe en rol krisyal dan prevansyon.

So baze lo ou larepons, nou ekspekte volonter i donn nou en kantite dan sa louvraz. *Thank you.*

MR SPEAKER

Thank you. Onorab Loizeau.

HON NORBERT LOIZEAU

Mersi Mr Speaker. *DG* in preski pas lo sa ki mon ti pe al demande, me selman mon anvi elabor en pe plis lo la. In pas en pe plis, akoz Onorab Romain in demann en pe aepre kestyon.

DG dernyen fwa i annan dezas anler Trois Freres, ti en gro dezas i en *flood* Mont Fleuri lavil antye Bel Air partou. E dan en konversasyon nou ti fer nou de, ti pou annan *assessment* ou ti dir mwan, pou ganny fer pou vwar ki'n arrive ki'n koz sa. Akoz apre sa dezas la, i annan bann domenn drol ki pe arrive anler la, kot i annan landrwa kot pa ti abitye annan en gro *waterflood* delo ki koule ek gro lapli la pe koule.

E mwan mon reste la anler mwan e nou en pti pe enkyet. Nou dormi en kote zorey aswar ler i annan gro lapli akoz lafoumbal pa war montanny nou pa konnen ki pe pase. E ti annan en *video* ki Minis Jumeau ti mete en gro delo zanmen in deza annan sa delo la anler.

Alors mon anvi gete eski ti annan zot in fer sa *assessment* pou vwar - en *study* petet ou ti dir mwan. Eski i annan larzan dan Bidze pou zot fer sa la, ki a lafen nou ava konpran ki'n arrive la anler. Akoz petet son resevwar in *crack*, nou pa konnen. Sa mon kestyon. Mersi.

E osi pou al pli lwen ki sa, petet pou nou al pli lwen, pa zis anler Sans Souci La Digue - ozordi dimoun pe perdi dan bwa La Digue nou pa konnen ki'n arrive.

Petet zot kapab fer sa *assessment* osi pou vwar ki pe fer sa? Lo teren ki pa bon, si i annan- kwa ki'n arrive? Mersi.

MR SPEAKER

Mersi Onorab. *DG*.

DG ROBERT ERNESTA

Mr Speaker *in regards to* sa lensidan Trois Freres, nou'n ale be nou fer *assessment* e i fer bokou sans si ou dir mwan pe 'desann plis delo akoz ki'n arrive, se en deboulir ki'n komans anler. Prezan in fer transe li.

So in nepli annan vezetasyon dan sa rezyon, ki ti naturelman tenir mouvman delo. So i fer bokou sans.

Dezyenm, petet *in the long term* nou bezwen en *assessment* zeolozik. I en kapasite ki nou napa nasyonalman sa nou bezwen demann lasistans avek bann pei zanmi.

E apre osi nou annan dan nou plan e nou'n Bidze fer *request* pou *train* en *geological engineer* - en spesyalite ki nou bezwen pou fer sa kalite louvraz.

Dezyenm ou pe koz lo bann dimoun ki'n perdi La Digue. Mwan mon en Digwa mwan, kot zot perdi Anse Maron mon'n grandi presizeman laba, mon konn landrwa laba parker mwan - i annan bokou kap.

Landrwa i difisil, la in sal e nou pe travay ek Minister Touris, pou nou finalman annan dan bann letablisman touristik en pti feye, ki i kapab donn gidans tou bann viziter ki arriv Sesel, ler zot antre dan zot lasanm, lo kwa ki zot devret fer ou pa fer, e si zot pou al fer letour zot bezwen gid *and the process*. Sa i ankour. Mersi.

MR SPEAKER

Wi Onorab ou annan en klarifikasyon.

HON NORBERT LOIZEAU

Mr Speaker zis en pti pwen pou fer *DG* konpran, ki sa delo i pa pe sorti kot sa bann vezetasyon in sorti li, i pe sorti akote dan en lot landrwa. I annan 2 ranze. I annan sa ranze ki tou later in sorti, apre i annan en bout akote kot i annan sa delo ki kontinyelman koule. Mersi.

MR SPEAKER

Mersi. Mon asire *DG* in note e i a pran sa dan son plan. Onorab Pillay.

HON SEBASTIEN PILLAY

Mersi Mr Chairman. Mr Chairman mon- avan bonzour Minis avek ou delegasyon. Bonzour *DG*. Bonzour tou dimoun ki a lekout. Eskiz mwan mon'n mank sa.

Mr Chairman mon'n swiv, mon'n ekout larepons ki *DG* pe donn nou e mon i *go back to* bann larepons ki i ti donn nou dan Lasanble, ler i ti vin reponn en kestyon ki mon ti demande. Mon bezwen dir Mr Chairman, ki mon dezapwente avek bann larepons ki mon pe gannyen vizavi bann *statement* ki *DG* ti fer sa zour, e bann *commitment* ki i ti fer avek nou.

So mon pou regard Bidze *DRDM* e mon regard sa Bidze apepre 13.1milyon, ladan en gran konponan i al anba Sekretarya *DRDM* e apre nou'n ganny dir poudir larestan keksoz i ganny plase dan bann Lazans konsernen pou zot dil avek.

Mr Chairman avek ou permisyon, si mon swiv byen sa miting ki Prezidan li menm ti Chair apre dife *landfill*, ti montre gross inefikasite lo lapar *DRDM* pou li kapab *coordinate* travay ki sipoze ganny fer.

E Prezidan li menm in *sort of* admet sa endirekteman dan sa miting, akoz ti annan plizyer keksoz ki ti ganny dir. So mon kestyon pou ou oubyen pou Minis, eski zot in met larzan dan Bidze pou zot kapab fer en travay pou *improve* bann *areas* ki sipoze annan problemm, parey i ti ganny idantifye par Prezidan atraver sa miting ki ti ganny fer dan *auditorium SITE* Lekol pou *teacher training* Mont Fleuri.

Mon dezyenm kestyon Mr Chairman, ler mon pe regard bann dokiman istorik, enkli bann dokiman *World Bank*, enkli bann dokiman resan an relasyon avek *COVID-19* kot ti annan en zofisyen *DRDM* Mr Daniel Cetoupe ki ti pe eksplik travay, ti annan *NEOC*, ti annan *NEOC*. So ki mannyer ou kapab dir nou zanmen in deza annan?

Mon kestyon pou ou, se eski ou pe fer a ki neseser ganny fer koman Direkter Zeneral sa Lazans, pou ou met an plas bann striktir neseser, dan plas reponn kestyon Onorab Loizeau parey ou pe reponn li, *as if* son kestyon pa relevan?

Mon santi poudir i annan en mank *commitment* lo lapar Gouvernman pou fer *DRMD* vin sa Lazans, ki sipoze *respond* parey i devret, an relasyon avek bann dezas ki arive.

So Mr Chairman eski i annan larzan dan Bidze pou fer sa travay, pou *improve* sa kordinasyon e pou annan en *response mechanism* pou *relate* pli byen avek bann distrik? Mersi Mr Chairman, mon demann mon lot kestyon apre.

MR SPEAKER

Mersi pou reste lo 2 kestyon. *DG* ou repons.

MINISTER ERROL FONSEKA

Mr Speaker mon ava *take* sa avan.

MR SPEAKER

Yes Minister.

MINISTER ERROL FONSEKA

Premyerman annou konpran byen keksoz. Sa nesesite pour fer sa efikasite vini, is *about coordination*. *Coordination* ou pa bezwen larzan, ou bezwen servi *an asset* ki ou annan. Natirelman ou bezwen larzan pou *run DRMD*.

Selman i pa larzan ki pou fer ou efektiv. I sa *coordination* ek sa bann *different Agencies* ki kapab vin ansam pou donn sa rezulta direkteman kot i bezwen.

Dan *responding to emergencies*, sa i enportan - pa zis pou annan *asset*, *asset* i ariv kot sa nesesite i ganny demande. E ler in fini ganny servi en landrwa, si i annan en lot landrwa ki bezwen *an asset* i ganny tire sa landrwa anvoy kot i pli bezwen.

E sa i en *management* ki toulstan pe arive dan ou *operation center*. Sa ki *DG* i dir *NEOC* i en landrwa kot i annan en group dimoun ki fer sa bann desizyon.

So i pa neseserman en keksoz *other than that*. Now natirelman dan sa landrwa i annan bann *platform* konmela ozordi zour, ki ed ou pou fer sa bann desizyon, akoz sa bann *digital platform* i anvoy lenformasyon *digitally* dan sa *NEOC*.

Mwan mon kapab fer *NEOC* en nenport landrwa ek en pti set radyo si oule, si ou annan ou komunikasyon. Ou kapab travay a sa nivo. Me si oule travay nivo en plis, ganny plis lenformasyon plis *video stream* ki pe antre dan en *center*, la ou bezwen e platform. Me sa ki nou napa e mon krwar sanmenm sa ki *DG* pe koz lo la.

Me selman *to be honest with you*, menm le 12 nou annan en miting pe koz ek en *supplier* lo sa. So sa i a vin dan nou lot Bidze. So i pa en kestyon larzan, mon krwar larzan i en keksoz ki toulstan nou pou bezwen plis, akoz sa louvraz ki annan pou *coordinate* tou sa bann *Agency* pe travay ek zot, ou bezwen en pli gran tim si ou le.

Me selman i pe anpes ou ek sa tim ki ou annan la, pou fer sa louvraz ase byen. So *respond* ek *coordination* i sa lakle. E nou p pe dir- Onorab in dir ki sa Lazans *DRMD* i bezwen *respond*, i bezwen *coordinate* son *response* e son *response* i sorti kot sa bann lezot Lazans.

Mwan mon krwar Mr Speaker pou fer kler ki sa louvraz ki nou annan devan nou i en gran *challenge*, yes, akoz nou pe dil ek diferan

antite e se kordinasyon ki pou fer nou efikas ladan. E sanmenm sa nou, nou bezwen sa korperasyon tou dimoun. Mersi Mr Speaker.

MR SPEAKER

Mersi. Silvouple Onorab wi *follow-up?* DG ou le adrese? Bon mon pa tro anvi ki ou antre dan en deba lo *competency DG*, lo la. Me *DG* si oule adres okenn pwen.

DG ROBERT ERNESTA

Mr Speaker *taking up from* ki *Leader Lopozisyon* in dir. Lo mon resers e ler mon'n koz ek bann dimoun ki lontan dan in form parti *disaster risk reduction system* Sesel, ti annan en *NEOC at one point in time*.

Ki'n arive ki apre in vin *dysfunctional* mon pa pou konnen. Me ti annan - zot avoue poudir ti annan e *it was a point in time* ki'n arive ki apre in *dysfunctional* mon pa pou konnen. Sa larepons mon ti oule petet rann *Leader Lopozisyon*. Mersi.

MR SPEAKER

Thank you. Nou a terminen silvouple Onorab.

HON SEBASTIEN PILLAY

Mersi Mr Chairman. Mr Chairman, premyerman mon oule zis met sa o kler pou dir gete, mwan mon napa naryen pou regar ... Gouvernman in deside apwent ou koman sa dimoun. Mwan sa ki mon anvi ou fer *just do your job, get your job*, fer ou bann keksoz marse.

Mon bi se vvar ki ler nou amann en problem nou kapab *respond*. Baze lo sa miting ki Prezidan li menm ti bezwen desann pou vin *chair* ek Vis-Prezidan i kler poudir nou amann en problem lo *disaster preparedness*.

Akoz si Prezidan Larepublik li menm in bezwen vin fer sa, i kler ki nou annan en problem. So mon dernyen kestyon lo la finalman Mr Chairman, mannyer mon konpran nou'n depans en bon pe larzan pou nou tenny sa dife *landfill*.

E Minis in dir mwan poudir zot pa pe regard larzan koman en konponan enportan, pou zot kapab fer sa ki zot pe fer. Be ler mon pe regard ou bann *basic pay* Minis ek bann kondisyon travay ki pe ganny ofer, mon ti a kontan demann *DG* la Direkter Zeneral;

Eski zot in fer okenn diskisyon avek *staff* vizavi *package*, ki zot pe ofer *staff* dan *DRMD*? Akoz sa bann *staff* lafason natir zot travay, ler mon pe get *wages and salaries* mon pe regard sa *basic pay*, i preski naryen ditou.

So, eski zot in fer en diskisyon avek sa bann *staff* pou vvar si zot bezwen pey sa bann *staff* plis? E Minister Finans i la, eski in annan bann demann ki'n ganny fer ek Minister Finans vizavi reminerasyon *staff*, pou zot kapab zisteman delivre lo sa kordinasyon ki zot bezwen fer, pou zot kapab fer *DRMD* vin pli efikas? Mersi Mr Chairman.

MR SPEAKER

Thank you. DG lo reminerasyon staff. Minis ti- DG yes?

DG ROBERT ERNESTA

Wi i amann konversasyon ki'n nou'n fer ki *staff* in komans depi lannen pase. *PSB* in fini vini in fer *job evaluation* tou dimoun. *Scheme* pe vini. I pou siperyer ek sa ki i ete la. Mon pou napa bann detay spesifik. Be *yes we have taken into account welfare staff. Thank you.*

MR SPEAKER

Thank you. Bon ...

MINISTER ERROL FONSEKA

Mr Speaker zis mon oule fer referans lo *involvement* Prezidan. Ki ou pe war ozordi i en Prezidan ki aktiv. En Prezidan ki ler i war en keksoz i pa kapon avek *ok?* i donn tou zefor son bann Minis, son bann *DG*, son bann *PS*, e menm si i bezwen trous lanmans semiz i pou trouse.

E sa ki nou pe war e petet i en pti pe drol pou serten dimoun, me sanmenm sa fason ki nou pou bouz sa pei devan. Mersi Mr Speaker.

(APPLAUSE)

MR SPEAKER

Mersi. Onorab nou'n terminen lo sa pwen.

HON SEBASTIEN PILLAY

(Off-Mic)

MR SPEAKER

Wi-wi ou kapab fer li de mo?

HON SEBASTIEN PILLAY

De mo Mr Chairman wi. Be eski Minister Finans i kapab klarifye pou nou, nou'n ganny dir par Minis in ki zot pe travay lo abolisyon bann *Scheme*, e zot pe *move toward* en *general sort of* sistem peyman dan Gouvernman, me la nou ganny dir par Direkter Zeneral *DRDM*, ki en *Scheme* ki pe vini.

So lekel ki pe koz laverite, eski se Minis Finans oubyen eski se *DG DRDM*? So mon ti a kontan klarifye. E yer Mr Chairman dan en miting - dan en miting avek *Public Service Bureau*, nou'n ganny dir ankor ki zot pe *phase out* bann *Scheme*, e ou ti la ou, ou ti la ler Sekreter Zeneral ou ti la ou.

MR SPEAKER

Wi, wi. *Hold-on* Onorab!

HON SEBASTIEN PILLAY

Ou ti la ou Sekreter Zeneral, reste ou trankil ou.

MR SPEAKER

Onorab!

HON SEBASTIEN PILLAY

So eski pou Minis pou Finans, eski Minister pou Finans i kapab klarifye Mr Chairman, eski vreman pou annan en *Scheme* pou bann travayer *DRDM* silvouple? Mersi. Mon a ganny sa repons Mr Chairman silvouple.

MR SPEAKER

Mersi. Zis mon pa war kontradiksyon sa de pwen, me selman Minister Finans i ava zis reponn sa kestyon si i annan posibilite pou *Scheme* pou *DRDM*?

COMPTROLLER GENERAL ASTRID TAMATAVE

Mersi Mr Chair. Bonzour tou dimoun. Mr Chair *so far* ki nou, nou konnen dan Bidze *DRDM* pou 2023, nou pa'n met okenn larzan pou

Scheme spesifikman. Sel larzan ki annan pou DRDM pou 2023 se pou bann upgrading avek post reclassification.

So as far ki nou, nou okouran, napa okenn Scheme of Service dan Bidze 2023 pou DRDM. I annan reclassification and upgrading of post. Mersi Mr Chair.

MR SPEAKER

Thank you. Bon nou ava prosede avek vot lo sa Bidze pou sa divizyon. Wi i vre wi, Madanm Clerk pe fer mwan remarke ki nou pou pran en sel vot. So nou'n terminen avek deba lo DRDM la e mon a swet bann zofisye bon depar.

Ler in avanse me selman mon krwar nou a kontinyen avek sa ki nou annan lo programm, e nou a konsider Departman Imigrasyon ek Civil Status la avan nou pran break. Mersi. Mersi bann zofisye e bon retour.

Nou a pran osi poz sanitizing antretan ki madanm rapporter i a met lot delegasyon pare pou antre.

(technical break)

IMMIGRATION AND CIVIL STATUS DEPARTMENT

MR SPEAKER

Bon mon swet labyenveni Mr Alain Volcere Sekrete Prensipal dan Departman Imigrasyon e Civil Status e Mrs Erica Dufresne *Chief Immigration Officer*.

E avek zot i annan osi Mrs Angele Dupres *Director Human Resources* e Mrs Lina Bodombo-James *financial controller*. E zot la pour Bidze lo Departman Imigrasyon e Civil Status ki lo paz 275 ziska 281 pou en total R42milyon, 316mil. Minis ou annan en pti lentrodiksyon lo la?

MINISTER ERROL FONSEKA

Wi. Mersi Mr Speaker. *Ok budget pou Departman Immigration and Civil Status pou 2023, i 42milyon.316, ki en rediksyon 20.6milyon budget 2022.*

Sa reduction i vin dan goods and services - i aparet dan goods and services e sa reduction i baze lo sa peyman ki pou fer pou the

biometric passport e mon a koz lo la dan en pt6i moman ki nou'n fini met an plas sa semenn menm.

*In fact Mr speaker, mon ti kontan vreman, i en moman enportan pou Sesel ki nou'n lans nou *biometric passport*; - en *passport* ki pou fer nou *travels* - en *seamless travel* e en leksperyans tou nou sekirite, ki donn nou osi sa loportinite pou agrandi nou bann *visa exemptions*, ki Sesel i kapab negosye.*

*Currently i 152 pei, me sak sa *visa* i pou permet nou pou ganny vwar koman en pei an sekirite, en pei ki lezot pei i kapab *trust* nou, akoz baze lo sa *biometric passport* ki nou pe fer.*

*Sa *biometric passport* i deza pou 10an, menm nou pou kit sa pri parey akoz nou still kapab *keep it within* sa bracket.*

*In ganny konstrir avek en *polycarbonate data page* e ladan i annan diferan *security features* ki vreman *it's the most advanced passport* pou enstan *over the whole of Africa*. I annan *electronic chip* ki kontenir tou bann *biographical data, including ou digital signature*. And i annan 3 kalite *passport*.*

*Enn the *diplomatic passport* ki ble, enn pou *official passport* ki ver and the *normal passport* i burgundy.*

Parey mon'n dir, sa i pou ed nou pa zis lo kestyon sekirite, be osi lo kestyon fasilit nou bann *travels* dan bann pei ki nou ale. An menm tan annou pa oubliy sa *Seychelles electronic border system*, ki *immigration inherit* dan son sistem ki *formally* nou ti konn li koman *Travizory*.

La nou met li- nou'n *cooperate* li in a *special electronic corridor* lo *exit*. So lo *exit* ou kapab *fill* ou bann *requirements declaration*. Parey zot konnen nou napa *currency control*, selman nou bezwen *declare currency* ki nou fer sa; - okenn lo *arrival* osi nou annan *sort of health and currency declaration* ki nou bezwen fer.

E nou kapab fer tou sa bann keksoz dan nou prop konfor e san okenn *panic*. An menm tan pou lenstan nou annan *still* en lot bout *corridor* lo sa *departure*, zis an ka en dimoun i annan en problem ki i pa kapab fer.

So i kapab *still* fer son *declaration* lo en *side desk* lo la. So tousala, tou sa bann keksoz pe anmenn nou dan sa *digital era* ki Sesel pe bouz ladan. E dan Imigrasyon osi finalman dan lot lannen nou pou komans *get very closely* lo nou bann parmi ki vin, *digital permit* e *online payment* osi, ki nou anvi vreman an Zanye nou avi fini.

Nou pe koz ek *DICT* pou *expedite* tou sa bann zafer. *So basically* nou pe get sa servis dan *Immigration*, pou vin en lot kalite servis pou ed *obviously* nou bann *customers*.

E nou war zot komen *customers* ozordi. Si parfwa i annan bann pti defayans i akoz *Immigration* osi en *law enforcement area* e i bezwen fer keksoz byen. E si nou annan serten kontrol nou bezwen revwar akoz serten lenformasyon nou annan nou pou servi sa.

E parfwa dimoun *complain* si *delay* lo serten keksoz, me nou bezwen vvar osi sa *improvement* ki pou arrive dan *service delivery*. E rekonnet. Parfwa nou war nou koz lo en problem ki nou annan, me sa kantite keksoz ki pe ariv byen osi nou oubliye koz lo la.

So an tou Mr Speaker mon *look forward* pou war *immigration* ki nou pe *hope* i a donn sa vreman *good service to the public*. Mersi Mr Speaker.

MR SPEAKER

Mersi nou a pran deba bann Manm. Bann Manm a limit zot lekor to 2 kestyon silvouple pou komanse. Onorab Labonte premye.

HON ANDY LABONTE

Mersi Mr Chair. Mr Chair zis mon pe rod en pti klarifikasyon *in regards to* zot *current challenges*, pou en limero 5 ki pe koz lo *service delivery*.

Mon apresye ki Minister in dir ki poudir atraver sa *RBM* i pou annan en amelyorasyon. Me permet mwan pou zis eksplike pou Minis konnen, kwa ki mon koz lo la.

Nou konnen poudir i annan aepre pli ki 4an depi ler ki i pou tonm anba programm 2 kot '*citizen affair service*', ki zot in bouz lo nou sistenm ki i ganny konnen koman *NPDI System*, (*National Population Database Information System*) ki i annan serten defayans ladan;- ki par egzanp i en dimoun in *pass away* otomatikman i *flag* ten sa travayer ki pe donn sa servis, i konnen otomatikman.

Me si parkont dizon ou'n fer adopsyon ou'n adopte en zanfan, son *birth certificate* i tonbe e i ganny *adoption certificate*.

Me selman sa sistenm li menm li pa *flag up* deswit. Prezan si *by any chance* demen ler sa zanfan li in gran, i deside pou vin rod en sertifika, *by mistake* sa dimoun ki pe donn sa servis, i donn li son *birth certificate* ki'n sipoze tonbe akoz sistenm ki'n *fail*, i war li defayanse. Eski anba sa Bidze pou *empower* bann travayer enkli sa

sistèm *IT* nouvo, i annan keksoz ki'n ganny mete pou kapab adres sa sityasyon? Mersi.

MR SPEAKER

Mersi. Minis ki nou a fer, nou aps kestyon avek- amwen ki ou lev ou lanmen. Nou ava adres *PS. PS* ou repons.

PS ALAIN VOLCERE

Mersi Mr Chairman. Bonzour tou dimoun. Bonzour tou bann Manm Onorab. Mersi pou sa kestyon.

Ok si sistèm NPDIS i en work in progres ant Imigrasyon avek DICT. Zisteman ti annan en miting pa tro lontan pase kot NPDIS ti pe asize avek nou bann dimoun kot ID card section avek Civil Status, pou koz lo serten sa bann defayans teknik ki'n annan. I ti annan, -i annan serten sityasyon kot i annan bann fields ki pa'n ganny rikorde.

Serten mezir e pe pran pou ranpli sa bann fields e nou annan garanti poudir sa sistèm i pou amelyore *as we go along. So it is work in progress.* E tanzantan i annan en pti keksoz ki crop up e ki nou bezwen dil avek. Mersi.

MR SPEAKER

Mersi *PS. Onorab Henrie.*

HON GERVAIS HENRIE

Mersi Mr Chairman. Bonzour tou dimoun. Mr Chairman mon premye kestyon i vize ver *review the existing Immigration and Civil Status Legislation.* En prosedir ki nou dan sa Lasanble lontan nou'n tande poudir i pe fer, e si mon pa tronpe yer *Cabinet* in konsider en sanzman dan sa Lalwa.

So mon kestyon ki mon anvi demande se eski Departman Imigrasyon pe fer prosedir, pour ki i annan *input* piblik dan sa Lezislasyon? Eski zot Bidze i kapab cater ki zot sorti e al konsilte piblik?

Akoz i en morso Lezislasyon telman enportan pou nou koman Seselwa, e ti men annan nou promes detrwa lannen pase ki ti pou annan 2 Manm lo sak kote latab, lot kote ti pour Onorab Pillay - sa kote ti pou mwan. Nou ti lenvers sa letan, be zanmen sa in arive. So mon anvi konnen ki kalite *input* ki piblik pou annan dan sa Lalwa, atraver sa Bidze?

Dezyenmman, mon oule koz lo servis ki departman i donnent lo *Airport*. Pou leksperyans Seselwa koman etranze ler nou antre - e sa i annan pou fer sirtou avek la kantite *staff* mon pe dir sa Mr Chair akoz mon leksperyans personnel ler mon'n vini Sanmdi - koman en Seselwa mon pa'n *impress* ditou avek servis.

It was a long queue, nou'n esper en kantite letan, touris ki blan ki'n ganny mete en kote tou bann Seselwa avek bann maren Afriken ki ti pe vin travay dan nou laliny;- bann dimoun ki pa dan en liniform pe demann nou en bann kestyon. E letan mon konpar sa leksperyans kot mon sorti *Madagascar* e *Ethiopie* kot mon'n pase i ti pli vit. I ti pli *smooth*. I ti pli profesyonnel.

Alor ki mannyer sa Bidze pou adrese, ki leksepsyon Seselwa koman etranze ki antre lo nou *Airport*, i enn ki alaoter e ki vreman nou sa pei ki letan touris i vini i dir zot apresye e Seselwa i apresye pou retourne dan nou pei? Mersi.

MR SPEAKER

Mersi. PS.

PS ALAIN VOLCERE

Mersi Mr Chairman. Mersi Onorab pou sa kestyon. Onorab mon krwar ou kestyon *it's not to the Civil Status*, ou ti pe *referred to the citizenship preview exercise*, ok?

Pou *citizenship review exercise*, vre *initially* ti pou annan en legzersis kot ti pou *involve* en *wide variety of people including* ti pou annan en Komite ti pou *setup across the political devide*, ti annan en reprezantan lo Gouvernman avek lo Lopozisyon.

Sa i bann - *anyway* i annan serten keksoz ki'n arive enkli- mon pa pou met okenn leskiz lo *COVID*. Me pou *some* rezon administrativ nou pa'n kapab demare ek sa Komite. Me *the review* in fek pase dan *last Cabinet*, i annan serten lannmen ki'n ganny fer dan *Citizenship Act 2013*.

E zisteman sa propozisyon dan Lezislasyon pou vin devan *National Assembly Bills Committee*.

E par laswit - mon krwar *all is not lost*, me par laswit apre nou ava fer sa konsiltasyon dan en fason ki i ava petet donn dimoun en loportinite pou zot *provide some inputs*. Mersi bokou. Pou lezot kestyon pou. Ou pran sa enn lo *Airport* en pti kou. Mersi avek permisyon Mr Speaker byensir.

MR SPEAKER

Panel eski mon'n konpran poudir Mrs Dugasse ki pou adres lot kestyon? *Go ahead. Sorry Mrs Dufresnne.*

CHIEF IMMIGRATION OFFICER ERICA DUFRESNNE

Bonzour Mr Speaker. Bonzour tou bann Onorab. Konsernan bann staffing lo *Airport* an se moman nou annan zis 3 shift ki travay *Airport* e 3 shift ki konpri 20 zofisyen Imigrasyon. Byensir *on a day-to-day basis* tou lede prosesis pe ariv ansanm, *arrivals* avek *departure*.

E *arrivals* ou sipoze annan 14 staff e *departure* 6 staff. E i annan lenstans i sirtou dan bann wikkenn kot i annan bann *clashes* dan *flights*, i vin en difikilte pou nou staff. Nou Imigrasyon pour nou ki ti pou pli meyer nou annan 4 shift.

Kot i annan lenstans i staff i tonn malad nou kapab fer sa katriyem shift ki ava apel en *shift standby*, zot ava *call staff* pou vini pou vin ranplase. Me anvi ki sa pa'n ganny aprouve pou nou Bidze Pou 2023 - ki Finans in dir nou ki possibleman zot a kapab konsider pou 2024 - sa ki fer defayans ki nou ganny en bann lenstans ki staff i tonm malad ki nou pa kapab *fill up* tou nou bann *desk* lo *Arrival* malerezman.

Konsernan sa bann lezot dimoun ki dan *Arrival*, wi i annan lenstans ki i annan sa bann Zofisyen Imigrasyon ki pe travay avek *Travizory* ki zot, zot la kot sa *passenger corridor*, pou zot zis endik bann pasaze kote zot pou pase, e ki mannyer zot pou pase dan sa *corridor*.

Sa osi nou pe travay pou do away with, akoz nou oule dan *Arrival* ler tou pasaze i vini se zofisyen Imigrasyon ki zot pe vvar. E zot pa pe vvar okenn dimoun ki napa naryen pou fer avek Imigrasyon ler zot pe pase. Mersi Mr Onorab, Mr Speaker, mon krwar mon'n kapab reponn sa kestyon.

MR SPEAKER

Mersi. Onorab Aglae.

HON EGBERT AGLAE

Mersi Mr Chair. Bonzour PS ek ou lekip. Mr Chair mon ti a kontan-Minis size *passport* in en size en pti pe fristrasyon sa semenn, an vi ki ti annan serten problemm.

Eski la avek larive *passport* biometrik ou kapab garanti nou, avek sa Bidze ki nou pe donn zot ki tou keksoz pou *run smoothly* e sa bann *backlog* parey zot in anonse i kapab ganny dil avek ase vitman ki dimoun ki pe atann i kapab al avek zot- kontinyen fer zot biznes? Sa i enn.

Dezyenmman, se kot i konsern kantite letan ki zot in osi anonse. Eski mon pe war li vi ki i sipoze *biometric* en pe pli elektronik, mon krwar zot in anons 72erdtan - pou kapab konpare ek avan ki mon krwar ti *within 48 hours* ti kapab ganny en paspor, eski sa pe dir poudir sa sistenm li menm li in koz en pti pe retar? Zis sey eksplik mwan silvouple. Mersi.

MR SPEAKER

Mersi. PS.

PS ALAIN VOLCERE

Bon avek permision Mr Chair, mon a pas laparol avek CIO Mrs Dufresnne ki ti pe dir lo sistenm operasyonnel lo sa *issue*.

So mon zis poudir en pti keksoz lo sa 72erdtan vitman, avek permision. Se 72 erdtan delivre en paspor fransman dir - mwan mon ganny sans enterakte avek detrwa mon bann *counterparts*, avek bann dimoun ki travay dan *law enforcement* en pe dan bann pei deor - i pa *impress* zot en - i pa *impressive*.

I annan tout en prosedir *administrative*, en pti pe *due diligence* ensidswit, ki ou bezwen fer avek paspor. Rezon pou lekel mon krwar poudir 72erdtan i pi realistik - i pli realis pou nou kapab delivre lo en paspor. E paspor biometrik dan li menm li, i pa sipoze en paspor ki ou *tamper* avek i en paspor solid otman sekirize.

Me *for you to get to* sa paspor la kekfwa i kapab annan en pti defayans, en? Be pran ou met tou sa an kont *you need that time*, pou ou kapab fer sir ki *from a to z to the delivery - from* letan ou met lafarin pou ou ganny sa dipen - *everything runs* dan en fason secure.

So sa i tackle sa *issue* 72erdtan. Prezan mon kapab pas avek ...

MR SPEAKER

Tre byen. Mrs Dufresnne.

CHIEF IMMIGRATION OFFICER ERICA DUFRESNNE

Mersi Mr Chair. Mersi Onorab pou ou kestyon. Kwa ki nou pe fer an se mon pou nou defalke sa *backlog* kot Imigrasyon? Parey mon ti eksplike yer dan nou *press conference* an se moman nou ti annan nou 454 laplikasyon paspor ki ti'n *stuck* kot Imigrasyon, ki nou pa ti kapab pe donn paspor nou bann sitwayen.

Ki nou'n fer depi yer nou pe *call* tou dimoun ki annan sa- ki'n met aplikasyon kot nou. Me selman nou pe prioritiz bann dimoun ki zot, zot pe *travel* desito - sirtou bann dimoun ki pou rezon medikal zot pe bezwen kot pei.

Zot in *call* e mon byen kontan pou dir ki yer nou'n delivre paspor biometrik avek ou dimoun e nou annan dimoun ki'n *travel* menm yer swar avek sa paspor biometrik.

(APPLAUSE)

CHIEF IMMIGRATION OFFICER ERICA DUFRESNNE

Savedir Onorab *rest assured* imigrasyon pe travay li. E menm demen Sanmdi nou *staff* paspor pe travay. Nou annan bann *staff* ki *committed* Imigrasyon. E sirtou ler i konsern nou Seselwa, nou pou fer tou pou ou kapab *meet* zot *demands* e sirtou konsern paspor.

In fatig vin en kantite en semenn Imigrasyon nou pa'n kapab delivre paspor avek ou dimoun, in fatig nou bokou. E nou'n bezwen annan sa opsyon. E sanmenm sa ki nou'n war nou'n bezwen *launch* biometrik pli vot posib, pou nou kapab ed nou dimoun pou ganny en paspor pou zot vwayaze.

An se mon nou pe fer bann *enrollment* pou bann dimoun ki deza parey mon'n dir ki i annan en paspor, e nou pe *slot in* bann dimoun ki zot prezan ki zot pe vini pou fer paspor, akoz zot, zot annan en bezwen imedya zot osi.

Sa bann dimoun osi zot pe vini, zot pe ganny sans pou zot fer zot *enrollment* pou zot kapab ganny en paspor.

Parey mon'n eksplike osi yer dan nou *press conference* paspor biometrik i annan 2 faz ki i bezwen pas ladan li, ou bezwen annan sa *enrollment* kot ou vin kot Imigrasyon fizikman. La ou vini nou tir ou portre, akoz ou nepli bezwen ek sa nouvo prosedir al tor ou portre kot *one hour photo*, parey al rod en dimoun pou *counter* sa laplikasyon.

Tousala nou *do away with* ek sa sistem. Sa sistem i pli fasil i fer keksoz pli fasil pou bann dimoun i vin direkteman kot nou e sa

zofisyen Imigrasyon ki fer sa *enrollment* li ki pe *attest* idantife sa dimoun.

Savedir ou pou vini si ou deza annan en paspor en vye paspor ou pou vin ek sa paspor ek ou kart idantite.

Lo sa sistem imigrasyon lenformasyon i ganny sorti direk from *NPDIS*. Premye keksoz ki sa *Enrollment Officer* i fer i tap ou *ID number* e ou *ID number* i pou *project* lenformasyon lo ou. Li i annan serten lenformasyon adisyonnel ki i pou bezwen pran avek ou la i pou tir ou portre, i pou fer *scan* ou *fingerprint* apre i fer ou sinyen pou pran lo ou *electronic signature*.

Le moman ki ou'n fini fer sa, la nou pou dir ou nou pou kontakte ou le moman ki ou paspor i pare la sa dimoun i ale la nou al dan dezyenm faz e dezyenm faz 1 nou al dan nou loperasyon dan prodksyon li.

Dan prodksyon i annan verifikasyon ki *fair* lo sa dokiman ki li i lo nou sistem elektronik;- savedir napa papye avek paspor biometrik - pou napa papye. Ou *birth certificate* si ou pou anmennen anba li osi pareyman i ganny *scan*, i ganny anvoye elektronikman.

Pou napa sa zafer ki nou bezwen pran ou *birth certificate* kit avek nou, *whatnot*. Le moman ki ou donn ou *birth certificate* zis nou *scan*, nou rann ou, ou *birth certificate*.

E dan prodksyon ki zot fer, zot bezwen verifye tou sa bann lenformasyon ki ou'n donnen, enkli ou bann dokiman ki ou'n *submit*. La nou fer verifikasyon, nou verifye lo *alert*. Akoz i annan lenstans ki en Seselwa i kapab annan en lenstans ki Lakour, i pa donn li drwa pou li *travel* akoz i annan en ka Ankour. Nou bezwen verifye sa bann lenformasyon.

Once ki tou keksoz in pare la i al dan lot faz kot apel *personalization*. La ki ou *passport* i ganny *issue*. E sa prosedir an se moman Onorab nou asire nou annan sa total lasistans, poudir ki nou pou *get rid of* sa *backlog* by semenn prosen. Nou annan nou 3 *printer*.

Ek sa Kontra nou'n ganny nou 3 *printer*, 3 *printer* ki kapab *print* 20 *passports at one go*. Savedir i fer ou 60 *passport* i ganny *print at one go*.

MR SPEAKER

Mon krwar ou'n reponn kestyon Onorab Aglae. Ou annan en klarifikasiyon silvouple.

(*Interruption*)

MR SPEAKER

Sorry. Les Onorab Aglae fer son klarifikasyon.

HON EGBERT AGLAE

Yes. Mersi pou ou larepons. Mon kontan zot kapab pe dil ek sityasyon e pe bouz ver sa sistem nimerik. Now ki pou arive - akoz i annan serten konsern avek bann *passport holders* Seselwa ki aletranze. Ki prosedir ki zot pou bezwen fer pou zot kapab *issue* en paspor?

MR SPEAKER

Wi madanm. Annou sey pas lo la vitman silvouple.

CHIEF IMMIGRATION OFFICER ERICA DUFRESNNE

Wi Mr Chair. Mersi Onorab ankor pou ou kestyion adisyonnelle.

Bon pou paspor biometrik an vi ki nou napa en *database* -nou komans *zero* la, akoz ou napa *database* detay biografik pou dimoun. E tou pei ki lans paspor biometrik la, tou dimoun i bezwen fizikman vin Sesel. Ou pou bezwen desann Sesel pou fer ou *enrollment*.

Savedir tou dimoun pou bezwen desann Sesel, vin fer son *enrollment* pou li ganny son nouveau paspor biometrik.

(*Interruption*)

MR SPEAKER

Hold on silvouple! I annan zis tro bokou koze dan lasal, mon pa pe ni menm kapab swiv sa madanm. Silvouple madanm zis fini adres sa pwen vitman pou nou kapab bouze. Lezot Manm pasyans silvouple. Ou'n fini madanm? Mersi. Tre byen. PS ti annan keksoz pou azoute.

PS ALAIN VOLCERE

Non zis ti pou azoute ki *obviously* dan sa lemonn ki nou pe viv ozordi 2022, nou pou al *online* avek laplikasyon paspor biometrik pli tar. Savedir ki sa 2 prosedir *enrollment* ek *personalization*; - *Enrollment basically* se laplikasyon en laplikasyon olye fer lo form, ou fer sa letan ou vin kot imigrasyon ou fer tousala - an menm tan *biometric capture* ou ampli ou bann detay.

So letan nou pou *go online* nou lide se- annefe nou pou bezwen diskit sa avek en pe plis avek Departman *Foreign Affairs*. Nou pou swazir bann landrwa ki annan bann sant Seselwa dan *diaspora*, petet 3 ou 4 landrwa kot nou pou bezwen fer bann dimoun ganny *training* baze dan bann lofis dan sa bann biro aletranze, pou zot kapab fer sa *enrollment* apre *submit* lenformasyon kot nou pou fer *personalization*.

So the online is coming - i pe vini e hopefully sa lannen nou a kontinyen parey nou ete. Be next year nou a kapab deza pe seriously pe antre dan sa demars pou fer online application. Mersi.

MR SPEAKER

Mersi. Bon mon ti pe ekspekte ki nou pou kapab dil ek sa size dan letan ki nou'n soz, me i pa pou posib, vi la kantite entervenan ki mon annan. So nou a pran *break* la e nou a repran 11er15. Mersi nou a pran *break*.

(BREAK)

IMMIGRATION AND CIVIL STATUS DEPARTMENT (cont)

MR SPEAKER

Byen nou ava kontinyen. Onorab Cosgrow.

HON WALLACE COSGROW

Mersi Mr Speaker. Bonzour tou dimoun ankor enn fwa. Mr Speaker mon ti annan 2 kestyon. Enn konsernan Lalwa pou *capture biometric data*, be mon'n ganny en konpran ki poudir Minis in siny Lalwa yer pou fer li posib.

Ki akoz *Passport Act 1995* pa ti permet pou annan *biometric date capture*. So mon sipoze Lalwa regilasyon i annord e letan i vin devan Lasanble nou ava kapab gete e fer nou komanter.

Mon dezyenm kestyon Mr Speaker, i *about* bann lenformasyon. Vi ki nou'n bouz lo bann lenformasyon en pe pli personnel pou bann dimoun ki pe anmas paspor - bann *biometric data*.

Bann lenformasyon en pe pli personnel, prezan an relasyon avek sa lakonpannyen ki pe *provide* servis pou imigrasyon - bann servis ki zot dir *Travizory* ti fer la, en?

Now eski zot kapab dir nou sa lenformasyon - vi ki sa i bann lenformasyon personnel dimoun, i annan en gran lenplikasyon lo kote sa lenformasyon i ale. Lekel ki *store* sa bann lenformasyon?

Eski sa lakonpannyen - akoz nou ava rapel *Travizory* ti annan en *issue* ek sa zafer lenformasyon personnel dimoun an-term son lasante ki ti annan en gran deba lo la.

Prezan bann lenformasyon paspor dimoun, kote i ale? Lekel ki anmase? Eski en *third party* i osi kapab anmas sa bann lenformasyon ki dimoun pou al donnent la pou fer zot *biometric passport*?

So si zot kapab donn nou en leklersisman lo la pou pep Seselwa kapab konnen sa lenformasyon ki donnent kote i ale. Mersi.

MR SPEAKER

Mersi. Ok nou en pe an deor Bidze, me solman Minis annou gard sa repons en pe bref.

MINISTER ERROL FONSEKA

Mersi Mr Speaker. Regarding *Travizory* lenformasyon. I annan 2 kalite lenformasyon. I annan lenformasyon *advance passenger information*, ki vreman lenformasyon sa bann *airline* ki sa detay i apel pou zot sa. E nou menm nou, nou pa ganny *access* ek sa.

E sa i lemonn antye ler ou *travel* bann *API information* i belong to sa bann *airline*. I annan en lot kalite lenformasyon ki vin ek sa bann zafer ki nou, nou anmase lo *Travizory* pou fer sa *process* pou dimoun antre dan pei.

E sa lenformasyon i al dan *ICT* e i ganny *load* dan *DICT*. Lo sistenm i reste aepre 24erdtan lo sistenm, apre i al kot *DICT*. Nou annan *access* ek sa selman sa i reste isi Sesel. I pa al okenn landrwa parey sa *API* i ete. Sa *API* i en lot zafer.

Petet *PS* i kapab elabor lo la en pti gin.

MR SPEAKER

PS si ou kapab azout okenn keksoz?

PS ALAIN VOLCERE

Mr Chairman pou enn fwa pa vreman lo *API*, solman *CIO* pou koz en pe lo sa bann lenformasyon ki antre dan sistenm paspor biometrik lo *server DICT*.

MR SPEAKER

Yes, madam.

CHIEF IMMIGRATION OFFICER ERICA DUFRESNNE

Mersi Mr Chair. Mersi Onorab pou ou kestyon. Konsernan lenformasyon pou paspor biometrik, i ganny stored by *DICT*.

Onorab si ou mazin byen, boner mon krwar mwan pase zot ti aprouv en *Supplementary Budget* pou *DICT*. E sa i pou lenfrastruktir ki siport paspor biometrik.

MR SPEAKER

Thank you madam. Onorab ou'n rapel mon'n dir ou nou pa lo Bidze so annou zis ale wi.

HON WALLACE COSGROW

Mr Speaker i lo Bidze li. Akoz i loperasyon Imigrasyon lo *Airport*. Lenformasyon ki ler ou pe fer paspor *DICT* sa mon konpran. Zot pe dir nou poudir sa lorganizasyon ki ti apel *Travizory* ki mon krwar in sanz non la, i pe *provide* zot avek en sistenm pou zot kapab *manage* zot bann lenformasyon letan dimoun i antre lo *Airport*, at the point of entry and at the point of exit.

So basically, sa lenformasyon si ti *DICT* ki ti'n *design* sa sistenm, sa lenformasyon i reste *DICT* avek Imigrasyon.

Now vi ki i en lakonpannyen an deor ki'n *design* sa sistenm, eski sa lakonpannyen i annan en repozitwar sa lenformasyon dimoun letan dimoun pe antre Sesel apre letan dimoun pe sorti?

Akoz i bann lenformasyon personnel dimoun. Mersi.

MR SPEAKER

Thank you. PS wi.

PS ALAIN VOLCERE

Ok petet zis pou ... sa *chapter* vitman, *Travizory* ler i vin operate isi Sesel lo son Kontra, zot ganny bound by - anyway the gold standard ki egziste Lerop i *GDPR*. Mon krwar nou tou nou familye avek.

E sa i son requirement pa anba *Travizory is more* - pa plis ki 3 mwan e *they have to release this information*. So sa lenformasyon pa reste avek *Travizory indefinitely*.

Wi nou *Immigration system DICT* parey ou'n eksplik *Minister*. Mersi Mr Chair.

MR SPEAKER

Thank you. Onorab Gill.

HON CHURCHILL GILL

Mersi Mr Chair. Bonzour Minis ek ou delegasyon. Bonzour tou Manm. Mon kestyon se donnent sa sityasyon kot ler nou'n fini donn *GOP* tou bann *GOP holders*, e ozordi i annan konsern ki i annan dimoun ki son *GOP* in *expired* be selman i ankor dan pei.

Eski dan sa Bidze i annan okenn provizyon kot pou ed Imigrasyon pou li kapab annan en sistemtik kot ler *GOP* pe *expired* otomatikman sa i ganny *flag*?

E sa pou Imigrasyon kapab annan en rikord 100 poursan *accurate* ki dir nou poudir, ozordi dan Sesel nou annan tan dimoun ki *GOP* in fini, me selman nou pa konnen kot zot ete.

E sa zot *Enforcement Section* pou zot konn egzakteman lekel sa bann dimoun, ki bor zot ete, e i a fasil pou zot fer sa travay? Mersi.

MR SPEAKER

Thank you. Minis pa blyie lev lanmen si ou ki le reponn.

MINISTER ERROL FONSEKA

Mersi Mr Speaker. En pti size ki mon kontan sanmenm mon anvi reponn sa. Akoz toultan mon pe fouy dan sa ban zafer.

An tou leka *expired GOP* nou annan nou sistemtik *e-flag*. Ki nou sistemtik pa fer i pa *filter*. Sa nou bezwen nou menm nou met keksoz annord pou nou ganny lezot rezulta.

Sa sistemtik i en pti pe vye. Selman zis pa anpes nou fer nou louvraz. Selman i pran en pti pe plis letan.

Lo kestyon *expired GOP*. Ouswa les mon koz lo dimoun i dan pei ki toultan vin en konsern, ki pa *legally* dan pei. I annan sa mouvman ki en dimoun - en lakonpannyen pe *renew* son *GOP*.

I annan bann moman *of expiry* ki *we are aware of it*, selman nou'n donn li en konsesyon pou sa moman akoz nou pe *renew* son *GOP*. So i ganny *expired* dan sa moman.

Right now, i annan apepre 124 ler nou pe koze la. I annan en lot sityasyon ki nou pe sanz sistemtik. I bann maren ki *transit* Sesel,

ki ler zot vin dan pei zot ganny en ‘in’, apre an menm tan nou donn zot en ‘out.’ Me selman zot pa ‘out’ deswit zot pe *spend* en pti pe letan dan *Barrel* partou eksitera.

E *basically they are illegal*. Alor ki nou pe fer la nou pe resanz sa. Nou pou konstri en lot *Immigration Departure area* lo tou lede Por. Nou annan enn lo en Por enn lo lot Por. Ki zot pou ganny zis en ‘in’, e dan sa moman ki zot 2 semenn 3 semenn zot dan pei - o moman ki zot pe al *board* pou ale, ki zot ava ganny zot ‘out.’

So toulstan nou annan en kontrol lo dimoun lo la. Mersi Mr Speaker.

MR SPEAKER

Thank you.. Yes, ou annan en klarifikasyon, wi?

HON CHURCHILL GILL

Mersi Minis. Be selman ou’n donn mwan 2 porsyon mon larepons. Enn sa bann ki ou pe *renew GOP* apre bann pou maren.

Me ou pa’n donn mwan bann ki ou pa pe *renew* zot *GOP* in fini, zot *at large*, sa ki mannyer nou dil avek? Mersi.

MR SPEAKER

Thank you Minis, ou klarifye sa. PS?

MINISTER ERROL FONSEKA

Yes, Mr Speaker otomatikman sa i pou ganny *flag* koman en dimoun ki nou pou *PI* otomatikman.

E ki nou fer? Ki nou fer nou anvoy lo *enforcement* pou get sa bann sityasyon. Me solman an tou leka si sa *employer* pa’n vini pou *discuss* ek nou akoz i anvi en *renew*, sityasyon *ki en dimoun si i annan employment issues or TIP issues*, sa en lot zafer sa. *Si nou annan en court order and all that*, so nou bezwen e nou bezwen *work* ek sa bann agencies – social agencies, zot ganny *maintain* dan bann *shelter*. Now sa en lot zafer.

Par ler sa i *drag* en pti gin, me o moman ki nou kapab *streamline* sa moman - nou pa kapab annan dimoun *illegal* dan pei ki nou pa konnen.

So sanmenm sa nou bi toulstan dan *Immigration*. Mersi Mr Speaker.

MR SPEAKER

Thank you. Wi nou ava pran Onorab Romain prezan.

HON GEORGES ROMAIN

Mersi Mr Speaker. Minis ankor enn fwa bonzour. Minis mon konnen Mrs Dufresnne boner in koz lo paspor biometrik. Mon ti ava osi felisit zot pou *successfully* entrodwir sa paspor dan nou pei.

E mon konnen sa pou ed nou en kantite pou fasilit nou *travel* pli byen. Me selman ti annan en Onorab mon krwar Onorab Aglae ti demann en kestyon pli boner.

Mwan osi mon ti en pou pe dan sa laliny. An vi ki nou konnen nou annan bann etidyan ki'n al etidye pou *quite* en bon pe letan. I annan menm ki'n al pou 7an, 5an.

E kekfwa zot pa ti pe mazin pou vin Sesel. Me zot paspor kekfwa pe al *expire*. Mon konpran ki Mrs Dufresnne in eksplike, mon'n konpran tre byen. Me selman si zot paspor i *expire* la zot pou ganny problemm pou retourn Sesel.

Kekfwa zot pa ti'n mazin pou tournen byensir avan. Mon konnen nou pe retourn - mon pa anvi retourn dan *back the old system*. Be selman avan zot ti ganny en form zot ti ranpli, zot ti fer tou. E zot paran ti anmenn kot Imigrasyon. Zot ti ganny zot paspor zot ti *courier* tou keksoz ti *ok*.

Me selman la pou sa bann etidyan, mon ti ava kontan si Mrs Dufresnne ti kapab donn en pti lesplikasyon ankor pou sa bann etidyan kekfwa. Apre pou bann dimoun osi ki'n al *long term* pe travay an deor Sesel bann Seselwa.

E mon ti ava kontan ganny en pti pe leklersisman lo la. Me selman par kont osi tou mon ti ava demann Minis kekfwa pou bann dimoun kekfwa ki'n ganny paspor dan en fason pa an byen, oubyen ou kapab dir ilegal.

Kekfwa sa osi pou ede ki ler zot entrodwir sa bann novo paspor, ki sa bann dimoun aprezan vreman i pa ava ganny en paspor Sesel. Sa mon vreman siorte.

Apre Minis mon annan en dezyenm kestyon. An vi ki *GOP* nou konnen ler en dimoun i vin Sesel i fer tou bann prosedir, i ganny son *GOP*, epi travay byen korek.

Mon'n ganny plizyer konplent kot bann *skipper* etranze zot vini dan en group koman en group touris oubyen fanmir, zot kapab lwe en *yacht* espesyalman lo bann *yacht*.

Sa dapre konpran i dir i *ok* i kapab *skip* son bato. Apre ler i fini son konze i retourn dan son pei. Me selman par kont i annan sa bann dimoun ki pe reste Sesel. E zot pe reste Sesel e zot pe kontinyen fer sa louvraz *skipper*.

E parey nou konnen bokou nou bann Seselwa pe perdi sa loportinite pou zot kapab kekfwa ganny sa louvraz.

E mon ti ava kontan demann Minis ki son Minister pe fer vreman pou evite sa bann sityasyon koumsa arive? Akoz mon'n ganny plizyer konplent. E si Minis i bezwen en pe lenformasyon mon kapab donn li apre pli tar. Me selman mon okouran. Mon'n *call* ou Biro Imigrasyon osi dan lepase.

Zot in dir ek mwan koumsa zot okouran. Zot in fer bann prosedir. I annan ki'n ganny deporte, in ganny zot *PI* parey zot dir.

Me selman sa bann menm dimoun i annan ki'n retourn ankor pe travay. So, mon ti ava kontan ganny e pti pe plis lenformasyon lo la Minis. Akoz Seselwa deor i en pti pe fristre *about* sa sityasyon. Mersi Mr Speaker.

MR SPEAKER

Mersi. Mon pe remark en kantite kestyon ki lo travay sa Minister. Mwan mon kontan ki bann Manm i ganny lenformasyon. Selman nou pe travay lo Bidze la.

So, Minis mon ava demann ou pou zis adres s kestyon vitman.

MINISTER ERROL FONSEKA

Mersi Mr Speaker. Mersi Onorab. Mr Speaker mon konpran ou lo la, nou bezwen en pti pe *brief*. Me selman an menm tan sa 3 kestyon ki Onorab in demande en keksoz ki mon osi mon a ker pou rezourd. E mon krwar nou annan solisyon pou sa. So akoz i trakas en kantite dimoun sa bann zafer.

Right ou premye kestyon lo kestyon *students*. Mon ava reponn en pti gin petet Mrs Dufresne ava koze pli tar.

Me pa blyie pou lenstan i koumsa me sa bann passport bann vye *passports* si i *still in date*, ou *still* kapab deservi li, so i pa anpes sa.

Me selman *we need to sa enrollment i mobile*. Ler nou ti fer pou Prezidan nou'n pran sa nou'n anmenn *State House* nou'n fer pou li.

So nou kapab *train* dimoun pou fer dan sa bann diferan Lanbasad kot nou annan partou. So, *this is the way ahead*.

Lo ou dezyenm kestyon, *yes sa en loportinite pou nou revwar bann dimoun ki vreman deor ki'n ganny paspor vye and all that.* Ki zot *status?* Ki mannyer zot in ganny tousala?

E sa i *link up* lo sa 3, *72 hours* osi. Dan bann ka nou pou plis ki *72 hours*. Akoz parey *PS* in dir pli boner en *passport* se en dokiman serye, serye, serye, serye.

E la en loportinite pou nou kapab kontrol byen nou sityasyon. Tou bann kontrol - sa bann *blank passport* osi. Mon konnen nou pa kapab, zot pa pou kapab vol enn *sort of clone* li. Me selman tou sa bann *passports, spoilt passport* nou annan sistenm ki nou kontrol asa byen.

E sa *72 hours* i enportan. Nou pa pou *fast track* sa nou pou get sa byen menm akoz *the importance to the document*.

Ou lot sityasyon. *Ok Mr Speaker mon kontinyen la en.* Lo ou lot sityasyon lo sa bann *skippers* lo *bare boat charter*.

Now zis avan mon komanse the bare boat charter mon diskit. E sa i enportan ki nou get nou bann lezot Minister *as well. Bare boat charter for Ministry of Tourism* i en prodwir enportan.

Labilite pou sa fanmir ki vini ki li i swazir son *skipper*. So nou bezwen konpran sa. Me an menm tan nou annan sa defayans, kot serten *skipper* i vin fer son dil pou li repete, pou li repete.

E nou'n diskit sa *at length*. E la dernyen desizyon ki - *in fact* menm sa semenn mon ti ape koz ek Mr Victor lo la. E li i ti pe al *Dubai* pou li fer menm zafer laba. Mon dir li tasyon ou en *PI* laba.

Me ki nou anvi fer i ek sa bann lazans parey *Sunsail and all that.* I donn zot en *temporary GOP* pou sa dimoun pou sa *trip*. Dizon i pe vin 2 semenn, i ganny 2 semenn *GOP* i ava pey *temporary R500* ek *R100 processing*. A kout li *R1500*.

Now ki sa i fer? I fer sir unlike a visitor, a visitor i kapab ganny en *visitor extension*. Me si ou lo enn sa *GOP*, ou pa pou kapab misouk pou al rod sa *extension* apre pou fer sa louvraz.

Straight away i pou donn ou en sans pou nou kontrol en boug. E ler i fini sa i ale, si nou war aprezan ki nou fer, nou annan sa non-lo sa. Lo nou rikord.

Si sa menm non i ganny *pop up* la nou bezwen apros sa lazans nou dir tyonbo en kou, ou pe servi sa boug detrwa fwa, i pa kapab pe asiste sa fanmir li, li i bezwen pe fer en biznes.

So dan sa sistem mon krwar, la i pou donn nou en sans pou nou kontrol sa. So, we will put that in place and monitor apre evaluate. Mersi Mr Speaker.

MR SPEAKER

Thank you.

MINISTER ERROL FONSEKA

Mon pa konnen si Mrs Dufresnne i annan lezot keksoz pou azout.

MR SPEAKER

Madanm ou annan pwen pou azoute?

CHIEF IMMIGRATION OFFICER ERICA DUFRESNNE

Mersi Mr Chairman. Mersi Onorab. Mon le zis azout sa bout, sa pwen lo kote bann etidyan ki *overseas*. Parey nou'n dir, nou le *ensure* ki dimoun i renouvre son paspor, i fer son paspor *in due time*. Ou pa esper dernyen moman apre pou taye.

Me selman *having said that*, dan nou bann Lanbasad *overseas*, zot tou zot kapab *issue travel documents*. Savedir si nou annan en Seselwa ki bezwen desann Sesel par kont son paspor in *expire* i annan touzour sa opsyon.

E menm Sesel osi nou kapab *issue travel documents* pou sa bann lenstans koumsa ki nou kapab fer sa bann Seselwa ki *overseas* pou desann pou vin fer zot paspor biometrik. Mersi Mr Chair.

MR SPEAKER

Mersi. Annou anmas bann kestyon pou Polisi pou *Question Time* silvouple. Onorab Mondon.

HON TERENCE MONDON

Mersi Mr Chairman. Mr Chairman mon rekonnnet ki teknolozi biometrik i aport bokou lavantaz, me i osi vin avek en kou sibstansyel.

Eski sa sonm 23milyon ki ti dan Bidze sa lannen, 2022 i sa dernyen peyman ki Gouvernman in fer an relasyon avek sa paspor biometrik, oubyen pou annan lezot peyman a lavenir?

Eski zot annan en servis Kontra avek sa lakonpannyen ki'n devlop sa sistem? Mersi.

MR SPEAKER

Mersi. PS i pare pou reponn.

PS ALAIN VOLCERE

Mersi pou sa kestyon. Kontra paspor biometrik i *last* pou 5an e i konpri *training, maintenance*, sipor konsey, eksetera. So ensi ki *make available* to nou 200mil paspor dan tou le trwa kategori.

Savedir diplomatik, ofisyel avek ordiner. Donk nou kapab dir *for the next five years* wi nou ase, nou konfortab. E a lavenir nou ava gete bann lezot issues ki leve si nou pou bezwen enkorpor sa dan Bidze.

Solman nou annan dan nou bann lobzektif poudir nou bezwen siport sa proze kontinyelman.

MR SPEAKER

Thank you. Mon annan en Onorab Arissol la mon pa konnen lekel. Onorab *yes go ahead*.

HON SANDY ARISSOL

Mersi Mr Chair. Mersi bonzour tou dimoun. Mon annan de pti komanter avan mon annan mon de kestyon ki base lo Bidze.

Premyerman mon *happy* avek sa ki Mrs Dufresnne in dir *in regards to* bann zofisyel lo *Airport*. Ler nou debarke tou dimoun lo *Airport* i bezwen dan en liniform avek zot *badge*, pou nou konnen ek ki nou *hand over* nou paspor. Pa nenport ki dimoun pe demann ou lekel ou kot ou sorti.

Dezyenmman mon *happy* ek sa zafer ki ou'n dir, pou nou paspor biometrik ou'n dir poudir bann pei ki'n komans avan nou zot in fer sir ki zot dimoun i vini e Sesel mon pe ankouraze sa.

Annou pa sey rod leskiz - mon pe ankouraze ki bann dimoun i vini, pou nou konnen lekel sa bann nanm ki'n ganny nou paspor, pou nou asire ki sa voyaz nou paspor i pou ban dimoun ki devret ganny nou paspor.

Prezan mon al lo mon kestyon. Mon kestyon i konsern *P2* avek *P3* dan liv Bidze. Premyerman *P2 citizen affair services*.

Mon ti ava kontan demann Minis konbyen etranze ki'n ganny nou nasyonalite pandan sa dernyen 2an? Mon premye kestyon.

Mon dezyenm kestyon Mr Speaker. Lo *P3 Border Control Surveillance and Processing*. Mon ti ava kontan demann Minis taler mon'n tann ou koz *enforcement team*, ek bann pwen *GOP* ki'n ganny mansyonnen.

Eski Sesel nou annan en *enforcement team* parey Lapolis, *Customs, Immigration Officers?* Ki zisteman mon pe demann sa kestyon parske letan mon pe get kalite etranze ki pe rantre dan pei ozordi letan mon pe get zot *current challenges*; - “*increase frequency and sophistication of international criminal activities.*”

Eski nou annan dan pei ozordi - mon ti ava kontan form par sa lekip si i mank zot dimoun - *enforcement team* pou nou al dan bann laferm, dan bann magazen, dan bann *construction company*, pou nou asire ki bann etranze ki dan nou pei zot vreman legal e zot devret la?

Mersi bokou Mr Chair.

MR SPEAKER

Thank you. Lekel ki pran kestyon? PS.

PS ALAIN VOLCERE

Mersi Mr Chair. Mersi Onorab. Si mon'n konpran byen se lakantite etranze ki dan pei ki'n ganny sitwayenne, se sa? Pandan sa dernyen 2an.

Mon annan sa lenformasyon, i pa *at the tip* of mon latet la. Mon kapab petet donn ou sa apre midi. Mersi lo sa.

MINISTER ERROL FONSEKA

Mr Speaker zis pou azoute selman, Pa lo kestyon 5 (1) bann dimoun ki'n laplipar ki nou'n fer bann dimoun ki'n marye ek Seselwa.

Lo 5 (1) (0). Lo 5 (1) (0) annou fer sa kler.

(APPLAUSE)

MINISTER ERROL FONSEKA

Ok lo kestyon *enforcement team*, i en keksoz ki nou pa ase for lo la. Nou pa ase for akoz *purely* lo *staffing*. Be ki nou'n sey fer akoz nou fay, ki nou sey fer nou sey enkli *intelligence*, nou sey enkli Lapolis, *TIP definitely* i annan en gran rol pou fer ek sa.

Ek tou sa bann lezot Lazans, ki donn nou sa sans. Apre pa blye nou annan nou prop si ou le radyo banbou. Ki dimoun i telefonn nou i dir nou serten dimoun pe travay bla, bla, bla.

E la si nou ganny sa nou pran sa an, i konfidansyel. Nou pran sa e nou avoy en *team straight away*. Nou annan ase nou tim gro pou nou *react* pou sa bann zafer koumsa, me selman sa ki ou pe dir en *wide spread campaign* pou ale pou respe nou vwazinaz en kou, i pa sifizan pou se moman.

But it is a necessity ki nou bezwen get ladan. Mersi Mr Speaker.

Mon *congratulate* ou pou en zoli fanmir ki ou annan, ki mon'n aprann en kantite lo ou dernyen kontribisyon. Mersi.

MR SPEAKER

Mersi Minis. Onorab Uranie.

HON ROCKY URANIE

Mersi Mr Speaker. Bonzour Minis ek ou delegasyon. Mon kestyon se ki provizyon i annan dan Bidze, pou fer ki Digwa pa ganny dezavantaze avek sa novo sistem biometrik? Mersi.

MR SPEAKER

Mersi.

CHIEF IMMIGRATION OFFICER ERICA DUFRESNNE

Mersi Mr Chair. Mersi Onorab pou ou kestyon. Now konsernan La Digue, Praslin nou'n met osi en *mobile station*.

Praslin, sa zofisyen Praslin i pou kapab pran sa mobile station, al La Digue al fer *enrollment* tou bann Digwa ki bezwen en paspor.

So nou'n fini kouver sa bout La Digue avek sa *mobile unit*. Me Praslin osi i annan zot osi dan lot lofis sa *outstation* i annan, zot pe fer *enrollment* akoz zot annan en stasyon zot osi ki statik dan lofis azout avek sa *Mobile Unit*.

MR SPEAKER

Thank you. Wi les Minis terminen apre nou ava pran.

MINISTER ERROL FONSEKA

Yes, Mr Speaker zis mon le *catch up* en pti gin lo sa ki *CIO* in fek dir. Dan sa bi *increase* nou *service delivery*, menm la *in fact* Lendi, nou

annan en dimoun ki pa kapab marse i dan *wheelchair*, nou pou al kot li pou fer sa.

So nou le ariv sityasyon kot nou ale nou ed dimoun dan serten sityasyon. Nou ase *flexible* lo la. Lo bann *special* ka. Mersi Mr Speaker.

MR SPEAKER

Thank you. Ou klarifikasyon Onorab?

HON ROCKY URANIE

Mersi. Mon ti le konnen si i annan en zour spesifik ki zot pou dedye pou La Digue? Mersi.

MR SPEAKER

Mersi Mrs Dufresnne ou ava adres sa.?

CHIEF IMMIGRATION OFFICER ERICA DUFRESNNE

Mersi Mr Chair. Mersi Onorab. aktyelman i dan Zedi. Dan Zedi i annan en zofisye ki li i ti vin fer *ID* La Digue. I pou fer parey savedir pou annan 2 *Mobile Unit* preznan ki pou vin avek.

I pou vin pou Kart Idantite avek pou Paspor osi. Mersi.

MR SPEAKER

Thank you. Onorab Pillay.

HON SEBASTIEN PILLAY

Mersi Mr Chairman. Bonzour Minis ek ou novo delegasyon. Mersi pou zot bann larepons ki zot pe donneen depi ziska la.

Mon ti ava kontan demann serten klarifikasyon lo serten laliny Bidze. Mon vwar ki anba *citizen affair services*, mon vwar anba *basic pay* i annan en rediksyon. Mon ti a kontan konnen akoz i annan sa rediksyon avan *basic pay* pou sorti 4milyon.

Sorry mon war sa *increase - sorry* 5 milyon. Eski sa increase i vedir i an relasyon avek sa 10 poursan? Pa *decrease sorry* en *increase*. Eski sa *increase* i vedir sa i an relasyon avek sa 10 poursan?

Me *decrease* kot mon'n war i anba '*other allowances*' ki mon war in sorti 2.1milyon pou vin 1.9milyon, si ou ti ava kapab eksplik mwan akoz i annan sa anba '*other allowances*' ki zot peye e akoz i annan sa rediksyon anba '*other allowances*'?

So zis pou fer kler, anba *basic pay* mon war en logmantasyon 5.6. Sa i an relasyon probableman avek sa 10 poursan.

E anba ‘*other allowances*’ i annan sa rediksyon, li i sorti 2.1milyon pou vin 1.9 milyon.

Prezan an relasyon en sa, mon ti ava kontan demann Minis, lefe ki Imigrasyon i annan sa ki nou apel en *Immigration cadre*. E sa i en *Scheme of Service* spesifik pou bann zofisyen Imigrasyon.

Eski Minis i kapab sir nou si sa *Scheme of Service* pou bann zofisyen Imigrasyon, pou ganny mentenir?

Oubyen eski bann zofisyen Imigrasyon pou osi pas parey lezot travayer Sekter Piblik parey *PSB* e Minis Finans in anonse ki zot pou tonm anba en sel portfey pou tou bann travayer dan sekter piblik?

E mon dernyen ...

MR SPEAKER

Onorab annou gard 2. Apre nou ava retourn lo ou silvouple.

HON SEBASTIEN PILLAY

Mr Speaker *at least* mwan mon pe demann kestyion lo Bidze.

MR SPEAKER

At least wi mon apresye. *Ok* les Minis reponn sa 2 silvouple.

MINISTER ERROL FONSEKA

Mr Speaker mon ava les *Finance* dil ek sa en pti kou.

MR SPEAKER

Wi.

COMPTROLLER GENERAL ASTRID TAMATAVE

Meri Mr Chair. Mersi Onorab. *in regards to* travayer Imigrasyon zot *current Scheme of Service* i ganny mentenir. Pou 2023 zot pou ganny zis sa *salary review* parey tou travayer sekter piblik pou gannyen.

E se tou ki annan pou travayer Imigrasyon. Mersi.

Sa *increase* dan *basic salary* i annan pou fer avek *13th month* *ek salary review* parey ou’n prezimen, anba ‘*other allowances*’ sa i pirman zis e re alokasyon, akoz an son *actual 2021* anba sa laliny i 1.8milyon e son Bidze an 2023 i 1.9 milyon.

So i zis en re alokasyon *between* bann diferan *allowances*. I pa neseserman okenn *allowance* ki pe ganny retire lo okenn travayer. Mersi.

MR SPEAKER

E lo *Scheme of Service?* Wi.?

HON GERVAIS HENRIE

Mr Speaker anba 61(d,) parski *Leader Lopozisyon* i annan en keksoz ki i pe fer Mr Speaker.

Yer nou'n fer en miting Lasanble avek *Public Service Commission*. E li i pe pran sa lenformasyon, letan i pe dir poudir Minister Finans in dir sepaman travayer pou antre anba en *Scheme*, in napa en tel lanons. I pe konfiz piblik Seselwa baze lo lenformasyon ki nou yer Lasanble nou'n diskit dan en miting.

I fer 2 fwa i fer sa in fe avek *DRDM* bomaten - *DRDMD*. Apre la in fer ankor. Fodre nou pe sezi ki *Leader Lopozisyon* pe fer. Mersi.

MR SPEAKER

Mersi. Ok *Leader Lopozisyon* mon pou zis, mon pou pran ou kestyon. Mon pou les - Lekel ki pou adres kestyon lo *Scheme of Service?* Ou satisfe avek sa repons? Tre byen.

Be ou *still* annan en pwen pou fer?

HON SEBASTIEN PILLAY

Wi mersi Mr Chairman. Mr Chairman mon le zis met lo rikord Lasanble, ki si nou ekout *Speech Minis* byen ki parey bann Manm lo kote Gouvernman in dir, in pli bon *speech*, pli bon Bidze, zot in deza tande.

E si Onorab Gervais Henrie ti'n pran letan an traver ou Mr Speaker pou ekout *speech Minis*. i ti ava lir sa paragraf dan *speech Minis* ki dir ki zot pe fer en revi tou bann *Scheme of Service*. E ki pozisyon ki *PSB* pe pran vizavi bann *Scheme of Service* i an relasyon ek sa ki mon pe dir.

Napa naryen pou fer avek miting ki Lasanble in fer yer. So fodre Onorab i les laliberte lekspresyon. E les dimoun eksprim zot lekor. E *speech Minis* tou dimoun in ekoute. Mon pa konnen ki i pe kasyet.

Prezan mon kestyon siplemanter i vin koumsa Mr Chairman, ki mon ti ava kontan anmenn en klarifikasyon lo la.

Baze lo sa ki nou'n ganny dir ler mon pe regard Bidze pou Departman Imigrasyon, e enklizyon 13enm mwan saler pou bann travayer Imigrasyon.

Parey ou konnen pandan letan *COVID*, bann zofisye, nou bann zofisye *frontline* i parmi bann zofisye ki'n travay en kantite. So mon le demann avek Minis, eski sa konponan 13enm mwan saler ki dan Bidze oubyen ki pe kouver pou bann travayer Imigrasyon, eski bann travayer Imigrasyon pou *still* ganny *appraised* lo en baz 50poursan?

Oubyen eski Departman Imigrasyon pe fer en desizyon pou dan konteks bann travayer Imigrasyon parey dan konteks bann ners pou pey zot, zot *full Trezyenm Mwan*?

Oubyen Minis i dan en pozisyon pou dir mwan, ziska la an ski konsern *appraisal*, pou bann travayer imigrasyon ki zistans zot in arive lo sa *performance appraisal* pou 13enm mwan saler? Mersi Mr Chairman.

MR SPEAKER

Mersi. Minis ou annan kestyon lo 13enm mwan saler?

MINISTER ERROL FONSEKA

Mr Speaker mon krwar Polisi lo 13enm mwan saler in ganny eksplike apepre 110 fwa par Minister Finans.

E nou, nou pou swiv menm zafer. *Appraisal* i pe ganny fer dan tou Departman *Ministry of Internal Affairs*. E i pou baze lo sa sistenm ki'n ganny agree. Mersi Mr Speaker.

MR SPEAKER

Thank you. Onorab William.

HON WAVEN WILLIAM

Mersi Mr Chairman. Mr Chairman, mon ti ava kontan re fer Minis avek *PS* lo *current receipts table 2*. *Current receipts table 2*.

Anyway, letan mwan mon pe regard sa bann detay zot in donnent la i normal. Me an term larzan - prezant koman en Manm Lasanble ki pe fer *oversight*, mon pe an menm tan demann en kestyon, an menm tan fer en sizesyon, si pa ti ava posib ki zot donn lakantite dimoun ouswa *the charge per person*?

Akoz letan ou pe reheard sa latab la, i difisil pou desifre konbyen dimoun ki sa sonm larzan i pe ganny atribye *at*.

So sa en kestyon ... si zot annan bann lenformasyon korek;- par egzanp si ou pe get *marriage fees*, par egzanp pou en dimoun konnen poudir be i annan bokou maryaz ki pe ganny pase Sesel? E kantite maryaz? Konbyen pe sarze?

Parey ou pe regard *Immigration fees*, *Passport fees* konmsi ti ava bon konnen ki kantite dimoun si i posib a lavenir pou kapab donn sa.

Mon lot kestyon se ki anba *citizen affairs services*, pou sa bann alokasyon. Mon anvi demande si anba la i annan en vot pou *contingencies*?

Rezon ki mon pe demann sa se ki i annan bann ka ki pe vin devan Minister, kot se - mon kontan mon ekout madanm ki ti koze yer swar lo televizyon pe eksplike poudir ou pa kapab fer bann paspor vit, *you are bound to make mistake*.

So i annan en bann dimoun ki pe rankontre bann ka avek zafer paspor avek *visa*, ki letan arriv deor lo *Airport* pou mli transit i ganny problemm. Me pa en fot ki li in fer. I bezwen pran son larzan re pey ticket retourne Sesel.

Me ler i vin Sesel napa personn ki le antre lo son fre, ki in depans son larzan pou retournen kot en fot ki pa li ki'n fer.

Akoz i annan etidyan ki pe pas atraver difikilte. Me zot dan limbo la. Zot pa konnen lekel ki pou kouver zot kou depans ki zot in fer.

Eski i annan en vot anba sa pou kouver sa bann ka parey? Mersi.

MR SPEAKER

Mersi. Bon nou annan sa 2 kestyon. Minis.

MINISTER ERROL FONSEKA

Yes, Mr Speaker mon ava reponn sa premye sizesyon ki ou'n fer Onorab. *In other words*, pou donn en pe plis detay lo sa bann *line items*, ki nou'n fer *income* lo la.

Me an tou leka mon krwar, si ou get *revenue Immigration*, i apepre 4 fwa nou Bidze. So i annan en kantite travay ki *Immigration* i contribute to the country.

E mon krwar sa osi *at the same time* mon anvi pran sa pti loportinite la Mr Speaker, pou felisit nou *CIO*. Mon konnen Lazournen Msye ozordi me selman nou war en lot madanm pe perse.

(APPLAUSE)

MINISTER ERROL FONSEKA

E pa zis sa i sa lantouzyazm ki pe antre dan nou *team laba*. Avek sa mon ava les *PS* reponn sa lot kestyon silvouple.

MR SPEAKER

PS wi lo dezyenm kestyon.

PS ALAIN VOLCERE

Mersi Mr Chair. Mersi Onorab. So, la mon annan de morso lenformasyon. i annan sa dernyen 2an pou sa bann lezot ka *citizenship part 5 (1)* ki mon pou donnent.

Apre byensir osi i ava *itemized* sa *revenue* ki Onorab in demande. *Contingency* nou napa *as much*. Be si Imigrasyon i fer en fot parey dan sa ka petet spesifik, ki nou tou lede nou pe mazin lo la, nou pou *refund*. Meri.

MR SPEAKER

Byen. *Ok tre byen*, nou ava kontinyen. Onorab Woodcock.

HON WAVEL WOODCOCK

Mersi Mr Speaker. Bonzour Minis ek ou delegasyon. Mr Speaker mon pou profit sa lokazyon pou felisit Mrs Dufresnne. En ansyen koleg Imigrasyon ki ozordi in ariv sa nivo Imigrasyon. Felisitasyon.

Mon kestyon i - Minis anba Gouvernman presedan, anba Gouvernman avan, ti annan bokou nou paspor, paspor Seselwa ki ti ganny vann.

Ti ganny vann avek bann etranze ki napa okenn lyen avek Sesel. E sa bann etranze in ganny nou paspor. Menm bann kriminel bann bandi.

In annan plizyer bann keksoz ki nou diskite dan sa Lasanble. Nou pa pou mansyonn non sa bann endividé.

Me avek sa novo sistem biometrik *Passport* anvi ki tou dimoun i bezwen vin Sesel pou fer zot paspor e pou ganny zot *bio*,

eski avek sa novo sistenm, i pou permet Imigrasyon, i pou ed Imigrasyon pou detekte sa bann dimoun ki'n ganny paspor anba bann fo preteks ouswa ilegalman? Mersi bokou.

MR SPEAKER

Thank you. Minis ou ava adres sa kestyon en pe vitman silvouple.

MINISTER ERROL FONSEKA

Yes, mersi Mr Speaker. Mon kontan pou war sa lantouzyazm ki dimoun pe montre lo sa *biometric passport*. E lentere ladan. E sa bann loportinite, lavantaz ki pe prezant nou ozordi, pou vreman revwar sa par *history* dan nou zistwar, kot nou sitwayennte i pa'n byen ganny sa respe ki nou koman Seselwa, nou devret donn nou sitwayennte.

E an tou leka, mon pa pou al lo la, zis fer gran zafer lo la. me selman zis mon anvi donn zot en lot zafer ki nou pe fer. Nou annan sa *citizenship* soz ki pe vin parmi zot la pou zot diskit sa.

Enn ladan ki zot pou war, i pou annan en *register* tou bann sitwayennte ki nou'n fer, e nenport piblik pou kapab vin get dan sa *register*. Ok?

Pa zis sa. la, la i vini. Ler - konmela sitwayennte i ganny donne mon pa - *you know*, nou, nou le fer sir ki sa dimoun ler i ganny sitwayennte Sesel, nou get sa group ansanm ki'n gannyen i vin dan nou lasal, nou fer li pran en *proper oath*. Tir portre les dimoun konnen, donn en portre lekel ki'n vin Seselwa.

Ok byen tousala nou pe al mete la. Ok? So sanmenm osi nou'n *hold back*. Nou anvi anmenn sa *citizenship*, mon krwar lot semenn petet i ava vini.

Diskit lo la seryezman *but these are the ideas* ki nou pe anmennen, pou donn sa respe nou paspor ek nou sitwayennte. Mersi Mr Speaker.

MR SPEAKER

Thank you Minister. Onorab Vidot ou kestyon.

HON AUDREY VIDOT

Mersi Mr Chair. Mr Chair mon kestyon Minis in reponn *partly* letan in reponn Onorab Uranie konsernan - nou ti pe mazin dan sa Bidze

lo kote administrativ, si provizyon i ganny fer pou en dimoun ki petet son dezabilite pa permet li pou vin kot lofis?

Mon ti le zos konnen Minis si ou kapab klarifye, si sa osi i kapab aplike, parey si i annan en dimoun ki'n tonm malad in reste lopital *as an emergency* i pe *travel* si sa osi zot fer?

E si i annan en prosedir ki vin avek pou zot komunik avek piblik pou fer li pli fasil pou zot konnen? Mersi.

MR SPEAKER

Thank you. Minis ou ava adres sa silvouple.

MINISTER ERROL FONSEKA

Thank you Onorab pou ou kestyon. Definitivman parey mon'n fek eksplike Lendi nou annan en ka kot nou pe al kot sa dimoun.

It is by a case-by-case basis. Selman mon krwar ki tou dimoun pe ganny enformen ki nou la pou servi dimoun nou. *Ok?* So si en dimoun i annan en problem koumsa, nou pou bezwen fer.

E sa nide al servi dimoun ler zot vin rod en servis, i en keksoz ki nou pe dan tou nou bann departman nou bezwen met sa.

So nou pa bezwen al fer gran, gran soz. Zis nou bezwen fer li. nou bezwen, en dimoun i vin kot ou ekout li byen e donn li sa servis. Mersi Mr Speaker.

MR SPEAKER

Mersi Minis. Bon nou ava termin bann kestyon lo sa Departman la. Nou ava kapab pas lo en lot laliny Bidze.

Mon ava remersye bann zofisyen Imigrasyon e *Civil Status* pou zot partisipasyon e mon ava swet zot bon depar. Amwen ki zot pe reste. Non, mon krwar pa si i annan ki pe reste pou *Prison Service*. Mersi bokou.

E nou ava pran en pti poz *sanitizing*.

(*technical break*)

MR SPEAKER

Pandan ki nou antann lot delegasyon, mon le pas lo en pti size ki mon ti pou fer bomaten dan *communication* me ki mon pa'n ganny, mon'n en pe blyie pou fer.

E *LGB* in donn mwan en pe lenformasyon lo bann ka kot bann Bidze pou antite in ganny aprouve avan ki Lalwa, ki konsern zot in pase. E mon pe met sa a latansyon bann Manm - non pa pou *LGB* me akoz pou mwan menm.

Akoz mon kontan ganny sa lasirans, ki nou pa pe depart lo presedans. So i ed mwan pou konnen poudir nou annan presedans deryer nou.

E bann ka ki'n met dan mon latansyon se ki Bidze *IECD* ti ganny aprouve an Desanm 2013 e son Lalwa ti pase 1an pli tar an 2014. E ganny Gazete ankor pli tar son lannen answit.

National Intelligence Agency son Bidze ti pase an 2017. E son Lazans ti ganny kree par Lalwa dan lannen m presedan e i pa ti ganny met an pratik ziskan 2018. E *sorry* i ti ganny aprouve an 2018 e *assented* an 2019.

E *Road Transport Commission* son Bidze ti ganny aprouve, me son Lalwa pa'n zanmen vin an fors pas dan Lasanble. Son Lalwa pa'n zanmen egziste *in fact*.

So sa i ekliersi mwan lo presedans. Me solman mon anvi dir bann Manm Lopozisyon ki'n lev sa size ki'n ganny siporte par *LGB* ki mon pran zot pwen serye e mon pou ekrir Minis Finans, lo ki ti a bon ki nou ganny bann Lalwa pase avan ki travers dan Bidze.

So sa mon siport zot langazman lo la. Me selman mon le dir pran sa *item* dan Bidze mon pa war li koman en lanpesman. Me sertennman i pli bon si Lasanble i ganny son Lalwa avan. Mersi.

Mon envit delegasyon pou antre silvouple, pran plas. Mrs Lemiel atann en pti moman les mon ava les bann la asize.

Ok Mrs Lemiel adres mwan apre mon ava rekonnent zot. Yes.

HON SYLVANNE LEMIEL

Mersi Mr Speaker. Mr Speaker eskize, i annan en keksoz ki'n *arise* ki mon bezwen met a ou latansyon. I paret mwan pandan diskisyon Bidze yer. Sa in ganny lo kote nou caucus ki'n dir mon met a ou latansyon.

Letan nou pe diskrit Bidze avek Minister Derjacques yer. Aparaman zofisyen Minister Finans ki ti la - Mr Commettant - in fer en komanter e ladan i annan sereten langaz ki in servi ki pa montre respe pou Lasanble Nasyonal.

Ou pa pou tandé ou letan ou pe, i pa'n dir *on mic*, me i parey *micro* ti on letan in fer sa komanter avek Minister Derjacques, ki nou

pou anmenn kot ou taler nou pou fer ou ekoute. E ki nou, nou santi ki in mank serten respe letan ki Onorab Gill ti'n demann Minis serten kestyon.

So, mon *Caucus* in dir mon *raise* sa avek ou fer ou konnen. Nou pou anmenn sa *recording* kot ou nou pou fer ou ekoute. E apre ou ava kapab donn ou

MR SPEAKER

Wi mon apresye ki ou'n *raise* sa *matter*, selman ti ava'n pli bon ou raise li avek *privately*, vi ki in en lensidan ki'n arive depi avan, plito ki *raise* li an se moman.

Be *yes* mon ava pran ou konsiderasyon sa ki ou ava anmennen.
Mersi.

SEYCHELLES PRISON SERVICES (ASP)

MR SPEAKER

La mon ava met a latansyon bann Manm ki nou'n ganny en nouveau delegasyon. Nou pou pran diskisyon bidze lo sa delegasyon pou letan ki nou annan. En pti moman.

Mon *welcome* Mr Raymond St Ange *Commissioner of Prisons*. Mr Sam Dodin *Chief Inspector*. Mrs Diana Asba, *Director Human Resources* dan sa servis. E Mrs Tasianna Labrosse son *senior accountant*.

E nou annan touzour Ms Tamatave avek nou.

Matter of privilege Onorab.

HON SEBASTIEN PILLAY

Mersi Mr Speaker. Mersi pou ou *acknowledge* mon e les mon fer sa. Mr Speaker mon *matter of privilege* i *about* sa ki mon santi, e ou ava koriz mwan si mon mal.

Sa ki mon santi personnelman, i se ki sak fwa en *issue* i arriv avek mon *Caucus* dan Lasanble, e safwasi mon *Whip* i fer tre byen, tre *calm*, toultan nou, nou bezwen *raise* sa *matter privately*. Me parkont ler en size i arriv avek *Caucus LDS*, dernyen fwa avek Onorab Loze, zot, zot fer li an piblik, so-so...

MR SPEAKER

Ok les mon ava reponn. Mersi mon konpran.

HON SEBASTIEN PILLAY

Non Mr Speaker, *please*. Mon krwar tou dimoun pe ekout ou e tou dimoun i war ki pe arrive la. So, les mwan fini mon a ...

MR SPEAKER

... les mon a reponn silvouple.

HON SEBASTIEN PILLAY

Wi ou ava reponn.

MR SPEAKER

... pa fer lakizasyon kont mwan.

HON SEBASTIEN PILLAY

Mon pa pe fer lakizasyon mwan!

MR SPEAKER

Arete!

HON SEBASTIEN PILLAY

Mon pa pe fer lakizasyon mwan! E mon pa dakor ek sa ton ki ou pe dir mwan arete!

MR SPEAKER

Ladiferans Onorab Pillay. Mon'n konpran ladiferans Onorab Pillay se ki sa *matter* ki Onorab Lemiel in *raise* ti ariv yer. E dapre mon konpran *Standing Order* si en *matter* in ariv deswit, en Manm i *raise* li e Speaker i bezwen dil avek *on the spot*.

Si en *matter* in ariv an deor Lasanble oubyen avan, i en lot zafer. E se sa ki nou'n fer lareg ki sa bann *matter* bann Manm i devret apres mwan, koumsa nou a gete ki mannyer nou met li lo *floor*. Mersi bokou pou sa.

HON SEBASTIEN PILLAY

Mersi pou ou klarifye sa.

MR SPEAKER

Mersi, sa i mon lesplikasyon.

HON SEBASTIEN PILLAY

Mon swete ki sa i ganny aplike dan tou ka.

MR SPEAKER

Sa i mon lesplikasyon silvouple Onorab. *And that's nou a kapab aksepte sa.*

Bon Bidze pou Departman *Seychelles Prison Service* lo paz 252 ziskan 259 pou en total R104 milyon 861 mil. Minis ou annan en pti lentrodiksyon pou sa laliny Bidze.

MINISTER ERROL FONSEKA

Yes, mersi Mr Speaker pou sa. Mr Speaker *Budget for Seychelles Prison Service* pou 2023. I a la valer *R104.8 million* pou '23 ki fer sa apre *R9milyon.4 increase* lo budget 2022.

Lo sa *increase 9.4milyon*, i annan *4milyon ekek* pou *wages and salaries*. E sa lot *6 milyon* pou *goods and services*.

Lo sa *salaries* i annan *increase* pou *new spending proposal* pou *Youth Offenders Facility*. I annan *recruitment* of diferan personal ki nou kapab al dan detay pli tar.

Parey i annan *increase resulting to the 13th month salary*. Avek sa Mr Speaker mon prezant sa Bidze pou *Prison Service*. Mersi Mr Speaker.

MR SPEAKER

Thank you. Mon'n annan 3 Manm ki'n lev lanmen. Mon pa konnen si i annan lezot. *Ok.*

Byen nou ava komanse avek Onorab Gabriel.

HON CONRAD GABRIEL

Mersi Mr Chair. Mon *welcome* nouveau delegasyon pou Prizon. Mon premye i al koumsa;- mon'n note ki i annan en gran logmantasyon lo zot Bidze pou lwe transpor, sorti 85mil an 2022 pou ariv 354mil 2023.

Osi byen ki i annan - *sorry* si ou kapab donn nou en pe lesplikasyon lo sa logmantasyon?

Apre i annan gard prizonnyen etranze ki pe ganny anploye kot Prizon, ki pei zot sorti? E konbyen larzan an plis ki pe kout prizon? Sa i mon dezyenm pwen.

I annan sa *Remand Centre facility* ki pe al fer Ile Du Port. Si mon pa tronpe Minis ti'n deza enform Lasanble ki pou annan en nouveau *Remand Centre* Bonne Espoir pres o bor Prizon.

Eski sa nide in ganny abandonnen? E si wi pou ki rezon?

Mon trwazyenm pwen ...

MR SPEAKER

Non silvouple nou ava gard li lo 2 pwen, parey nou'n fer lareg bomaten annou pa sey demann tou kestyon. Permet lezot Manm demann kestyon. Si ou'n fer 2 pwen, nou ava pran sa 2 pwen silvouple Onorab. Mersi.

Minis nou kontinyen avek pratik adres kestyon. *Commissioner yes?*

COMMISSIONER OF PRISON RAYMOND ST ANGE

Mersi Mr Speaker. Mersi Onorab. Lo transpor and the hirer charges oubyen increase lo transpor I will let my Head of Supply and Logistics, Chief Inspector Sam Dodin update the Assembly in this Committee Stage. Mersi.

MR SPEAKER

Thank you. Chief Inspector ou a pran laparol.

CHIEF INSPECTOR SAM DODIN

Mersi Mr Chair. Mersi Onorab pou kestyon. Bon egzakteman parey in ganny dir, wi i annan en logmantasyon. E sa i akoz loperasyon ki mannyer in agrandi pandan sa bann dernyen 2an.

Nou pe vwar ki nou pe servi bokou transpor. E nou pou, nou kapab mazinen an 2019 loperasyon transportasyon bann *remandees* ti ganny sorti anba Lapolis, e ti vin direkteman avek Servis Prizon.

E sa loperasyon ti pe ganny fer par Lapolis avan. E kot nou bezwen bokou Transpor. Ek en *fleet* ki nou pe deza pe sanze. Nou vwar ki nou bezwen rod bann transpor adisyonnal, pou nou kapab deservi nou loperasyon.

E zis kapab konstate poudir kommela nou annan ban apwentman isi Ile Du Port Ankour. Nou annan lapwentman Lopital Victoria trwa zonn sirtou.

I annan bann deplasman Lakour mazistra Anse Royale. E osi apwentman medikal Lopital Anse Royale. Enkli osi Anse Boileau klinik.

E parey ou kapab konstate ek sa kantite deplasman dan en zournen sirtou dan bomaten nou bezwen bokou transpor pou kapab fer sa loperasyon.

E nou'n remarke poudir nou - e pou sa rezon ki nou'n annan sa logmantasyon pou nou kapab mentenir sa loperasyon. Mersi Mr Chair.

MR SPEAKER

Thank you. Ou annan siplemanter Onorab? Onorab Gabriel wi. Wi *Commissioner i ava kontinyen.*

COMMISSIONER OF PRISON RAYMOND ST ANGE

Mr Speaker mersi. Onorab mon krwar lot kestyon se lo kote *Remand Centre Bonne Espoir.*

Aktyelman Bonn Espoir wi selman i pa pou *Remand Centre* laba. zis pou klarifikasiyon *Remand Centre* pe bouze *very close to the* - dan sa landrwa la, *and the first phase will be ready early next year.*

I pou en fasilite aepre 120 kasos, ki pou enkli en landrwa pou *juvenile* byensir. Akoz la nou annan en problem ler en *juvenile* i ganny *remanded* kot i ale. Pou annan en plas pou vann madanm separe. E apre bann plas pou bann msye, e i lo standar.

E byensir sa bann plan pou ganny sirkile e byensir si bann Onorab i anvi war plan osi napa problem kapab demann nou. E i lo standar Nasyon-z Ini.

Lo konteks kou pou bann *staff* etranze. *Staffing cost for foreigners* avek lokal, napa en gran diferans. *Next year* nou pe sanz en pe fason. Kontra pe sanze lo staff etranze *instead of* deviz pou an Roupi. *And so,* mon ava reponn li koumsa Onorab.

Si i annan okenn kestyon ankor pou klarifikasiyon. Mersi.

MR SPEAKER

Thank you. Bon nou ava kontinyen Onorab Aglae.

HON EGBERT AGLAE

Mersi Mr Chair. Bonzour tou zofisyen sorti kot Prizon. Premye kestyon i konsern *Security and enforcement*. Mon war i annan en logmantasyon sorti 13milyon pou vin 16milyon. Eski ou ti kapab donn nou en pti leklersisman?

E osi konbyen Seselwa ek etranze osi ki pe provide sekirite?

Dezyenm i konsern *food and ration*. Li osi mon war en logmantasyon 7.5 pou vin 7.7milyon. Sa ki mon ti ava kontan konnen ladan eski ban prosedir *tender* pe ganny swiv, kot i konsern bann procurement pou bann *food ration*?

E osi konbyen petet *suppliers* ki pe *supply* preznan? Akoz dan lepase zot in fer bann diferan mansyon, parey sa ki *supply* pwason, sa ki *supply* lavyann, legim. En pti pe leklersisman. Mersi.

MR SPEAKER

Mersi. *Commissioner yes.*

COMMISSIONER OF PRISON RAYMOND ST ANGE

Mr Chairman mersi bokou. Onorab mersi pou ou kestyon. lo *security and enforcement* Ogmantasyon akoz byensir nou annan nouvo fasilite ki pe vin *online* so nou, pou kouver CCTV avek lezot elektronik.

Nou annan *full body X-ray scanner* osi nou pe aste. Enn de rezon akoz Bidze in mont lo sa. Apre i annan lekipman osi pou nouveau *staff* osi ki nou bezwen rode.

As - mon krwar ou'n demann konbyen Seselwa. So i annan apepre an tou i annan dan *custodial* avek sekirite i annan apepre 80, 85, 89. An tou nou annan apepre 130 *staffing* ki lokal.

E lannen prosenn nou'n ganny pou rod ankor 20 *staff* an zeneral avek en serten nonm *staff* pou lopresyon Praslin osi, pou *youth convicted offender facility*.

Procurement wi nou swiv regilasyon *procurement*. Nou annan apepre 5 a 6 *suppliers* pou lenstans ki fourni legim, pwason. Mon ezit-e pou mansyonn poul, be selman mon bezwen mansyonn poul osi. akoz taler dimoun i ava sot lo mwan.

*And Minis in fer mwan, remind mwan ki aktyelman i anba kontrol ki nou pe fer la aktyelman Onorab. Ki nou annan en decrease lo fason *food and ration* ki e bon keksoz.*

E sa akoz travay eksepsyonnelle ki Mr Dodin parfwa i pa ganny rekonnet. Devan Lasanble, devan Komite la mon ava dir ki i pe fer en travay enorm avek son lekip, pou bann mezir kontrol ki'n, sa en travay ki nou'n fer avek Finans osi.

Goods received note ler nou *order* ek bann *supplies*. Fer sir nou peze, fer sir keksoz i antre byen. so sa enn nou par egzanp lo en pou sa lannen Bidze 7.5milyon. Nou'n ariv aepre 6.9milyon e nou pou *to budget this year*. Ki en travay eksepsyonnelle.

So nou fer sir ki *tax payers money* pe ganny *well spent*. E sa avek en *increasing population* avek kondannen avek *remand*.

La nou'n fek resevwar ankor 11 *remand* la taler avan mon antre. So popilasyon pa monte anmezir ki nou loperasyon i kontinyen avek Bidze ki nou annan. Mersi Onorab.

MR SPEAKER

Yes, klarifikasyon Onorab.

HON EGBERT AGLAE

Mersi Sirentandan. Zis mon le demann ou, eski vi ki ti annan sa novo *Scheme of Service* osi ki ti pe eglob en pe. Vi ki ou'n nonmen ki ou pe rod ankor bann zofisyne adisyonnelle.

Eski bann *Scheme* ki ti pe deza an mars la, ki zot ti pou ganny serten benefis ki *due*, eski tousala pe ganny prevwar? Minister Finans i la ki mannyer sa bann dimoun i kapab osi ganny zot *dues* ki zot merite? Mersi.

MR SPEAKER

Ok sa an relasyon avek ou premye kestyon *right?* Ok. Komisyoner?

COMMISSIONER OF PRISON RAYMOND ST ANGE

Mersi Mr Chairman. Onorab wi aktyelman ler nou ti dan Lasanble pli boner, ti annan en konfirmasyon kot diskisyon ki nou pe fer avek PSB, aktyelman i pe vin an fors la. So enn de sanzman lo saler debaz ki nou pe fer.

E in ganny kouver pou lannen prosenn dan Bidze aktyel. E byensir okenn *staff* ki novo *staff* ki antre nou *recruit* pou *next year* pou kouver zot osi. So sa nou'n fini *take care of that*. En bon kestyon, mersi bokou.

MR SPEAKER

Minis wi, ou kapab azoute.

MINISTER ERROL FONSEKA

Ya Mr Speaker, zis mon anvi petet Commissioner pa'n byen sorti. Mon krwar Manm Lasanble i bezwen konnen ki ler mon get bann *shift* la, pou manze espesyalman akoz sa i enteres tou dimoun a lekout.

An 2020 nou Bidze ti 10milyon e nou ti bezwen demann en adisyonnell 3.3. E la nou'n arive ki nou pe servi *7.5million with control and all that.*

So, things are going fairly well. Mersi Mr Speaker.

MR SPEAKER

Mersi. Onorab Woodcock.

HON WAVEL WOODCOCK

Mersi Mr Speaker. Minis in annan en defayans nasyonal pou pa mal lannen kot i konsern *incarceration* bann zanfan.

Ouswa bann i annan *incarceration* bann zanfan, bann zenn par anba 18an. E in kre en serten konsern lo nivo enternasyonal osi par UNISEF. E la mon kontan pou war dan Bidze, anba PSIP en *Juvenile Centre*, en *Youth Offender Facility*.

Desizyon ti ganny pran apre dernyen vizit Prezidan avek ou Minister pou convert YRTC - *ex-YRTC, ex-Dove Centre* pou vin sa nouveau *Youth Offender Facility*.

I annan en lokasyon R2.4milyon dan Bidze pou sa proze. Mon kestyon kan eski sa proze pou al lo *tender?* Eski zot pe espekte pou konplet sa proze pandan lannen 2023? Mersi bokou.

MR SPEAKER

Thank you. Yes Commissioner.

COMMISSIONER OF PRISON RAYMOND ST ANGE

Mr Chairman, mersi. Mersi bokou pou kestyon Onorab. Sa en proze enteresan e enportan nou Nasyon, pou tou dimoun, pou pep, pou kominate, pou fanmir. Pou konnen ki malerezman nou annan en problemm ase mazer lo *delinquency* avek serten dimoun serten marmay.

E mon krwar sa i en travay nou tou ansanm. En lekip nasyonal sa. So nouveau facilite, *actually* i pa en nouveau facilite parey ou konnen. I en facilite ki *located* Amitie Praslin.

E sa larzan *tender* avek diskisyon ki nou annan avek SIA, *Infrastructure Agency*, pou komans nenport ler la. Nou annan en depans R800mil la ki pe arive dan Bidze aktyel ki pou fer travay komanse.

E larestan travay ler keksoz i bouz an avan la, pou termin *first quarter next year*. I en plan ase agresiv akoz nou pa kapab tarde lo la.

And nou plan se en *pre-commissioning February, March*. Idantifye, i annan en group teknik, nou pa pe fer sa an *isolation*. Nou annan ledikasyon, nou annan lasante, nou annan *mental health*, nou annan *DSTPR* akoz adiksyon drog.

En ta *stakeholders* i ladan. Miting ki pou *follow-up* la byento. So, *we should be ready* avek tou sipor, *to start receiving first client malerezman lannen prosenn boner*.

MR SPEAKER

Thank you, Commissioner. Onorab Lemiel ou ti'n lev lanmen? Wi?

HON SYLVANNE LEMIEL

Mersi Mr Chair. Bonzour Minis avek ou delegasyon. Mr Chair premyerman *1 and programm Governance Program 1*, nou vvar ki i annan en *Board allowance* ki'n sorti R192milyon pou vin R96milyon.

Petet mon pe mazinen akoz sa *decrease*. Apre an menm tan nou annan programm 3 anba *rehabilitation and integration - other supplies;- other supplies* nou war in sorti 150mil pou vin 243mil. Akoz sa *increase*?

Anba program 3 menm *printing and stationary*, anba ou *office expenses*. In sorti 88mil pou vin 15 mil. Petet akoz sa *increase*? Eski zot pe mazin lo kote depans plis papye bann keksoz koumsa? *Or si wi lo kote depans papye, eski zot pa pe mazin pou vin dan en sistenm paperless?*

E zis an pasan Mr Speaker, mon'n vvar zot in dir dan zot *current challenge* zot annan en problemm transpor prizon. Eski Bidze pou lannen prosen pe fer provizyon pou zot rezourd en pe sa problemm?

Oubyen kwa ki zot pe mazin fer, pou zot kapab vwar zot rezourd en pti pe sa *issue* transportasyon, akoz mon konnen transpor i vreman itil pou lo kote prizon. Mersi.

MR SPEAKER

Thank you. Bon nou ava tret sa bann *increases* koman en kestyon. E transpor koman lot. Yes *Commissioner*.

COMMISSIONER OF PRISON RAYMOND ST ANGE

Chairman mersi. Onorab mersi pou kestyon. Mon ava les Chief Inspector koz lo sanzman lo *printing cost or printing materials* avek transpor. *And then I will take up the other matters.* Mersi, si ou permet mwan.

MR SPEAKER

Yes, Mr Dodin i ava al avan.

CHIEF INSPECTOR SAM DODIN

Mersi Mr Chair. Mersi Onorab pou kestyon. *Other supplies stationary* sa i baze lo anba sa programm legzersis ki nou'n fer, pou vwar parey programm limero 3 i relye avek reabilitasyon.

E i annan bann *supplies* kot *committee service* kot zot ki marmay i al lo la. E ler nou'n re balans bann programm, nou'n re fer en *costing*. Nou'n vwar poudir ti mank en pe finansman anba sa programm dan sa bann laliny.

E se pou sa ki nou'n *booster* sa *line item*. E osi relye avek nou bann fasilité ki byento *hopefully* parey nou'n dir 2023 nou pou ouver. E definitivman nou pou bezwen bann *stationary* en pti pe an plis parey fasilité Praslin, *Remand Centre*. E osi bann *other supplies* ki atase avek.

As for transpor lannen prosenn dan Bidze i annan provizyon pou en bis avek en loto. E osi sa lannen avek diskisyon avek Minister Finans, nou'n ganny *go ahead* pou nou kapab bouz finansman, pou nou kapab *purchase procure* en Mini Van sa lannen.

Yes. So pou kapab rezourd en pe nou sityasyon transpor. Mersi Mr Chair.

MR SPEAKER

Commissioner ti annan lot pwen pou adrese. - wi?

COMMISSIONER OF PRISON RAYMOND ST ANGE

Mr Chairman Mersi. Onorab mon krwar en sizesyon ekselan lo *paperless*. *Actually*, nou annan en legzersis pou fer li become *less reliant on paper*. I en travay ki mon - *Correctional Record Unit* pe fer anba *Chief Inspector Louis Aniamtu* avek son lekip.

Ki nou pe kopi tou bann file papye nou pe transfer li *paper, soft copies*. E nou pe etabli nou en *shared database system* ki pou permet par egzanp Lapolis *tap into* pou akse serten file ki zot kapab akse. Menm *Attorney Zeneral*, menm *Zidisyer*. *Instead of sending down copies*. So nou pe fe sa.

E *Board Fees* wi. *Instalment of Board Fees* akoz avan nou ti pe pey *Board Fees* pou *Pardon Committee*, Komite Pardon. And then i annan *Prison Advisory Board* sa 2 *Board* avek Komite prensipal.

The funding for the Budget allocation for the Advisory Committee i pe sorti kot nou, pe tonm dan en lot biro. E nou, nou pe *take care of the Prison Advisory Board Fee*. Mersi.

MR SPEAKER

Mersi. Onorab William.

HON WAVEN WIILIAM

Mersi Mr Chairman. Mr Chairman mon ti ava kontan demann avek *Commissioner*. Mon vvar ki anba reabilitasyon avek reentegrasyon, mon war ki i annan *increment* aepre en 3 milyon. Me an menm tan letan mon pe regard sa latab 3 anba reabilitasyon avek reentegrasyon, mon pe get sa 2 programm la.

Number of prison-based program available, ti konmans avek 10, 2021 in ogmant 2022 pou vin 12. E la nou'n *decrease* pou arriv 7.

Ti ava bon nou konnen lekel sa trwa programm zot pe tire? E lekel sa 7 zot pe garde? Pou nou kapab byen ganny en konpran, vreman ki bann aktivite enterogasyon pe pase kot prizon pou sa sonm?

Epi mon pe regarde poudir anba programm probasyon i reste stab, 9, 10. Zis pou nou konpran en pti pe.

Apre mon pe regarde pli anler lo en latab, eski lensidan ki pase an deor prizon napa ditou?

Akoz mon vwar poudir zot bann lensidan ki pase ant prizon ek prizonnyen, prizonnyen avek bann zofisye. Be an deor konmsi napa okenn lensidan ki arive, akoz i pa ganny *reported*. Mersi.

MR SPEAKER

Mersi. *Commissioner*.

COMMISSIONER OF PRISON RAYMOND ST ANGE

Mr Chairman permet mwan pou lensidan lo bann *community service* ou pe dir lensidan deor?

HON WAVEN WILLIAM

(Off-Mic)

MR SPEAKER

Ou'n konpran Onorab *Commissioner*? Ou'n gannyen son pwen? Yes *go ahead*.

HON WAVEN WILLIAM

Sa ki zot in rapporte se ki bann lensidan ki pase dan Prizon ant prizonnyen avek prizonnyen. Epi prizonnyen avek bann zofisye.

Me selman letan prizonnyen i sorti an deor, ler ou pe regard nouvel parfwa ou tandé bann lensidan ki'n arive me solman i pa ganny *reported*. Mersi.

MR SPEAKER

Commissioner, wi?

COMMISSIONER OF PRISON RAYMOND ST ANGE

Mersi Mr Chairman. Mersi Onorab *for the*, pou sa *further clarification*. Ler nou fer en rapor swa kondannen lo kondannen, kondannen in *staff*, oubyen *staff* lo kondannen, i aplik pou tou bann loperasyon Prizon deor anndan -wi.

Selman mon note osi ki travay loperasyon deor apard petet ki i annan en zoure avek kanmarad. En *inmate* pe zour en lot, *whatever*.

Nou napa bann gran lensidan deor. So, *we hope* ki sa *trend* i *continue*. E mon a demann *Chief Inspector* reponn lezot kestyion lo programm.

MR SPEAKER

Mersi wi. *Chief Inspector* - wi.

CHIEF INSPECTOR SAM DODIN

Mersi Mr Chair. As pou bann programm ki, Onorab in mansyonnen sa bann bes, i pa neseserman bann bes. Me bann *merging of program*.

I tel paret letan nou pou get dan Prizon, programm *prison based*, dan lepase nou ti pe apel en programm *welfare*, kot nou get dan asiste vwar *welfare* zot sityasyon familyal e zot menm, *wellbeing* bann *inmates*.

Epi nou ti annan en lot programm *counselling*. Nou ti pe separ. La nou'n merge sa 2 eleman ki nou apel sa *Psychosocial Support Program*. E i pa neseserman bann bes dan bann programm, me bann *merging program*.

Lo kote probasyon parey zot ava vvar, lontan nou ti pe separ *drugs program* - bann dimoun ki anba probasyon. Ki pe ganny swivi pou zot al fer bann sesyon.

Nou ti pe met *Drugs Rehabilitation Program* separe avek *Alcohol Program*. Be selman la nou merge i pou vin en *Substance Abuse Program*.

So i pa neseserman bann bes, zis nou pe re *align* bann programm. Rather nou annan en ta bann pti programm, me nou'n met zot ansanm ki i annan menm lyen. Mersi Mr Chair.

MR SPEAKER

Thank you, Chief Inspector. Bon Nou'n arriv midi edmi me selman mon annan zis 3 non lo mon lalis. Donk, si napa plis mon ti ava prefere *extend* e nou terminen avek sa.

So, mon pou zis - Onorab Pillay mon azoute *ok*. I ava fer m ou zis 4 Manm. Si nou reste la, so mon pa pou pran lot kestyon. Mon krwar avek sa mon ava prefere nou *extend* ziskan 1er edmi koumsa nou kapab fini avek *Prison Service*, *ok*?

Wi Onorab Andre ou lo la ou. Ou lo lalis ou, selman premye avan ou Onorab Roucou.

HON MICHEL ROUCOU

Mersi Mr Chair. Bonn apre midi a tous. Minis mon kestyon i koumsa. Mon'n war poudir anba zot *challenge*, i annan sa kot zot in mete kot i annan sa *shortage of staff*.

Ki mon anvi demann avek Komisyoner, an vi ki nou war poudir tou dernyerman zot in bezwen fer vini etranze, pou zot kapab anforsi zot lafors travayer.

Ki problem ki zot pe gannyen pou zot kapab ganny travayer Seselwa? E ki zot pe fer an plis pou zot kapab atrakte plis Seselwa li menm li?

Apre osi mon dezyenm kestyon an term lo kote saler, mon konnen poudir dan lepase ti annan bann promosyon ki ti ganny donnen avek bann *staff*, be selman sa ti annan sa problem kot sa zafer pou donn zot osi zot saler ki mont ansanm avek zot ran.

Si sa in kapab ganny *sort out*? Oubyen si i dan sa Bidze la ki zot pou gannyen? Mersi.

MR SPEAKER

Mersi. *Commissioner*.

COMMISSIONER OF PRISON RAYMOND ST ANGE

Mr Chair Mersi. Onorab Mersi pou kestyon. Mon ava pran dernyen avan.

Sa in ganny rezourd avek *PSB* e bann ran ki nou'n entrodwir in ganny - aktyelman nou koman en seri miting avek *staff* yer aktyelman.

So, mon remersi *PSB* e mon remersi resours imen, e *staff* osi pou zot konprenezon ladan. Pou konpran e siport nou bann sanzman ki nou pe fer.

Aktyelman nou reentrodwir, nou pe tir *Lance Coporal*, e *Corporal* pe ganny, so sa bann ki ti *Lance Corporal* pe ganny grade koman en *Corporal*. Sa pou dan en seremoni an Desanm le 20.

E nou'n reentrodwir *sub-Inspector rank* e nou pe swiv osi legzant ki Lapolis pe fer osi avek sa travay ekselan ki ot pe fer avek reform osi. So, nou pe swiv zot legzant akoz why not nou en *Internal Affairs*.

And lo kontrent travayer, i en landrwa difisil. Pa tou dimoun ki kapab vin travay dan en sistenm *Prison correctional setting*, kot ou annan serten kalite karakter dimoun.

So sa kalite kandida ki nou pe rode wi nou pe ganny enn de. Nou bezwen 10 petet par egzant nou pe ganny 2. Petet dan 15 ki vini nou war 3 ki en bon kandida.

So nou sey met lanmen lo zot vitman osi, akoz konpetisyon deor i feros. I annan dan bann lakonpanni prive, Lapolis eksetera ki pe rod dimoun osi.

So nou'n *improve* nou saler debaz. Byensir *next year* nou *hopeful* ki stratezi an *next year* pou sa *salary changes* i ava ed nou osi.

Nou pe *improve* nou *training* program osi avek resours Imen. Nou pe koz avek Lapolis pou fer en pti mini *training* pou nouveau *recruits* ler zot vini.

And fer konpran ki ler nou ti pe rod sa *MOU* avek *Tanzania*, se ti pou *supply* - met en *supply - train Prison Offices* ki'n deza pas dan sa lakademi ki nou ti pe manke.

E sa i n programm tanporer avek *La Tanzanie*. Nou pe al dan katriyenm lannen la. E nou'n fer 2 *cohort*. En cohort in ale, e dezyenm *cohort* in fini.

E sak fwa dan s 2 cohort nou war ki kantite *staff*ki nou fer vini avek *La Tanzanie* in redwir. So sa en bon siny. Mersi.

MR SPEAKER

Wi?

HON SANDY ARISSOL

Mon ti anvi zis rod en pti lesplikasyon avek ou. Parske an vi ki ou pe *extend*, nou ti annan Komite Defans ki ti pe zwenn apre midi la - midi edmi. Apre *Bills Committee* osi pe zwenn. Be bann zofisyne in arive.

Mon ti ava kontan kekfwa ou donn nou en pti gidans. Par egzanp Komite Defans *si Chair ek Vice-Chair* i kapab al zwenn zot touzour. Nou, nou a reste pou annan en *quorum* anndan pou ki bann zofisyne pa zis debout deor e esper nou.

Parske zot in arive, parske nou ti'n programmen pou midi edmi.

MR SPEAKER

Wi ou pe koz pou Komite Defans la?

HON SANDY ARISSOL

Komite defans apre *Bills Committee* osi zot sipoze zwenn.

MR SPEAKER

Bills Committee i ok pou ou extend apre oubyen kwa? Bills Committee Onorab Andre?

HON CLIFFORD ANDRE

Annefe mon Chairman lo tou lede Mr Chair. Lesansyel se ki mwan osi mon ti krwar nou pou arete, akoz tou lede si nou sorti oubyen si nou ale napa *quorum* pou nou fer nou miting.

Me parey Onorab *Chief Whip* pe dir, si nou sorti kekfwa mwan mannyer mon konpran lareg Lasamble, letan ou komanse ki ou annan *quorum*. Epi si sa *quorum* i desann i pa neseser, *unless ou'n pran en desizyon ladan*.

So, mon ti ava sey sizere avek ou permision Chair ki kekfwa nou permet sa 2 Komite, akoz i annan bokou Manm ki anndan ki bezwen al sa 2 Komite. Nou pe koz Bidze sa 2 antite Komite Defans.

So mwan mon ti annan en kestyon mon ti anvi demande ki enportan pou mwan demann Prizon. Me selman mon bezwen ale mon pa konnen ki mannyer sav i vini. Mon pa oule perdi sa sans. Mon pa oule perdi sa lot sans osi.

MR SPEAKER

Mon pa ti okouran ki i annan 2 Komite pe *meet* e ki pou annan telman Manm. I posib sa lenformasyon in pase dan bann soz, ki mon pa'n port atansyon. So sa eskiz mwan.

Mon konnen i pou enplik en bon pe Manm. En bon pe Manm e i ava, avek sa mon krwar i ava pli *safe to be sure* mon pa konnen ki pou arive ler bann Manm i sorti.

Mon lenterpretasyon e ki *quorum* i enportan *at any time*, akoz nenport ler en Manm i kapab leve e dir "Speaker napa *quorum*" e nou bezwen adres sa.

Donk delegasyon Minis ek *Prison Service* mon eskiz zot pou sa lenkonvenyans. Me selman zot ava konpran nou. E nou pou ankor bezwen zot. nou pou pran poz la e nou ava repran travay 2er. Mersi.

(BREAK)

SEYCHELLES PRISON SERVICES (cont)

MR DEPUTY SPEAKER

Bonn apre midi tou Manm Onorab. Byenveni pou kontinyasyon nou travay pou la apre midi. E prosen Departman ki nou pou apele apre midi se Departman Lapolis.

Prizon pa ankor fini? Ok si prizon pa ankor fini. Ozordi nou ti programmen pou nou travay ziska 5er edmi so nou pou bezwen *very discipline* avek nou letan. I mon lentansyon pou nou fini 5er edmi.

Donk nou ava kriy bann zofisyen Prizon pou zot zwenn nou.

MR DEPUTY SPEAKER

Yes Onorab Pillay.

HON SEBASTIEN PILLAY

Mr Chairman annou esper en *quorum* si ou pa *mind*.

MR DEPUTY SPEAKER

Nou napa en *quorum*? Nou napa *quorum*. Nou menm nou an retar ek nou *schedule*. Be bann *Leaders* lo bann *Caucus* zot kapab mobiliz zot bann dimoun silvouple, pou nou kontiny nou travay. Mersi.

Bon nou ava zis demann en leskiz pou sa pti retar parske nou ti napa en *quorum*. Mersi bann Manm ki'n zwenn nou. E nou pou kontiny enterakson lo Bidze *Prison Service*.

Prosen entervenan se Onorab Mondon.

HON TERENCE MONDON

Mersi Mr Chair. Mr Chair mon kestyon i baze lo latab 7 bann mezir performans. E lo sa latab i donn nou bann endikater, enn ladan i poursantaz bann dimoun ki'n fer lofans, ki pe *comply* avek bann programm avek bann santans ki baze dan kominote.

E lot endikater se poursantaz bann prizonnyen zot menm, ki pa pe refer lofans pou zot ganny re admet dan Prizon. Akoz bann ki'n pas atraver sa program reabilitasyon.

Me malerezman ler mon get sa latab pou 2022, zot met '*not available*', 2021, 2022. E zot met target pou 2023.

E ler mon get zot Liv Bidze pou 2002, zot ti annan lenformasyon lo bann endikater. E ki enkli bann partisipasyon prizonnyen ki'n *enroll* dan bann programm.

E ou vwar pli ba dan sa latab 2 ki zot deza dir ou kantite programm ki zot annan dan prizon. Akoz ki zot pa'n fer sa analiz pou

donn nou bann lenformasyon, pou nou vvar, bann lenformasyon aktyel?

E menm pou 2002 zot ti kapab met bann lenformasyon performans ki ti ava ed nou konpran si sa bann programm ki zot pe fer i efektiv.

Akoz sa endikater, dezyenm endikater bann prizonnyen ki'n pas dan sa program, poursantaz ki return dan prizon ankor i ti pou montre nou si sa bann programm i efektiv.

Tou lenformasyon pou mwan ler mon get zot latab lannen pase avek la, zot annan bann lenformasyon me solman zot pa'n fer analis pou donn nou sa bann lenformasyon ki vreman kritik.

Akoz ki zot pa'n fer sa travay? Mersi Mr Chairman.

MR DEPUTY SPEAKER

Mersi Onorab. Panel.

COMMISSIONER OF PRISON RAYMOND ST ANGE

Mr Chair mersi bokou. Mon ava demann *Chief Inspector just to update on the figures*, apre mon ava azout en pti komanter apre sa.

MR DEPUTY SPEAKER

Sertennman.

CHIEF INSPECTOR SAM DODIN

Mersi Mr chair. Mon zis kapab klarifye en pti koreksyon lo laliny. Sa 'not' pa sipoze lo la. nou pe, annefe nou pe mezir poursantaz bann *inmates* ki pe *re-offend*. Savedir *percentage of inmate reoffending*. Sa 'not' i en *mistake*.

Epi ki pe return dan prizon. Ok e ki'n pas dan program reabilitasyon.

Savedir nou pe mezir *effectiveness of the programs*. So i en nouveau endikater ki nou fek komanse sa lannen. Se pou sa ki from 2021-2022 nou napa *data*.

Oparavan nou i pe mezir kantite ki i pe partisip dan program *in house*. Ok. Me nou, nou pe gete ou'n fini sorti, ki tandans ki ou pou return prizon.

E from there sa ki return prizon lekel ki'n partisip dan program. Savedir si ou return prizon nou war dan ou rikord, ler ou

ti prizon ou ti partisip dan programm, savedir i annan en problem *somewhere*.

E data aktyel ki nou'n ranmase depi sa lannen, nou annan bann dimoun ki'n retournen pandan sa lannen 2022. Nou annan 38poursan bann dimoun ki'n pas dan programm.

Savedir les larestan poursan nou pa pe kont zot en? Savedir nou pe mezir bann dimoun ki'n retournen e la nou anna 38poursan.

Bann ki'n retournen ki'n partisip dan programm. Savedir larestan lot dimoun zot *ok more or less*. E la nou pe mezir sa.

Savedir si 38poursan bann dimoun ki'n pas dan programm ki'n retournen dan prizon, nou pe mezir nou *effectiveness*. Mon krwar mon'n ase kler.

E parey nou'n war nou pe fer, nou bezwen fer desann. E 2023 nou war i 25, nou target fer desann dimoun ki pe retour Prizon ki'n pas dan programm.

Wi en dimoun i kapab retour prizon ki pa'n pas dan programm. Savedir nou espekte ki en dimoun ki retour prizon ki pa pas dan programm, savedir i pa'n, *behavior change* pa'n arive.

Savedir nou pa ti pe espekte naryen avek li, me parkont si en dimoun in pas dan programm - nou pa ti espekte li retourne dan prizon. So sa ki nou pe evalye. Mon krwar mon ase kler. Mersi Mr Chair.

MR DEPUTY SPEAKER

Avan nou don ou klarifikasyon Onorab. nou ava retourne kot *Commissioner of Prison*.

COMMISSIONER OF PRISON RAYMOND ST ANGE

Mersi Chair. Onorab osi en keksoz pou azoute. Sa lannen, sorry dan 2023 la nou pou fer en travay resers pou *update* en rapor ki ti ganny fer 2015-2016 ki ti dir a sa letan la ti annan 35 a 36poursan *recidivism rate* Sesel.

Savedir *36 or 36percent returning into prison for same kind of offences, burglary and the other*. Nou'n konstate ki COVID ti en letan eksepsyonnal ki ti met bokou presyon lo sistem - kominate eksetera, eksetera.

So nou'n war ki bann *anecdotal evidence* i montre ki nou annan en *increase of people* ki pe re antre dan prizon, e *we will better detay*

sa bann lenformasyon *next year when we start the process of doing the research, avek en researcher.*

Nou'n koz avek *University of Sesel* osi lo la. Be nou pe vwar en osi, ki bann kondannen ki retourn dan prizon ki pa'n partisip dan programm i pli o, ki bann ki'n partisipe lo programm i pli ba.

So mon krwar ou'n donn sa... ou'n donn sa sif. So zis ou azout sa konman en, pou les ou konnen sa bout sa lenformasyon. Mersi.

MR DEPUTY SPEAKER

Mersi *Commissioner*. Onorab Mondon ou annan klarifikasyon?

HON TERENCE MONDON

Vitman Mr Chair. Zis mon le fer le pwen ki sa bann lenformasyon zot annan, met li byen dan kler dan latab. Akoz sa bann programm i vreman enportan pou nou vwar.

Parey ou pe dir, bann ki pas dan programm zot pa pe retournen. Konmsi poursantaz ki retournen i mwens. I enportan pou montre nou dan sa Bidze ler sa travay ki zot pe fer, vreman ki poursantaz *effectiveness* i annan dan sa bann programm.

Met li kler, en fason ki nou kapab meton swivi. Mersi Mr Chair.

MR DEPUTY SPEAKER

Mersi Onorab. Onorab Pillay.

HON SEBASTIEN PILLAY

Mersi Mr Chair e bonn apre midi Minis avek ou delegasyon. Bonn apre midi tou dimoun ki lekout. Mr Chairman mon premye kestyon mon le *relate* li avek *basic pay* avek *Scheme of Service* Prizon.

Ki mon ti a kontan konnen in annan serten konsern *from* bann zofisyen Prizo ki ti'n annan serten *commitment* ki ti'n ganny fer vizavi serten peyman ki ti sipoze ganny fer, lo zot *Scheme*.

E sa pa ti ankor materyalize. Eski zofisyen ki la i dan en pozisyon pou dir nou ki zistans zot in arive?

E si eski dan sa enn Bidze zot in met larzan pou kouver serten sa bann *commitment* ki ti ganny fer avek bann zofisyen Prizon?

Mon dezyenm kestyon si ou a permet mon Mr Chairman. I *relate* avek anba enn pti pe anba zot *uses of goods and services*. Me la mon le *focus* primordyalman lo zot *management of transport fleet*.

Pandan letan ki nou annan sesyon *FPAC*, nou ti rankontre serten *discrepancies* an sa ki konsern *rental of transpor* e bann *internal controls* ki annan an plas. Bann kontrol entern ki annan an plas - e osi, an sa ki konsern transpor ki Departman Prizon ti'n aste.

Sa ki mon ti ava kontan konnen mon vwar poudir nou'n met serten larzan pou serten akizisyon transpor. E bann Manm *FPAC* i a rapel, nou ti rankontre en *issue* vizavi lasirans lo sa bann transpor.

So eski Departman Prizon i dan en pozisyon la, pou dir mon la si zot in fini rezourd *issue* ki ti konsern sa transpor an kestyon?

E ler nou pe al fer sa akizisyon ki nou pe al fer pou transpor, se eski zot pe asire ki tou bann prosedir lasirans pe ganny met an plas, pou ki si i ariv en keksoz ek sa transpor Departman Prizon i ava kapab *recoup* son larzan e apre aste en lot transpor si i ariv problem avek? Mersi Mr Chairman.

MR DEPUTY SPEAKER

Mersi Onorab. *Panel Komisyoner - wi.*

COMMISSIONER OF PRISON RAYMOND ST ANGE

Mr Chair mersi. Onorab Mersi pou kestyon. *On the transpor avek son lasirans, mon ava les Chief Inspector reponn sa.*

As konsern *basic pay* ek saler ki nou ti donn en *commitment*, parey mon dir yer mon'n fer en premye, dernyen seri miting avek *staff*. E ki nou dir zot ki keksoz in fini *conclude* avek *PSB* avek Finans.

E nou'n ganny en pti retar e nou ti demann Trezor pou gard kont ouver, pou nou finaliz keksoz yer. Nou'n fini finaliz keksoz yer aktyelman.

And the salary changes as was discussed is made and committed, parey mon dir boner osi.

And en lot keksoz ki ou ti le mon krwar sa ran, bann ran ki nou ti annan, ki ti la apre in retournen, pa ti la avan.

Pou keksoz ki nou'n sanze se *Lance Corporal* pe ganny tire. E sa bann ki *Lance Corporal* pe vin Kaporal e *sub-Inspector* i en ran ki nou re entrodwir. So, in kouver. Nou'n fini *and staff* pou ganny zot bann let *next week* an ekrir, pou donn zot en pli bon detay. E ki bor zot tonbe, ki sa ki zot espekte avek zot *pay slip*. Mersi bokou.

MR DEPUTY SPEAKER

Mersi zot ava reponn ou kestyon lot lo zafer lasirans *and then* ou ava annan klarifikasyon si.

CHIEF INSPECTOR SAM DODIN

Ok Mersi Mr Chair. Lo kote transpor wi i annan mouvman, dan progre. Annefe la egzakteman, lo mon latab mon annan dokimantasyon pou mwan anvoy kot Minister Finans lo transpor pou nou demann *write-off*. Baze lo propozisyon ki Lasirans in met devan nou. E sa i an progre.

Ki nou sipoze fini bouz sa dokimantasyon kot *Ministry of Finance by next week*.

MR DEPUTY SPEAKER

Mersi ou annan klarifikasyon?

HON SEBASTIEN PILLAY

Wi Mr Chairman. Sa dernyen pwen mon ti ava kontan ganny klarifikasyon. Sa ki mon le asire baze lo miting ki nou ti gannyen avek FPAC. Ler ou dir nou zot in ganny *write-off*, savedir Departman Prizon pe reganny son larzan ki pou al met dan en nouveau transpor?

Akoz sa transpor ti asire *comprehensive* mon prezimen. So eski Departman Prizon pe reganny son larzan pou li remet dan en nouveau transpor?

Akoz mon vvar anba en *budget line* i annan akizisyon of *transport*, ankor anba sa enn Bidze.

So, mon le asire ki sa pe ganny fer. Mersi Mr Chairman.

MR DEPUTY SPEAKER

Mersi.

CHIEF INSPECTOR SAM DODIN

Mr Chair...

MR DEPUTY SPEAKER

Wi sertennman *panel*.

CHIEF INSPECTOR SAM DODIN

Lo dokimantasyon ki nou pe prepare pou Minister Finans, sa pe ganny enkli ladan pou avek gidans.

MR DEPUTY SPEAKER

Sorry.

HON AUDREY VIDOT

Eskiz mwan Mr Speaker mon ti le zis, zis a latansyon Madanm Clerk, oubyen *Deputy please get zot mesaz*, akoz i annan en problem la pangar nou ganny problem kouran. Problem kouran ater. Zis get zot mesaz *please*.

MR DEPUTY SPEAKER

Uh i annan en problem ... Housekeeping i kapab attend to sa letan nou pe proceed? Sorry panel? Ou ti'n fini? Wi silvouple proceed.

CHIEF INSPECTOR SAM DODIN

Mersi Mr Chair. Yes, sa propozisyon parey ou'n mete Onorab, i dan sa dokimantasyon pou nou anvoy kot Finans pou nou ganny gide avek zot *Unit Asset* lo zot kote yes.

MR DEPUTY SPEAKER

Mersi. Dernyen entervenan lo sa *heading* Onorab Andre.

HON CLIFFORD ANDRE

Mersi Mr Chair, Mr Chair letan mon pe get programm 2, *custodial services* lo paz 255, i annan *new prison facilities* ki met *Remand Centre*.

E boner kestyon in dir ki lokasyon *Remand Centre* pou ete. Me letan mon pe get dan bann detay, i met *Remand Centre* Ile Du port.

E lannen pase ti annan R11milyon573mil. E sa lannen mon en alokasyon dan bann detay ki met R7.971milyon.

Mon ti a kontan konnen ki zistans i ete, akoz mon personnelman mon pa vwar ki progre i pe fer?

So si sa larzan lannen pase ek sa enn la in ganny *consolidated*, pou fer sir ki nou ganny sa *Remand Centre* akoz i neseser.

Mon lot kestyon Mr Chair se an referans avek lo paz 258 *percentage of offenders complying to community-based sentence*.

Eski sa nou pe dir, akoz i 80poursan sa pou, i prozekte pou 80poursan target. So ki arive ek sa 20poursan? E eski sa zot pe dir

community-based service ki si en dimoun in ganny en kondannasyon i fer en pe apre zot pe donn li anba license?

Me akoz i pa 100poursan *it is 80percent? What happen with the other 20percent?* Mersi.

MR DEPUTY SPEAKER

Mersi Onorab. *Panel.*

CHIEF INSPECTOR SAM DODIN

Ok mersi Mr Chair. Pou reponn sa kestyon lo poursantaz bann *offenders*. Sa premye - parey zot konnen poudir prizon nou annan *Unit Probasyon* antase avek prizon.

E sa enn endikater ki la i relye avek servis probasyon. *Ok.* E i bann dimoun ki ganny kondannen lo baz kominoter ouswa lo baz pou al fer sesyon, ki Ziz i anvoy zot lo sa bann programm.

E sirtou ladan *enrollment* pou li *attend* son sesyon i sa, sa 20 poursan kekfwia ki manke ki zot pa pe *go* pou zot *attend* zot sesyon *counseling* - parey mon'n mansyonnen sa bann programm taler.

Sa bann *counseling, parenting session* kot sa i ganny mete lo zot. E sa, sa pti bout.

Me an gro lamazorite bann dimoun i pe *comply in terms* ki lo *community-based sentence* parey nou dir bann probasyonner. Mersi Mr Chair.

MR DEPUTY SPEAKER

Mersi. *Commissioner.*

COMMISSIONER OF PRISON RAYMOND ST ANGE

Mersi Chair. Onorab lo kestyon *Remand Centre, it is actually 2 phases*. Premye faz ki pe *we are beating the clock to, try to beat the clock* avan lannen i fini.

Me sa i dan lannmen *Seychelles Infrastructure Agency* pou fer premye bout. *The tender and everything*, ki zot in komanse.

And there is a certain sum of money for that. For which will start this year. Which will be an account for next year. If i understood directly with Finance.

And then to complete the second phase there is an additional sum of about R7million to complete the entire facility. We hope to have the first phase finish early May next year, for us to start using the

facility, an preparasyon pou ferm sa enn ki sa Remand Centre pou zonm ki Bios e Rose.

E se en lenpak pozitiv, akoz i pou pli pre avek Lakour. I pou dan *neighborhood* mon kapab dir. So *transport and some of the inconveniences* ki nou pe gannyen pou *transport remand* madanm, Montagne Posée *down the traffic and so on so forth* pou eliminé, akoz madanm osi pou laba. Mersi bokou.

E Minis i anvi en keksoz.

MR DEPUTY SPEAKER

Mersi *Commissioner. Minister.*

MINISTER ERROL FONSEKA

Mr Speaker zis mon anvi azout lo sa bann, zot in vwar dan Bidze prizon i annan *quite* en pti pe *extra spending* ki'n ganny mete.

Rezon pou sa osi, i Prizon pe vin tre aktiv ek bann travay ki Lapolis pe fer. E dan *law enforcement* nou pa kapab get zis en bout. I sa *full cycle* ki nou bezwen fer sir ki pe ganny, i kapab aziste ansanm.

So pli ale ou efektiv *on one side*, laba osi ou bezwen siport li. Pou sa rezon parey nou'n vwar ozordi, se i annan *juvenile investment* Praslin ki nou pe met lanfaz. *Hopefully by May* nou ava fini ek sa.

I annan sa devlopman kot Montagne Posée osi. E osi sa *Remand Centre*. Sa *Remand Centre* finalman i ganny planifye pou ariv pou 100 dimoun. E *in line* ek sa bann *Human Rights conditions*, parey zot konnen nou ganny en pe defayans ek bann *human rights level* lo *main Police Station* lo sa bann kaso.

E sa rezon nou pe met lanfaz lo sa *Remand Centre*. So all in all nou bezwen get sa *package* ansanm ek travay Lapolis ki pe ganny fer. Mersi Mr Speaker.

MR DEPUTY SPEAKER

Mersi Minister. Onorab ou annan klarifikasyon?

HON CLIFFORD ANDRE

Mersi Mr Chair. Mr Chair letan Mr St Ange in reponn e osi Minis. I pa'n dir nou, oubyen mon kestyon se eski pou annan en seksyon dan sa *Remand Centre*, ki pou ganny met a dispozisyon bann *juvenile* ki ganny pou en rezon ou en lot, natir lofans ki zot fer - pou ganny

remand ki i napa sa melanz avek bann ki adilt prezan zot vin pli soz?
Mersi.

MR DEPUTY SPEAKER

Mersi Onorab. *Commissioner?*

COMMISSIONER OF PRISON RAYMOND ST ANGE

Mersi Chair. Egzakteman Onorab provizyon se *it is going to be a one purpose Centre* avek separasyon ki pou annan plizyer managers parey mon'n detaye avek Staff.

Pou annan nou *Head of Remand Services* ki en *Chief Inspector or above*. Pou annan en *Inspector* ki *manage Remand zonm*, bann zonm - adilt.

En *supervisor* ki *manage* bann manrmay e en lot ki *manage* madanm. Pou lenstan nou annan madanm Montagne Posee. E *by next year that will be changing. So that is correct.*

MR DEPUTY SPEAKER

Mersi *Commissioner*. Sa ti dernyen kestyon lo sa *heading*. Donk aprezan nou pou eskiz bann zofisye ki sipoze pe kit nou. Nou ava dir zot mersi pou zot partisipasyon avek nou.

I annan *Commissioner of Prison* Mr Raymond St Ange. *Chief Inspector* Mr Sam Dodin. Direkter pou Resours Imen avek Administrasyon Ms Diana Asba e Ms Tasianna Labrosse ki *Senior Accountant*. Nou ava remersi zot pou partisip avek nou ozordi.

Nou pou pran en *technical adjournment* la letan ki nou fer sanz *panel, sanitize* e apre nou ava zis *sort out* problem *dispenser*. Nou ava repran e nou pou manz 30 minit dan nou alokasyon avek Lapolis ler nou retournen. Mersi.

(technical adjournment)

SEYCHELLES POLICE FORCE (SPS)**MR DEPUTY SPEAKER**

Welcome back tou dimoun. E mon ava profite pou swet byenveni avek nou Komisyoner Lapolis Mr Ted Barbe. Ki akonpannyen par son Depite Mr Francis Songoire.

I osi annan Asistan Sirentandan Mr Joseph Bibi ki Direkter Zeneral pou Ladministrasyon. E Mr Danny Labonte ki *financial controller*.

Donk la nou pe al regard alokasyon pou *Seychelles Police Force* e li i trouve lo paz 260 a 269 pou en sonm R524milyon 614mil.

Nou ava envit *panel* pou fer en lentrodiksyon e apre nou ava ouver lasal pou kestyon. *Panel proceed* avek en lentrodiksyon, apre nou ava pran bann kestyon.

MINISTER ERROL FONSEKA

Mersi Mr Speaker. I fer mon en plezir pou prezant Bidze Departman Lapolis *at a rate of* R524milyon 614mil pou lannen 2023 ki fer en ogmantasyon *R95.834million*.

Sa ogmantasyon 95.8 i enkli *wages and salaries, goods and services*, apre *some non-financial assets*. Zis pou detay en pti gin lo *wages and salaries* ki ariv 23milyon658, i konpri sa *increase* pou 13enm mwan saler e osi *recruitment of new recruits*.

Lo kestyon *goods and services*, parey mon'n dir, i en sonm 11milyon284 ki nou ava donn detay an alan apre midi.

Avek sa mon prezant sa *budget summary* pou Departman Lapolis. Mersi Mr Speaker.

MR DEPUTY SPEAKER

Mersi Minister. Nou premye entervenan ki nou pou envite se Onorab Manm pou Elekte Zil Pros Rocky Uranie.

HON ROCKY URANIE

Mersi Mr Speaker pou donn mwan sa loportinite. Bonn apre midi Minis avek ou delegasyon.

Mon le profit sa lokazyon ou petet *clear* serten dout ki bokou dimoun nou vvar dan *social media*, an relasyon avek bann kliyan ki pe perdi lo *trail* La Digue.

E la mon le dir zot ki bann *trail* i annan bann lansenny ki demarke, ki bann kliyan i kapab servi pou zot, pou diriz zot lo *trail*. Me *still* zot san gid zot war zot rankontre difikilte.

Mon le profite pou remersye Zofisyen Lapolis, travayer *SFRSA*, e osi bann endividé ki pe donn zot letan pou al fer bann *rescue*. Zot osi zot met zot lavi an danze.

La mon le dir zot en gran mersi pou sa bann zefor ki zot pe fer. E mon ti a swete e pas en mesaz avek bann operater lotel, *guest house*, ki ler bann kliyan i vin kot zot petet, koz en pe ek zot lo sityasyon nou bann *trail*.

I vre ki La Digue i pti, pti nou *trail* i pa vreman sal parey i annan dimoun i krwar, non. Me i annan bann landrwa ki danzere e menm par ler nou vvar ki i annan kliyan ki pa le respekte lansenny ki'n ekrir lo *trail*.

Lo kote kominote nou koman Lotorite Distrik, nou'n zwenn a plizer repriz e mwan mon ti ganny *task* pou ekrir en proze *signage* pou La Digue. E sa mon'n soumet avek Gouvernman Lokal atraver DA. Sa pou met lansenny partou lo La Digue, bann zil e otour bann *trail*.

E osi Konsil ler ti vini nou ti ganny sans fer vizit e sa i enn bann proze osi ki zot pare pou asiste nou lo la, lo nivo distrik. Zis pou klarifye en pe pou bann dimoun vvar ki nou pe fer lo nivo distrik.

Me lo en keksoz pli larz petet ti ava pli bon si pli tar nou zwenn ek bann Lotorite pli o, pour diskrit dan en fason pli konsistan ki mannyer nou kapab fer pou ede anpese ki kliyan i al *off-trail*.

Nou konnen La Digue i zoli me zot vvar bann plizer landrwa zot ale zot menm pou al tir portre ros, eksetera. *By the time zot realize they are far off trail.*

Mersi Mr Deputy pou sa loportinite. E la mon a profite petet pou demann mon kestyon;- Minister mon vvar dan alokasyon, dan *non-financial assets* pour La Digue - ler mon pe get pou bann lezot distrik, mon vvar i annan bann sonm ase sibstansyel.

Me pou La Digue mon vvar i annan zis 44mil. La mon ti a kontan ganny en leklersisman akoz pou nou i pti git? Mersi bokou.

MR DEPUTY SPEAKER

Mersi Onorab mon krwar i ti enportan ki ou dir en keksoz lo sa sityasyon lo zil. Mon ava envit *panel* aprezan pou reponn son kestyon silvouple. Mersi.

MINISTER ERROL FONSEKA

Mersi Mr Speaker zis avan mon donn laparol *the Financial Controller* pou eksplik sa dernyen kestyon, mon le siport Onorab Uranie lo sa remersiman ki in donnen pou bann Lapolis, bann

Firemen, bann *Coast Guard* e tou bann volonter ki'n ede dan sa bann diferan ka dimoun perdi La Digue.

By the way, parey mon pa konnen si zot konnen, me sa *gentleman* in ganny war. I enportan sa bann zoli landrwa ki nou annan peizaz i ganny servi.

Selman nou bezwen get en pti gin mannyer nou pou fer li pli *safe* pou sa bann dimoun. I vin ek - parey ou'n dir i vin ek sa ledikasyon me osi enn nou bezwen pans en pti pe pli pratikman, ki sa bann dimoun ler zot pe al *out of the area*, zot bezwen annan en pti *survival kit* ek zot. Enn pti *rucksack* ek delo, en pti *first aid kit*.

E les dimoun konnen kot zot pe ale. I annan bann *basic stuff* ki ou kapab annan *rehydrate* par egzanp, ou bezwen, akoz sa bann dimoun pa konnen ki ler ou pe al, menm ou dan lonbraz ek sa lasaler ek sa *humidity*, ou pou perdi en kantite *fluid*.

So ou bezwen *brief* zot lo la, ki mannyer pou *survive*. Si zot ariv en sityasyon - mon rapel dan lepok lontan dan dezer, nou ti annan en pti mirwar nou ti anmenn ek nou, ki nou ti annan en pti *aiming loop* ladan, apre en pti trou dan milye. E si ou ti bezwen atrakte okenn *aircraft* si ti pou *aim* sa ek soley, ou ti kapab *transmit*. I apel en *heliograph*.

En nenport ti bann detay dan zot *survival kit* ti pou ed zot, e i pou fer zot louvraz en pe pli enteresan. Zot *work* en pti pe pli enteresan. Mon krwar en diskisyon ki nou bezwen al ladan. Mon pa le al fer gran zafer lo la.

Alor avek sa mon remersi ou pou sa. Mon osi mon siport tou sa bann led ki dimoun i donne. E mon ava pas ek *FC* pou reponn sa dezyenm kestyion.

MR DEPUTY SPEAKER

Mersi Minister. *FC?*

FINANCIAL CONTROLLER DANNY LABONTE

Thank you Minister. Mr Chair, Onorab e tou dimoun ki swiv bonn apre midi. Bon pou kestyion Onorab, sa sonm ki ou pe war dan nou Bidze 44mil sa i reprezant en *retention amount* ki nou'n bidzete pou 2023.

Annefe proze La Digue i pou komanse sa lannen. I sipoze komanse sa lannen e son *funding* pou ganny *secure next year, ok?* *Through a proper procedure from the Ministry of Finance.*

Savedir zot larzan i la. Sa ki la i zis en *retention amount*. Mersi.

MR DEPUTY SPEAKER

Mersi FC. Nou ava pas laparol aprezan avek Onorab Monthy.

HON GERVAIS HENRIE

Mersi Mr Chair. Bonn apre midi Minis e ou delegasyon. De pti kestyon anba *programme 2 community policing*.

Mon vwar en logmantasyon 1milyon600mil pou *motor vehicle, maintenance and repair*.

Kestyon se, eski i annan en logmantasyon aksidan avek bann transpor Lapolis. Akoz mon rapel detrwa lannen pase mon ti poz en kestyon lakantite aksidan ti ase o, ki *involve* bann transpor Lapolis.

So eski sa 1milyon600mil logmantasyon i rezulta aksidan, oubyen eski zot pe aste novo transpor?

E konbyen garaz ki Lapolis pe travay avek, e eski zot pe ganny *value for money* avek sa bann garaz, ok?

E trwazyenm kestyon, eski sa Bidze pe fer provizyon pou *Dog Unit* Petit Paris ki mon aprann i sipoze move Grand Anse. So ki zistans sa i arive eski sa Bidze pe fer provizyon pou zot mouvman?

MR DEPUTY SPEAKER

Mersi Onorab. *Panel*.

FINANCIAL CONTROLLER DANNY LABONTE

Sa logmantasyon dan *motor vehicle expense* ok, sa i montre ou mon kapab dir leta the *vehicle fleet* i ete. E pli ale i pli vye, pli ale i demann plis enzeksyon kapital dan son bann reparasyon.

Se pou sa ki ou war i annan sa pti logmantasyon. E lo kote garaz, pou lemoman nou annan nou apepre 5 garaz ki nou pe travay avek.

E lo kote *Dog Unit* osi provizyon in ganny fer po zot bann mouvman, akoz nou annan sifizaman larzan dan Bidze anba nou *building repairs and so on*, ki pou fasilit sa bann mouvman. Mersi.

MR DEPUTY SPEAKER

Mersi. Ou annan klarifikasyon?

HON PHILIP MONTHY

Zis en pti *follow-up*. Si zot satisfe avek servis ki sa bann garaz pe donn zot? E apre kekfwa zis *presize* kan si i posib ki *Dog Unit* i sipoze fer sa mouvman sorti la kot zot ete Petit Paris o bor sa *housing estate* pou al Grand Anse? Mersi.

MR DEPUTY SPEAKER

Mersi Onorab *proceed panel*.

FINANCIAL CONTROLLER DANNY LABONTE

Bon lo kote garaz mon kapab dir wi i annan en gran amelyorasyon, *ok*? I annan amelyorasyon lo kote servis, ki nou war se ki bann dyagnostik ki nou *run i plito in one nutshell* mon kapab dir.

Kekfwa dan lepase nou re anmennen pou en rezon. Apre ler nou gete i annan en lot problem par deryer.

E la ki nou pe war se ki garaz i vin en pe pli *proactive*. Zot kapab donn nou en sel dyagnostik ki problem sa transpor e nou fer en *one fixing* fini. Mersi.

MR DEPUTY SPEAKER

Mersi. Komisyoner ou le azout keksoz.

THE COMMISSIONER OF POLICE TED BARBE

Bonn apre midi tou Onorab. Lo kote *Dog Unit* konstriksyon pou bann *kennel* e osi facilite pou bann *handlers*. A la fwa 2 *handler*. E i an progre.

Annefe mon ti al fer en vizit pa tro bokou letan pase - petet en 3 semenn pase. Konstriksyon i an progre e i *well ahead* avek ki nou ti pe mazinen.

So, mon pa pou kapab donn ou en letan *fix* ki zot pou bouze *but as soon as* ki i fini fer ki nou pe regarde, ki son progre nou pou bouz laba.

So, *this is something* ki in *the very near further* marmay pou ale. Mersi Mr Speaker.

MR DEPUTY SPEAKER

Mersi Komisyoner. Mon ava pas laparol aprezan avek Onorab Andre.

HON CLIFFORD ANDRE

Mersi Mr Chair. Mr Chair mon premye kestyon i pou demann Minis ou Konmisyoner. Nou'n ganny sans nou koman Komite defans visit bann Kordgard e nou war i annan bokou ki zot kondisyon i demann amelyore.

Menm si mon war i annan *maintenance*, dir mwan ki bann fon ki'n ganny mete presizeman pou adres bann problem ki annan avek Kordgard Anse Aux Pins?

Menm si i nouveau, i pa nouveau me selman i pa vye osi. I annan bokou sityasyon anefe bomaten ler mon ti laba mon temwanny sa ankor personnelman. Premye.

Dezyenm, en bann konsern ki'n ganny leve e sa i dan tou Kordgard, se lekipman. Letan mon pe get detay mon pa vwar en alokasyon spesifikman pou lekipman ki apel *utility belt*, ki pe ganny fer lo sa kote?

E i annan en Manm in koz lo transpor. E mon konnen sa i en defi ki Lapolis i annan. Eski zot pe, napa en Bidze la ki pe dir akizisyon transpor.

Eski zot pe rod bann transpor ki spesyalize akoz nou konn nou teren ki mannyer i ete. I difisil pou al dan en *i20* serten landrwa. Annan de ler zot pa arive oubyen letan zot arive i annan difikilte ek sa transpor li menm. So ki zot pe fer la?

E an referans avek Anse Aux Pins i annan sa larantre ki annan en trou, i annan en gro tiyo ladan. Mon sey gete mwan menm si i en tiyo keksoz ki pe kontinyelman pase, me non.

Ki zot pe fer ki kekfwa i ava ed zot pou sa bann transpor ki servi *at least* Kordgard Anse Aux Pins, i pa ava ganny andomaze sa vitman.

Apre La Digue mon mazinen Onorab Rocky pa'n *pursue* sa *matter*, so si La Digue i pou byento ganny son Kordgard?

E sa *relocation* ki zot pe fer sorti Bois de Rose ki mon war i dan 2024. Be ozordi bomaten mon'n ganny enformen ki demann pou sorti pe vin en pe imedyat.

So akoz nou'n met sa *relocation from* Bois de Rose ki 24milyon pou Lapolis sorti laba? E si sa i arriv avan sa ki mannyer nou pou fer? E si zot annan en lot lokasyon pou zot ale? Mersi.

MR DEPUTY SPEAKER

Mersi Onorab. *Panel?*

FINANCIAL CONTROLLER DANNY LABONTE

Mersi Mr Chair. Mersi Onorab. mon pou komans avek Anse Aux Pins. Anse Aix Pins annefe lasemenn, Lendi ki nou'n komanse nou annan e proze ki *ongoing* avek Departman Prizon ki Onorab si ou'n al laba ou pou'n trouve ki apard sa.

Mon ava vin lo sa novo Kordgard apre. Lo sa Kordgard avan nou pe fer en - nou'n komans en proze netwayaz pou nou kapab *reburnish* li pou nou rann li vivan. E sa nou pe fer li ansanm avek Departman Prizon.

E lo konsernan novo Kordgard, i annan en travay ki nou pe fer avek *SIA* lo la. E akoz nou ti vwar bann fele ki pe arive otour, e nou'n fer travay lo la. E la *SIA* i an progre pou fer en letid teren ater lo la, pou vwar *whether sa building* kot i ete - sa *ground* i *safe* pou sa *building* avan ki nou *invest further* ladan.

Akoz nou ti annan en proze re aranz son anndan. Menm sa ou pe repenn. Me selman pou re aranz enn de bann striktir anndan. So sa *SIA* i aktivman pe travay avek nou, pou nou ganny sa desizyon lo sa letid.

An se ki, konsern son ater nou annan en proze nou'n komanse avek *Local Government*, pou nou kapab *resurface* ater. E nou pou servi en sistenm ki pou dir nou en pe plis letan, akoz nou remake sa ki nou mete la avek lapli i *wash away*.

So *either* nou pou al lo *Muck Belt* oubyen nou pou al lo koltar, depandan lo ki *SIA* i dir nou *outcome of the study* ki zot pe fer.

Lo konsernan lekipman nou'n mete en pe finansman lo lekipman e nou annan lekipman ki nou'n osi gannyen ler ou pe koz *utility belt*. Me i osi bezwen vin k son lantrennman.

Nou realize poudir donn tou nou polisy *utility belt does not help*, si zot pa'n ganny sa lantrennman neseser.

E la i annan en programm lantrennman ki pe *ongoing*, pou fer sir ki sa dimoun i *certify*. E tou le lannen i bezwen fer son *refresher* pou li kapab kontinyen *carry the utility belt*.

An ski konsern akizisyon transpor, aktyelman la nou annan dokiman ki'n fini - nou'n fer prosedir an traver *POU*. Nou ti annan en pti larzan dan nou Bidze sa lannen ki nou'n fer komans fer sa ki nou apel en *replacement plan*, kot nou pou ranplas bann transpor.

Me selman inisyalman ki nou pe komanse la se ki bann transpor ki nou pe *rent*, aste nou prop transpor tir sa bann *rental*.

Nou dezyenm faz se ki nou bezwen a size fer en *study vreman what is a police car.* Ki kalite transpor k Lapolis i vreman bezwen ale ek sa teren.

E enn fwa ki nou, nou fer sa *internally*, e envit bann *stakeholder* ki kapab asiste nou avek bann teknikalite, la nou pou kapab vreman *invest* dan transpor ki *purposely made for the police.*

An se ki konsern La Digue, La Digue tou bann prosedir renovasyon pou sa Kordgard ki devan en? Mon pe koz renovasyon, sa in fini ganny fer.

E anytime semenn prosenn e *the following week* sa renovasyon pou bezwen komanse. Mersi Mr Chair.

MR DEPUTY SPEAKER

Mersi. Ou annan klarifikasiyon?

HON CLIFFORD ANDRE

Mersi Mr Chair. Mr Chair en pti klarifikasiyon. Mr Bibi in dir nou ki bann polisye i annan, oubyen zot pa konnen ki mannyer i servi *utility belt* e zot pou bezwen annan sa *issue training.*

Kekfwa en pti mo konsey se si nou annan *utility belt*, bann manrmay letan zot antre *as recruits*, zot ganny montre e letan zot al dan stasyon zot servi.

Akoz konsern parey mon pe dir se ki napa sa bann lekipman par bann polisye, e letan i annan bann sityasyon, zot war zot kwense pou zot anmenn en rekour pour bann dimoun ki pe demann lasistans. Mersi.

MR DEPUTY SPEAKER

Mersi Onorab. Mon krwar i en sizesyon ki *panel* in antann. Mon a kriy Onorab Vidot?

HON AUDREY VIDOT

Mersi Mr Chair. Mr Chair mon premye kestyon pou Minis e panel, eski dan sa Bidze, eski bann zofisyel plito, ki ti kot *ANB* ki'n transfer anba Lapolis, in aksepte pou transfer, zot pou ganny zot *dues* avan lannen fini, oubyen zot pe konsider dan Bidze 2023? *Either - lekel, kan egzakteman ki zot pou ganny zot dues?*

2enm, eski dan sa Bidze letan nou regard zot bann defi e menm zot bann stratezi pou lannen prosenn, i tous lo kote *community policing*?

E eski zot krwar poudir i ase pou zot adres sa bann defi? Parfwa parey mon get stasyon Mont Fleuri, i gannyen pou li kapab kouver bann distrik, ki son rezyon ki enkli pou mwan Roche Caiman, pou zot kapab adres bann problem ki swa bann aktivite ilegal ki pe kontinyelman ganny arive, lizour koman aswar, oubyen bann dimoun ki sorti an deor sa distrik ki pe antre avek zot transpor pe park ki swa o bor bann *housing estate*, fer bann *racing* lo laplenn Roche Caiman, zwe lanmizik for pou deranz trankilite bann dimoun;

Eski sa Bidze pou permet zot kapab adres sa bann *issues* dan bann kominate? Mersi.

MR DEPUTY SPEAKER

Mersi 2 kestyon - *dues* pou ANB avek *community policing*. Panel?

FINANCIAL CONTROLLER DANNY LABONTE

Mersi Mr Chair. Mon pou reponn sa kestyon an se ki konsern ANB. *Process* pou bann ki ankor pe travay avek ANB, i *under way*. E mon kapab dir la poudir tou zot bann *dues* pou ganny *deal* avek par *first quarter next year 2023*. Mersi Mr Chair.

MR DEPUTY SPEAKER

Mersi. Komisyoner pou reponn lo community policing?

THE COMMISSIONER OF POLICE TED BARBE

Mersi Mr Chair. Onorab pou *community policing*, zisteman i annan en bon pe diskisyon ki pe *go apre* ki nou'n fer sa *review*. I annan en ta keksoz dan sa servis *model* ki 7enm *pillar* ki aktyelman i annan en zofisye ki ansarz sa avek bann lezot zofisye, ki par anba li ki pe travay lo bann *action plan* pou sa.

Savedir i annan keksoz ki *ongoing*. Nou pou annan en pe sanzman dan bann fason ki pe ganny fer. E an plis ki sa ler nou pe koz lo bann dimoun ki dan bann lezot distrik ki vin park Roche Caiman, mwan osi mon'n personnelman mon'n war zot, ouver zot lanmizik for; e sa pou ganny adrese.

E avek sa programm "Respe Nou Vwazinaz" avek osi en lentervansyon ki mon'n diskite avek Minis, se ki nou bezwen annan

bann *stakeholders* – dan miting ki nou ti fer, *involve* bann *stakeholders onboard*.

I sa ki nou kapab *tackle* bann malez distrik ankor en fwa dan bann distrik kot i konsern drog, lanmizik for – annan en *solution* e bann lezot vagabonnen eksetera, bann *motoring* bann dimoun ki napa nanryen pou fer dan sa distrik – tousala pou ganny adrese.

E i en plan ki ase agresiv si oule. E mon zis pe pas sa mesaz ki nou pe atrap sa for dan nou lanmen. E *community policing* i enn nou lobzekativ ki fodre *achieve* ki distrik dimoun i reste an pe dan zot distrik. Ki nou adres sa *noise level* dan tou dimansyon, dan lakaz, koman dan loto, drog, bann dimoun ki pa reste dan sa vwazinaz ki nanryen a fer - zis i pas son letan la, swa i pe vann drog, swa i pe otoriz lezot keksoz ilegal, sa nou pou *handle*.

Nou pou war sanzman gradyelman. Nou'n fer en revi – nou'n pran 8 mwan pou fer sa revi e i pou pran en pti pe letan, akoz i annan sa bann *action plan* - i pou pran en pti pe letan.

But as soon ki nou kapab fer li ouswa bann ki fodre fer desito nou pou fer – ou ava war en sanzman. E sa i aplik pou tou distrik. Mersi.

MR DEPUTY SPEAKER

Mersi Komisyoner. Ou annan en klarifikasyon?

HON AUDREY VIDOT

Zis en leklersisman Mr Chair. Mersi *Compol*. An referans avek sa peyman *ANB* ki ti pou dan Bidze lannen prosenn 2023, eski vi ki ti ganny dir dan bann *Question Time* avan, ki zot ti deza pe travay lo la, eski kan ki zot pou ganny sa dokiman ki pou dir zot konbyen zot *dues* pou 2023? Mersi.

MR DEPUTY SPEAKER

Mersi. *Panel?*

ASSISTANT SUPERINTENDENT JOSEPH BIBI

Mersi Mr Chair. Avan finisyon sa lannen dokimantasyon pou'n pare pou zot konnen konbyen zot *dues* i ete. Me i zis ki peyman *of these dues* pou ganny fer *first quarter* 2023. Mersi Mr Chair.

MR DEPUTY SPEAKER

Mersi AS Bibi. Avan nou pas lo lot entervenan, ti annan en kestyon pli boner lo re alokasyon ki Onorab Andre ti demande *from Bois De Rose*, pou al kekpar ki *panel* ti'n omite. Komisyoner?

THE COMMISSIONER OF POLICE TED BARBE

Mr Chair realokasyon i en keksoz ki nou'n – ki pe ganny diskite – en keksoz ki nou pe abzorb li. E nou pe vvar poudir i pa neseserman en keksoz ki fasil me selman i annan lalimyer.

Ler nou pe koz lo re alokasyon nou bezwen mazinen poudir nou annan *CID* ki laba Bois De Rose; - nou annan *fingerprint SSNCRB (Scientific Support Crime Report Bureau)* ki laba ek tou bann lekipman e bann pti lab osi ki laba. I annan bann keksoz ki kalibre ki laba.

Nou annan kot *REFLECS*, nou annan en pocket *ex ANB*, Lapolis pou lanket, Drog eksetera, Narcotik, *Remand Centre* i lanmenm.

Nou annan tou se en gran travay pou fer si oule. Nou konnen in dir 2024 e i an progre. Nou annan bann landrwa ki aktyelman nou an diskisyon pou nou kapab *relocate* sa bann lenfrastriktir ki laba – sa bann *unit*. Mr Speaker mon aret lanmenm. Mersi.

MR DEPUTY SPEAKER

Mersi pou sa klarifikasyon. Onorab Adelaide.

HON FRANCOIS ADELAIDE

Mersi Mr Chair, Bonn apre midi Minis avek ou lekip – dabor *Compol*. Mon oule *extend* mon mesaz felisitasyon pou zot - pou ou avek ou lekip, pou sa bon travay ki zot pe fer – mon konnen i annan en pe konstrent. Me selman mon war ki nivo Lapolis pe monte. Mersi bokou pou sa.

E dabor mersi bokou pou sa kominike ki zot ti fer sorti e sa in ede pou redwir bokou bann rimer, e mwan sak fwa mon tann en keksoz, mon fer sir mon al gete lo sa paz Lapolis, pou mwan gete si i vre ouswa si keksoz i manti.

Mon kestyon petet i lo premye kou lo *maintenance* – ou konnen i annan Kordgard Baie Lazare i en *Icon* an menm tan i en landrwa stratezik kot mon konnen pa bezwen bokou bann gran, gran keksoz ganny fer lo la; - me aepre mon kalkile en R70mil, *maintenance* i kapab ganny fer e nou Kordgard i kapab rekomans ganny okipe. So ki ou pe fer lo sa kote?

Loperasyon drog parey ou pe dir i vin en problem dan preski distrik, mwan osi dan mon distrik i en problem. Petet donn en pti reasirans bann piblik poudir sa bann dimoun ki pe ganny tyonbe kanmenm nou war ganny large, i annan bann prosedir ki ganny fer pou ki nou pa war ki dimoun i ganny tyonbo apre ganny large nanryen pa pe ganny fer?

Dernyen kestyon Mr Chair i lo Lakademi Lapolis; ou konnen pou nou ganny plis zenn pou antre dan sa profesyon, mon krwar i devret en landrwa ki ase *conducive*, e apre bann vizit ki nou'n ale laba i pa tro, tro *conducive* parey nou ti anvi, so petet dan sa Bidze, eski i annan larzan pou adres sa bann sityasyon pou ki nou ava ganny plis lezot zofisyel Lapolis pou vin kot zot laba? Mersi.

MR DEPUTY SPEAKER

Mersi Onorab. *Panel?*

ASSISTANT SUPERINTENDENT JOSEPH BIBI

Mersi Mr Chair. Mon a pran premye kestyon an se ki konsern Kordgard Baie Lazare. Wi mwan menm personnelman, e lezot Manm *senior* Lapolis nou'n vizite Kordgard Baie Lazare.

E aktyelman Mardi bomaten lazournen antye nou annan nou *focal person* kot SIA. Nou pou pas en zournen pou nou fer en travay vreman *extensive* lo Kordgard Baie Lazare. Fer byen son *scoping, get it right* e pou nou kapab osi *share* avek SIA ki bann *services* ki nou le servi sa facilite. En mannyer nou ava kapab fer li *fit for purpose*.

E sa pou dir ou Onorab, ki i en travay ki nou komanse en pe letan pase. E i pe kontinyen. E Mardi sa travay *scoping* pou ganny fer pou nou kapab ganny en *proper drawing*, en *proper plan going forward*.

Me nou le fer sa travay zis pou reasir nou *as soon as* ki nou Bidze i permete *first quarter 2023*. Mersi Mr Chair.

MR DEPUTY SPEAKER

Mersi *panel*. Komisyoner.

THE COMMISSIONER OF POLICE TED BARBE

Mersi Mr Speaker. Onorab i reponn en pti pe sa kestyon li ler i pe dir zafer, le ou atrap en dimoun, i depan kantite drog ki annan ek li pou ou kapab swa pou ou kit li *or* i en kosyon ki nou larg li apre.

Me selman i *arrestable* nou'n aret li. Nou *process* apre nou large. Si i annan serten amount ki sibstansyel *then* i pou bezwen reste *24 hours*. E si i annan en *request* pou fer the *detention* *then* nou *proceed* avek. I pou reste plis letan.

So i pou varye. I annan ki napa *ground, enough ground* pou nou kit li. *Then* nou pou bezwen large. Sa nou pou bezwen large e nou large.

Zis pou reasir piblik en pti pe, mon annan en pti statistik devan mwan la. Ziskan la pou 2022 nou annan 241 ka drog ki pe al kot Lakour.

So, nou pa'n zis large. Nou arete, nou *process* sa i fodre reste. Even si pa fodre rimann i annan en sarz ki vini. Nou sarze i pou ganny son somonn pou al Ankour. So i form parti sa statistik.

Nou, lo size *Police Academy*; lo *Police Academy* nou konnen poudir i pa landrwa ideal. I ti'n deza en *Police Academy* kot mwan osi mon pas ladan.

Kot ti en pti pe pli byen si ou le. In deteryore wi, akoz zis lo nou *parade square*, mon krwar mon deza dir sa avan - i annan en pasaz ki en - i parey en *public road*.

Kot dimoun i pase avek transpor. Ti annan ki ti pas apye e la nou'n *divert* zot. Me la nou'n *divert* zot. Me selman transpor i *still* pase.

Lakademi li menm li avek restriktirasyon ki pe *go on* la avek bann reform, i pou re mont en pti pe lo son lipye, *even* si landrwa pa sa landrwa ki nou ti ava desire pou fer.

Nou ti'n deza ganny en landrwa oparavan, kot nou ti pe swete. Me malerezman in nepli. So nou pou bezwen anbelir sa ki la.

Mon aksepte poudir i pa neseserman dan la mannyer ki zot ti ava voudre vvar. Me selman i annan bann sirkonstans ki an deor en pti pe kontrol, e nou pe remet li annord.

Right now, nou an diskisyon pou nou re fer lakademi. *The way it is right now much better* - en pti pe pli byen. So nou ava vvar en pe sanzman tousala. Tousala i dan bann *pillars* ki nou'n fer sa bann resers - sa *review*.

E *review* ou pou realize pou fer pou met sa bann keksoz an mars, nou deza parey nou ti ete i pou pran en pti pe letan akoz i annan bann prose ki bezwen ganny swiv. I bezwen annan bann finans ki *come into play*, eksetera. E *manpower* osi as well.

So all in all nou pe travay lo nou review sa ki permete pou nou fer. Parey mon dir Onorab pli avan sa ki pli vit nou pou fer pase pli vit. Me i annan ki pou pran en pti pe pli letan. Mersi Mr Speaker.

MR DEPUTY SPEAKER

Mersi Komisyoner. Mon pou pas laparol aprezan avek Onorab Naidu.

HON SATHYA NAIDU

Mersi Mr Chair. Bonn apre midi Minis ek ou delegasyon. Mon osi mon rekonnnet sa bon travay ki Departman Lapolis pe fer. Malgre tou kritik, mon'n war en amelyorasyon vizavi servis ki zot a pe rann ver nou pep.

Me parey zot in soulinyen dan *current challenges*, i annan kapasite *constraints, and capacity building* bon pe fwa in ganny koz lo la. Ozordi zour ler ou gete, dan en domenn tel ki *digital forensic evidence extraction*, i annan zis en dimoun.

Vizavi *drug analysis certificate*, pou kapab prodwi bann sertifika, ouswa pou kapab fer bann tes, ouswa konn kontenir priyorite vizavi drog li menm, i annan zis en dimoun.

Prezan dan bann lenstans kot sa dimoun pa dan en kapasite pou kapab rann sa servis, ouswa delivre vizavi son travay, i kree en *backlog* ase enorm. Alors eski i annan en plan *long term* pou nou kapab *beef up* bann domenn parey?

Epi nou konnen ki Gouvernman presedan, ti annan koze pou dir pou annan en *forensic lab*, me apre in tonm dan delo, eski i pou annan okenn konversasyon ki ou Minis ou pou angaz ladan pou kapab regarde? Akoz, par egzanp en *DNA test* apre sa 43an, finalman nou bezwen al Moris pou nou kapab fer le neseser. I sagrinan sa i leka.

E *traffic management* an relasyon avek *drug and breathalyser test*. Mon pa war okenn alokasyon. Me selman lo *performance measures*, mon war ki i annan en plan pou kapab redwir bann ka relye avek *drunk driving*, par 50poursan. Alors eski mon kapab ganny en pe klarifikasyon lo la?

E an menm tan menm *CID*, Departman *CID* i annan zis 5 a 6 dimoun ki pe regard tou bann ka, pou fer bann lenvestigasyon. E se la kot parfwa ler keksoz pe ariv Ankour, bann avoka i profite *and they see the loopholes*.

Me tousala se bann fe ki zot, zot in erite. Bann defi ki zot in erite e byensir pou pran en pe letan. Me selman lo kote *capacity building, what is the way forward?* Mersi.

MR DEPUTY SPEAKER

Mersi Onorab. *Panel.*

MINISTER ERROL FONSEKA

Mersi Onorab. Mersi Mr Speaker. Mon krwar *Compol* in mansyonn en kantite nou *strategic review*. E sa bann plan ki ou pe koz lo la i vreman parey mon'n dir, bann *long term plans* ki nou bezwen *build up* Lapolis.

E par egzant osi pe koz lo *CID*. *Intelligence-based operations, anmas data, mapping out ou bann area*. Kote *crime* i ete, kote i *most likely* pou bouze. Tou sa bann lenformasyon pou ou vin efektiv, i baze lo sistem ki anmase, e i analiz sa bann zafer, apre ou kapab servi pou *brief* ou bann patrol.

So, Lapolis pe met tousala. I annan en kantite keksoz ki pe arive anliny ek ki ou pe koze, selman nou pa vin deor pou dir dimoun akoz ou pa kapab sak fwa ou pe fer en keksoz vin deor, ou dir mon nou pe fer sa.

Me nou *hope* ki sa bann rezulta ki nou pe anmennen, dousman, dousman pou montre ki nou pe *address* sa bann zafer.

Lo *financial intelligence* par egzant, nou annan dan nou metye mon krwar i annan detrwa *post nou'n gannyen*. Nou bezwen *the right capacity* dimoun pou met ladan. Me kantmenm ou ganny sa, i pa pou vin en *expert for the first 2, 3 years*. I pou pran en pti pe letan pou li *build up* son leksperyans, e tousala.

So, mon, mon war *really* sa Lapolis ki nou anvi anmennen. Lapolis nou anvi anmennen lo sa nivo, i pou pran nou petet *within 6,7 years of continuous - continuous training, capacity building, review*.

Dan sa programm nou ler nou pe koz lo *monitoring and evaluation*. Sa en rol enportan, *monitoring avek evaluation*. Ou met ou plan, ou ale ou *monitor*, evalye ou re aranze. E sa en keksoz ki toultan i ganny fer sa. Toultan i ganny fer pou *upgrade* ou *scale of efficiency*.

So, en louvraz eksitan. Ozordi zour ou bann polisye - *sorry* mon pe tro ale mon krwar Mr Speaker, mon konnen letan i en pe *short-*

me selman i enportan pou zot konpran sa. Nou pe *build up* Lapolis lo sa nivo pou zot *enjoy* zot louvraz osi. I pa zis fer louvraz, ou bezwen annan sa kapasite, *enjoy it*, al dan distrik.

Onorab Vidot in koz lo *committee to policing*. La landrwa kot nou bezwen, nou bezwen viv la. Nou bezwen viv ek la kominote. So, sa i sa vizyon - si oule - ki mon pe koz lo la an zeneral, ki nou bezwen anmenn lapolis lo la. Mersi Mr Speaker.

MR DEPUTY SPEAKER

Mersi Minister. In annan plizyer pwen ki mon, mon ti'n note. *Capacity building, forensic lab, traffic management*. In kouver tou?

HON SATHYA NAIDU

Pa lo size *forensic lab* e enkli *traffic management* lo kote *breathalyser* avek *drug test kits*. Mon pa war okenn alokasyon, me selman dan *performance measures*, ou anvizaz-e adres sa problem?

MR DEPUTY SPEAKER

Ok, nou kapab ganny en larepons pou sa? Mersi.

ASSISTANT SUPERINTENDENT JOSEPH BIBI

Bon, lo kote *traffic management, breathalyser*, li ou pou war son bann laliny lo program 21, ok. I annan sa konponan *hi-tech equipment*, e li i ganny *acquire* anba la. E byensir si i annan bann adisyonnel ki nou fer, nou, nou fer provizyon *internally* pou nou fer sir sa *unit* i ganny sifizaman lekipman pou li travay avek. Mersi.

MR DEPUTY SPEAKER

Mersi panel. Nou ava *proceed* avek lot entervenan. Onorab Lemiel.

HON SYLVANNE LEMIEL

Mersi Mr Chair. Bonn apre midi *Compol* avek Minis ek *Compol* ek ou lekip. Mr Chair, mon vwar dan program 5, lo kote krim organize, i annan en somm R43.7milyon, konman en *grant* ki zot pe gannyen pou fer facilite. Petet ti a bon nou ganny en pti pe lenformasyon lo sa facilite ki pe ganny fer pou *marine police*?

E apre petet kote tou sa facilite i ete? Minis mon pou dakor ek ou letan ou dir ki lapolis i devret avek la kominote, dan la kominote. Sa i byen. Nou vwar ki selman enn zot bann *main challenges* ki zot

in dir nou, se ki zot annan en inabilite pou zot Lapolis fer bann bon patrol. Sa i enkli bann loperasyon spesyal ki zot le fer akoz i annan en mankman lekipman.

E an menm tan mon pa vwar dan Bidze ki okenn larzan in ganny mete. Onorab Clifford Andre in tous en pti pe li, me selman mwan, mon pe mazinen petet zot merit al en pti pe pli o profon. Par egzant lo kote lekipman pou zot fer patrol, zot pe koz lo la? Ki kalite sa bann lekipman ki manke la pou fer patrol?

Si wi napa dan Bidze, eski Lapolis pe mazin petet al ver bann pei zanmi pou zot kapab ganny en pe sa bann lekipman enportan? Pou kapab ed zot fer sa travay enportan osi ki nou kominate pe demande. Mersi Mr Speaker.

MR DEPUTY SPEAKER

Mersi Onorab. *Panel, Komisyoner.*

THE COMMISSIONER OF POLICE TED BARBE

Mersi Onorab, mersi Mr Speaker. *Regarding lekipman Onorab in tous lo en pwen ki mon pou koz lo la en pti pe, nou'n ale ver nou bann pei zanmi si oule. Police to police nou annan en pe laranzman. Nou annan bann MOUs ki nou'n sinyen tou dernyenman, sa avek Kenya ki pe asiste nou. Sid Afrik.*

Sid Afrik zisteman Onorab ki'n demann kestyon pou *digital forensic extraction*. I pe fasilit nou pou *certification of a prep* en 8 nou zofisye. *They have the knowhow, me selman zot pa certified, so, sa pe al ganny fer.* Sa bann MOUs ki nou'n sinyen avek zot zisteman i pou *capacity building*. I a kouver en pti pe *previous questions as well. Capacity building and in terms of training* ler mon pe dir sa. Epi serten lekipman osi.

Serten lekipman par egzant pou trafik ki *in the pipeline. Anytime soon*, nou pe sey met en pti pe, pouse pou nou ganny avan Desanm, pou sa *festive season* kot nou fer bann *road blocks*. Bann agresiv en pti pe agresivman. Fer bann *road blocks* en pti pe partou. So, bann lekipman apropriye i *on the way*. So se sa si oule.

Apre nou osi anliny pou nou sey gete si nou kapab ganny facilite *ebikes*, pou serten patrol, serten landrwa touristik eksatera. Parey La Digue nou konnen i annan. Pou le moman zis La Digue.

Nou osi pe mazin en pti pe lo sa *mobile police van*, ki mon'n vwar en model *La Reunion* ki mannyer zot servi dan dernyen *visit* ki mon'n

al laba. So i pa neseserman bann gran, gran *venture* si oule. I bann *simple thing* ki Lapolis i kapab met en pti pe son *focus* lo la.

So se sa ki nou pe anvizaz-e fer. So, ankor enn fwa, napa keksoz ki pou ... Nou pa pou *slow in the process*, nou pou *try nou best*, me selman ler ou'n fer en *review* ankor enn fwa, i pran letan pou ou fer. Ou war bann *issues* avek Lapolis. Me i osi annan en *process*. *It's about process and the financial part* pou met serten keksoz, akoz la mannyer nou ete, nou pe *lobby*.

Me ek nou *budget* la i annan serten keksoz ki nou pou kapab met an *aplikasyon by next year*. E i annan ki pou pran en pti pe plis letan si oule. I annan ki ankor en fwa nou bann *partners* pou ed nou avek *capacity building* e serten kalite lekipman osi.

So, nou *look forward* pou bann bon, bon *ventures* ki nou pe fer *overseas as well*. Mersi Mr Speaker.

MR DEPUTY SPEAKER

Mersi Komisyoner. I annan ...

ASSISTANT SUPERINTENDENT JOSEPH BIBI

Mr Chair...

MR DEPUTY SPEAKER

AS Bibi, ale.

ASSISTANT SUPERINTENDENT JOSEPH BIBI

Thank you, Mr Chair. Mon pou reponn sa kestyon an sa ki konsern *Marine Police Building* ki pou baze Perseverance. Bann negosyasyon in byen avanse an sa ki konsern sa proze e ki pou ganny *follow tre byento*. Mon ekspekte boner lannen prosen par sa *tender process*. E bann dimoun a definitivman *bid for that*. E zis pou dir pou dir sa i en *grant* sorti Zapon. Mersi Mr Chair.

MR DEPUTY SPEAKER

Mersi AS Bibi. Nou bouze. Mon ava apel Onorab Esparon.

HON REGINA ESPARON

Mersi Mr Chair. Mr Chair mon annan 2 kestyon avek en remark. Sa remark mon anvi ki, letan mon'n ekout ASP Bibi, i pe dir pou dir nou

napa, konmsi napa larzan ki'n ganny prozekte pour *acquisition of motor vehicle*.

Be letan mon pe regard anba la, anba sa *program 1*, mon pe vvar pou dir i annan la en larzan ki'n ganny prozekte an 2025, 4milyon441mil, pou *acquisition of cars*. Mon war li i en pe lwen.

Mon pa konnen si petet zot kapab pouse ki lannen prosenn kekfwa nou kapab ganny en pe alokasyon pou kapab aste en pe loto pou aranz sa *fleet* ki Lapolis i annan.

Dezyenmman letan ki Komisyoner ti pe dir zot annan bann lekipman ki pe vini, ki pou ed bann *traffic police*, eski parmi sa bann lekipman, i osi ... mon pa konnen si zot in fer provizyon pou bann pti tablet? Ki letan bann *traffic police* zot lo semen, zot kapab zis tap en nimero loto, zot konnen sa loto si annan son *license*.

Konmsi i annan kot i kapab annan sa kordinasyon ansanm avek *Licensing*, kot bann lenformasyon i ganny *plot* lo la, pou zot kapab konnen pou dir sa loto ki lo semen i annan *license* i annan lasirans. Konmsi si zot ti kapab osi fer provizyon pou sa, dan bann lekipman ki pe vini.

Mon kestyon Mr Chair, i annan en alokasyon 2milyon100mil pou renovasyon Kordgard Glacis. 2milyon pou 2023 avek 100mil pou 2024. Mon ti ava anvi demann avek Komisyoner, dan sa renovasyon la, zot pe mazin osi bouz sa Kordgard en pti pe pli dan fon?

Zot pe mazin *extend* li en pti git, oubyen ki zot pe al fer egzakteman ek sa 2milyon? Parski nou pa'n ganny konsilte nou, distrik pa'n ganny konsilte lo kwa ki pe al fer, nou pa konnen nou, ou konpran mwan? Sa zafer namm, *anyway*.

Nou kontan nou pe al ganny nou Kordgard akoz i neseser annan sa dan kominate. Me selman nou pa konn detay. Eski zot pou pou li deryer? Eski zot pe al *renovate* li antye? Oubyen ki kalite *renovation* zot pe al fer ek sa 2milyon? Mersi.

MR DEPUTY SPEAKER

Mersi. Non napa zafer namm dan Bidze silvouple. *Panel*.

ASSISTANT SUPERINTENDENT JOSEPH BIBI

Mersi Mr Chair. Mersi Onorab pou ou kestyon. Pou konmanse lo konsernan transpor. Parey mon dir ou nou pou fer sa legzersis pou rod bann transpor ki *fit for purpose*.

E definitivman nou pou vini avek nou plan pou *Mid-year Review*. Definitivman pli kourt term, pou nou kapab dir avek Minister Finans, vwala nou *homework* ki nou'n fer, e vwala nou *cost*. E *from there* nou a kapab al ek sa plan *over* sak lannen. An sa ki konsern nou bann veikil.

An sa ki konsern Glacis, wi son renovasyon pour *existing*, pou premye faz *existing station*, e fer li *operational*. E osi met en pti pe bann servis ki pou kapab deservi en pti pe pli byen Kordgard Glacis, *other than the general duties*. Par egzamp, mon a donn ou en legzanp. Kekfwa met en servis parey *Child Protection*. Konmsi i ava en pti pe pli pre avek kominote.

E parey mon'n dir, sa plan si pou fer *extension*, definitivman avek bann konsiltasyon ki vreman ki distrik i bezwen, sa i ava lo sa lot faz. Me pou sa enn la, se pou *renovate the existing building*. Mersi Mr Chair.

MR DEPUTY SPEAKER

Komisyoner?

THE COMMISSIONER OF POLICE TED BARBE

Mersi Mr Speaker, zis pou repran en pti pe lo sa pwen ki Onorab in fer *regarding tablets* pou bann *traffic officers* ou bann lezot polisye ki fer *road block* eksetera. *Points taken*. Nou a fer sa. Nou deza annan detrwa *tablet* e sa kolaborasyon avek *Land Transport*, i enn ki date pou en bon pe letan, e nou remersi zot pou sa.

Nou annan koneksyon *mobile phone* aktyelman pou bann *vehicle registration*. E nou annan sa lot programm ankor ki zot in donn nou *about the whole thing, about the owner of the vehicle and the vehicle* eksetera lo lot bann detay si oule. En pti pe plis detaye ki sa ki lo *mobile*. Nou deza annan sa tou.

So parey nou'n dir nou pou transfer sa lo bann *tablet*, zisteman bann gard, a fasilit bann louvraz gard. Sa i an progre. Ou'n byen touse sa enn. Mersi bokou.

MR DEPUTY SPEAKER

Mersi Komisyoner. Ou annan klarifikasiyon?

HON REGINA ESPARON

En pti klarifikasyon Mr Chair. Mon demann avek ASP Bibi, savedir Kordgard Glacis avan sa ki ti en, nou ti dir li en *police post*. I pou nepli en *police post*, i pou en Kordgard ki pou fonksyonn byen parey en kordgard?

Parski zot ti annan sa segregasyon, en *police post* oubyen dan en lot landrwa *regional*. Konmsi ki nou pe al gannyen la, en *police post* oubyen en Kordgard *fully functional*?

MR DEPUTY SPEAKER

Komisyoner pou reponn sa.

THE COMMISSIONER OF POLICE TED BARBE

Mon a zis reponn sa Mr Speaker. I pou en *police post* ler i repran la. Me selman parey mon'n di r, nou *still* annan bann *review* ki nou pe fer, Lo bann Kordgard. Nou annan bann *statistic* ki nou pe pran istorikman pou nou get en pti pe bann Kordgard dan bann distrik. I dan nou *review* tousala. Enn bann *pillars* pou teste sa. Annefe sa *7th pillars* pou antreprann sa.

Lo - i pou annan kestyon ki pou monte, eski nou pou bezwen sa kantite Kordgard en konparezon? Ki *volume* rapor pe ganny fer. Mon pa dir nou pe spesifikman Glacis. Mon pe dir an zeneral. Nou pe *move forward*.

Nou osi bezwen gete, eski tou stasyon i pe ganny sa kantite volim rapor? Eski sa rezyon i annan sa ta lanket ki pe fer? Eski i *worth turn this one into fully-fledged police station* ouswa en *police post*? Eski i *worth* annan sa stasyon eksétera, eksétera? E si nou, zanmen i arive nou pou *reduce*, ki benefis i anmennen?

Tousala nou pe travay lo la, e nou ava prezante. Akoz i pou montre ou sa *statistic* ki nou pe travay lo la, i pou montre ou pou dir i annan serten lannen ki ler nou ti annan sa *mother station*, e petet bann pti *post* ouswa i annan kordgard pa ti tro oule ganny antreprann. Nou ti annan plis *manpower*.

Nou ti kapab plis annan *deployment*. Nou ti kapab annan plis vizibilite, akoz nou ti kapab met plis patrol, plis dimoun apye, *plis community policing* si oule. Dan lepase ti koumsa. Nou a montre zot ennler dan sa bann *statistic* ki nou pe anmase. Ou pou vwar petet i annan serten desizyon nou pou bezwen pran *in the very near future about* serten Kordgard.

Nou, nou pa ti a voudre ferm okenn Kordgard pou dir *as* nou dir nou pe al fermen. Me selman nou a get bann fe ki prezante. Nou a tonm en lakor ki nou pou fer dan le fitir. Mersi Mr Speaker.

MR DEPUTY SPEAKER

Mersi Komisyoner. *Minister ou oule azout keksoz?*

MINISTER ERROL FONSEKA

Yeah, mon a ti a zis kontan siport *Commissioner* pou eksplik sa en pti pe. A okenn moman sa bi i pou fer sir ki i annan plis gard lo teren, e pli pti git gard pe asize lo en sez. Sa *is the bi*.

Dezyenm bi i pou fer sir ki okenn dimoun ki bezwen lasistans, i annan en fasilite pou li kapab direkteman demann sa lasistans. E dan sa *central command* i pou konnen kote, si i fer lo son telefonn i pou konnen egzakteman kot i ete.

So, la ki ou arive, ou pa pe deny sa access of the community pou ganny asistans. Ou pe fer sa lasistans vin pli vit kot li.

Omwen li tay kot en Kordgard i reste kot son program i ete, e i kapab ganny *access to sa help*. Sa i bezwen en *platform* pou fer sa. E parey mon dir menm le 12 Desanm, nou pe zwenn de serten dimoun pou regard sa.

So, pa per ler nou dir nou pou ferm Kordgard. Nou pou met plis gard lo teren. Nou pou tir gard lo sez, met li lo teren. Piblik ganny plis access vitman kot i bezwen sa led. Mersi Mr Speaker.

MR DEPUTY SPEAKER

Mersi *Minister*. Onorab Bastienne.

HON DESHEILA BASTIENNE

Mersi Mr Chair. Bonn apre midi Mr Chair. Bonn apre midi Minis ek ou delegasyon. Mon krwar mon kestyon mon ava viz li pou *Compol*. *Compol* ti annan serten paran ki'n eksprim konsern.

Ki annan transpor ki tanzantan zot pe tranpe kot lekol pou esey, konmsi pou annan sa *attempt* pou anbark zanfan. E pou serten bann dimoun ki vvar sa i drol, akoz souvandfwa i dir ou sa bann zanfan ki ganny targete la, zot taye zot montre zot laper. E zot montre ki zot pa konnen sa drayver zot.

Eski dan sa Bidze i annan alokasyon ki pou permet zot annan plis resours, pou ed zot kapab dil avek sa sityasyon? E osi pou permet

zot annan en pti pe plis vizibilite dan distrik Perseverance an zeneral? Mersi.

MR DEPUTY SPEAKER

Mersi. Komisyoner.

THE COMMISSIONER OF POLICE TED BARBE

Mr Speaker, mon a reponn en bout ladan *FC* a pran larestan. Onorab nou plan ki nou pe vin avek se ki nou pou fer en pe prevansyon, en bon pe prevansyon.

Annefe nou'n diskite sanmenm sa semenn ki'n pase la, kot nou pou re entrodwir ankor kot gard i al dan lekol, kot zofisyen - serten zofisyen al dan lekol avek kapasite pou zot pas lenformasyon avek bann zelev. Eksplik zot en pti pe lo *safety*. Eksplik zot en pti pe lo *safety* lo semen.

Eksplik zot en pti pe lo *safety* zot lekor zisteman kont kot i konsern kot ou pa konnen lekel, ou pa kapab pe anbark ek li, or pa kit ou tousel.

Anyway, it's all about montre zot poudir a okenn moman ki zot devret fer. Se sa nou pou pas en pti pe, an menm tan en pti pe kanpanny osi lo bann segonder, pou nou fer sir ki nou atrakte en pti pe dimoun, manrmay ki kapab pran sa profesyon pli tar.

E *it's all about* en *package* pou nou anmenn dan lekol. Mon okouran ki gard i konnen poudir i annan sa problem. E serten patrol i bezwen ganny entansifye dan bann diferan *premises - school premises*. E sa i devret ganny fer.

E Perseverance nou konnen i enn ki'n annan enn de lensidan, e gard i okouran. E i annan pa mal lenformasyon ki pe anmase ki nou pe gannyen lo lekel sa bann transpor. E mon garanti ou ki serten aksyon *in the very near future*, pou ganny pran avek sa bann dimoun ki pe fer sa.

E sa ki ganny vwar koupab e i annan levidans, nou pou pran aksyon, ziska al *end up* ankour ek zot. Mersi Mr Speaker. Sa premye morso, apre *FC* i a reponn en pti pe sa lot bout.

MR DEPUTY SPEAKER

Mersi. *FC*?

FINANCIAL CONTROLLER DANNY LABONTE

Bon pou zeneraliz sa kestyon li menm li, parey pou tou bann distrik. Sa Bidze li menm li in ganny prepare lo sa *platform*. Si ou get byen nou bann *strategic priorities*, tou sa bann keksoz in ganny mete pou ankadre, pou sa Bidze ankadre sa bann priyorite. Lefikasite, *community trust, harm ek en safer landrwa*.

E bann diferan koze ki nou'n koze pli boner lo kote transportasyon, lekipman, tousala nou'n mete lo dan nou Bidze zis *to ensure* ki sa servis i ganny konplimante byen a tou piblik. Mersi.

MR DEPUTY SPEAKER

Mersi FC. Mon pou pas laparol aprezan avek Onorab Gill.

HON CHURCHILL GILL

Mersi Mr Chair. Bonn apre midi Minis ankor enn fwa. Mon kestyon se i annan sa alokasyon pour novo Kordgard Baie Ste Anne.

Eski sa alokasyon i zis pou konstriksyon *building* oubyen i pou enkli bann lekipman ki pou al ladan? Si an ka i pa enkli lekipman, ki zot ekspekte fer, ki ler i fini lekipman osi in pare pou louvertir. Mersi.

MR DEPUTY SPEAKER

Mersi *straight forward question*. AS Bibi?

ASSISTANT SUPERINTENDENT JOSEPH

Mersi Mr Chair. Planifikasyon pour letan Kordgard Baie Ste Anne pe ganny konstrir, nou konnen i pou anmenn nou *almost towards* lafen lannen. E nou'n planifye ki nou pou met bann lekipman ki pou nesesit pou li fonksyonnen.

E osi bann lekipman ki ale avek bann fonksyon ki pou annan dan sa stasyon. Yes, ler i ouver, i ouver avek tou son keksoz. Mersi Mr Chair.

MR DEPUTY SPEAKER

Mersi. Onorab Pillay.

HON SEBASTIEN PILLAY

Mersi Mr Chair. Bonn apre midi tou dimoun ki a lekout e bonn apre midi *Compol* avek ou delegasyon. Minis in deza, nou'n deza dir li bonzour, bonn apre midi o paravan. Mr Chairman mon pou al direk

lo serten konponan dan Bidze, ki petet mon ti a kontan ganny serten klarifikasiyon.

Premyerman mon pe regard anba sa *goods and services*, ou annan 2 konponan ase signifikan pour *security and enforcement*. Sa i premyerman anba *Community and Airport Services*. Mon vvar en R24milyon.

Apre anba *response services*, mon war R23.7milyon. Mon ti a kontan konnen ki sa 2 sif i verdir an tou i fer aepre R47milyon an tou? Mon ti a kontan konpran ki savedir sa, ki sa 2 sif i vedir pou lapolis?

E mon dezyenm kestyon i konsern sa konponan *Sensitive Security Services*, parey sa bann zofisyen nou war otour Lasanble Nasyonal. Mon ti a kontan klarifye si ... mon pe rode kot zot ete, eski zot osi zot pe ganny peye anba *goods and services* dan Bidze?

E si petet ou kapab donn mwan en pti pe *sinopsis* lo *whether or not*, i annan okenn sanzman dan bann kondisyon travay pou sa bann zofisyen?

Apre mon dernyen kestyon i en pti pe lo en baz *policy* Mr Chairman. Eske Minis i kapab reasir nou lo son kote ki napa okenn lenterferans politik dan travay Lapolis? Mersi Mr Chairman.

MR DEPUTY SPEAKER

Mersi, mon pou les sa trwazyenm pase zis pou nou *put this matter to rest*, akoz mon pa war kot i antre dan Bidze. Selman mon pou permet Minis pou ki enn fwa piblik i a ganny en larepons ferm e kler lo sa size. *Panel?* 3 kestyon i annan. FC premye.

FINANCIAL CONTROLLER DANNY LABONTE

Bon, pour, Onorab anba programm 2, *ok. Security and enforcement*. Sa sonm ki ou pe war la i *relate to* bann Nepalez. E ladan nou pey zot saler. I annan konponan saler ladan, *ok?* E an tou zis pou *put you at ease* i annan 102 an tou. *Altogether.*

E anba programm 31, *ok*, wi. 31 li i pou bann *Sensitive*. Sanmenm sa *Sensitive Security* ki ou'n mansyonnen. E zot tou zot depans i pas ladan zot. Tou zot bann *operating cost*, zot saler, *end of contract*. Tou zot depans i pas anba sa lanir. Mersi.

MR DEPUTY SPEAKER

Mersi lekel lot ki pou reponn konsernan *Sensitive*?

ASSISTANT SUPERINTENDENT JOSEPH BIBI

Thank you, Mr Chair. Sensitive wi i anba nou programm e Sensitive i operate, i pou kontinyen operate parey i pe operate aktyelman. E nou anvi osi donn zot en pti pe plis valer dan zot travay ki zot fer.

I vedir ki nou pe ankadre zot en pti pe pli byen anba nou programm. E osi donn sa travay ki zot pe fer en pe plis valer. Me selman zis pou konfirmen, pou dir *Sensitive* i anba nou programm. *Thank you, Mr Chair.*

MR DEPUTY SPEAKER

Mersi. Dernyen kestyon lo si i annan lenterferans politik dan travay Lapolis? Mersi.

MINISTER ERROL FONSEKA

Yeah, Mr Speaker. Mersi pou sa kestyon. E mon krwar lefe ki kestyon in vini, i donn mwan en sans pou eksplike, akoz en keksoz ki mon ti krwar nou tou nou konnen mannyer en demokrasi i bouze.

Ozordi zour dan sa pei keksoz i ganny fer *by the rule of law*. E tou keksoz i bezwen annan en *legal finish*. Si ou napa sa, ou zis pa pou al okenn landrwa. E parey zot konnen, nou annan bann *Citizens Organization NGOs*, annan avoka, tousala i *practice* zot bann louvraz. Alor en kestyon ki drol pou vin an se moman.

Me *at the same time*, ou annan en Egzekitiv dan pei. Li i pa kapab enterfer politikman ek louvraz Lapolis. E i pa pe ganny fer osi, e i pa pou ganny fer. Me selman *the Executive* i la pou li *lead*, diriz.

Sa se mon *job*, mon *job* i pou *direct according to Government policy*. Ki direksyon, kot nou pou depans larzan. Ki bann zafer nou pou fer e sa i normal. So oule sa, ou bezwen annan *leadership* dan pei. E Gouvernman i la pou pran sa *leadership role*.

So annou pa konfiz *leadership* avek enterferans politik dan administrasyon. So, mon krwar mon'n fer sa ase kler e napa naryen pou azout lo la. Mersi Mr Speaker.

MR DEPUTY SPEAKER

Mersi Minister. Mon vwar lanmen Dirizan Lopozisyon. La oule klarifye kek keksoz? Ou'n vwar sa laliny kote i ete, kwa?

HON SEBASTIEN PILLAY

Mersi Mr Chairman e mersi Minis pou ou larepons e ou reasirans. Mon swete ki sa reasirans i senser dan tou sans.

E ki parey mon'n tande resaman avek medya kot mon'n war zot al *State House*, mon pa ekspekte osi ki Lapolis i reakte lo bann direktiv politik. Akoz mon, mon pe dir ek Seselwa nou pou kontinyen war dimoun ganny arete pou zot lopinyon dan nou pei tre byento.

E sa en keksoz ki pou kontinyen, akoz zisteman nou pa pe viv dan en pei kot laliberte lekspresyon i ganny respekte. Me *ceci dit Mr Chairman* sa i pou nou pep pou li zize, e pou nou vwar kwa ki pe pase otour nou ozordi.

Ler mon regard sa ki mon'n tande *regarding* bann Nepale, mon vwar poudir dan sa Bidze *then* nou pe depans en konponan sibstansyel, avek bann zofisyne etranze.

Petet mon ti a kontan ganny en klarifikasyon premyerman lo, ki rezondet ki lapolis i bezwen anploy sa kantite etranze ozordi dan Lapolis? Eski i annan en mank konfidans dan lafors ki mannyer i ete ozordi?

E dezyenmman, prenon kont ki sa konponan bidzeter i sibstansyel, e i annan serten konsern i ganny eksprimen par bann zofisyne Lapolis ki, ler zot al lo *scene* se zot, malgre i annan Nepale la, se zot bann zofisyne Seselwa ki bezwen fer lamazorite travay. E ler i annan bann *case* ankour bann Nepale souvandfwa i pa la.

Eski Minis i kapab dir nou, prenon kont ki ou bann zofisyne Lapolis in travay ase dir pandan sa 2 dernyen lannen avek bokou difikilte, pandan letan *COVID*. Byensir pa toultan ki nou tou nou satisfe avek travay ki Lapolis i fer, be sa i normal pou dan en pei.

Toultan ou pou annan dimoun ki satisfe, dimoun ki pa satisfe. Mon remersi bann zofisyne Lapolis ki fer zot louvraz byen, e mon swete ki zot kontinyen ganny sa sipor.

Eski Minis i kapab dir nou, eski li konman Minis i pa santi ki, bann zofisyne Lapolis an sa ki konsern zot bann *dues* lafen lannen, sirtou la mon pou vin lo sa pwen 13enm mwan, prenon kont ki nou fer sa gro depans lo bann etranze.

Zot pa devret ganny en *full* 13enm mwan, prenon kont la kantite travay ki zot in fer, sirtou pandan *COVID*, e demann ki ankor annan lo zot bann sityasyon ki eggiste ozordi dan pei?

Mon remersi ou Mr Chairman pou donn mon loportinite pou demann sa bann kestyon. E mon remersi Minis byensir pou son bann larepons ki pou donn mwan.

MR DEPUTY SPEAKER

Minister, larepons silvouple.

MINISTER ERROL FONSEKA

Mersi Mr Speaker. *In fact*, filozofi sa 13enm mwan i pou fer sir ki nou ganny efikasite dan nou bann servis ki nou donn piblik. Lapolis an zeneral pe fer en kantite louvraz e pe avanse. Selman pa vedir ki tou dimoun dan Lapolis pe fer byen.

E sanmenm sa ou annan en fason e mezir pou ziz dimoun konman en endividé ki li i pe donnen. E sanmenm sa rezon det deryer sa 13 mwan. E sa 50poursan ki la, pou li gannyen. I la, pou li sa. Selman fodre i bouze.

E i pa zis en dimoun met son *uniform* vin travay. Ler i ariv dan son louvraz la, i bezwen konmans *perform*. Me si sa nou ankor pe diskrit ozordi zour, mon krwar nou pe mank en konprenezon ki mannyer sa responsabilite travay, i devret marse dan pei.

Nou vin travay nou rapporte, me ler ou ariv dan ou louvraz ou bezwen fer ou louvraz. E sa nou bezwen sipor tou dimoun lo tou lede kote Lasanble sa. E si en bout pa konpran, i pou difisil pou sa pei avanse. Mersi Mr Speaker.

MR DEPUTY SPEAKER

Mersi Minister, mon ava pas laparol avek *LGB*.

HON BERNARD GEORGES

Mersi Mr Chair. Bonn apre midi Minis. Bonn apre midi *panel*. Mr Chair permet mwan pou dir ki mon enterese vvar sa kestyon ki Onorab *Leader Lopozisyon* pe demande lo lenterferans politik.

Mon sa ki mon rapel, se ler Prezidan ozordi ti *Leader Lopozisyon*, e li avek Onorab Ferrari ti ganny kas latet par zofisyè Lapolis deor Lasanble Nasional. Napa personn, napa personn ki ti dir, “wenk”, sa i mal, parmi bann Manm Onorab ki ti dan Gouvernman. Zot in les sa 2 garson ganny zot latet kase al Lopital.

Personn pa'n kriy “wenk” ler Prezidan Larepublik ti donn promosyon enn de sa bann zofisyè ki ti enplike dan sa lensidan. Alor Mr Speaker, fodre nou rapel tre byen sa ki'n arive avan ki nou konmans montre ledwa lo Gouvernman aktyel, pou demande si i annan lenterferans politik.

(APPLAUSE)

HON BERNARD GEORGES

Mon kestyon Mr Speaker i annan pou fer avek tapaz. E mon anvi profit sa lokazyon ki Komisyoner Lapolis i la e Minis, e ki nou pe al aprouv zot Bidze pou fer zot rapel ki mon ti anmenn en Mosyon dan sa Lasanble detrwa lannen pase, lo sa size tapaz. E mon ti demann avek Lapolis zot lasistans silvouple.

E la si ou permet mwan Mr Chair, le 21 Oktob ler sakenn nou bann distrik lo sa kote latab ti pe organiz en sware pour prepar pou sa laniverser 2an depi eleksyon, ti annan en group zofisyel Lapolis ki ti pas dan tou bann distrik, enkli sa ki pou mwan, pou fer sir ki nou ti pe obeir sa letan ki zot ti'n donn nou, pou nou fer, pou nou zwe lanmizik.

E Minis mersi, atraver ou Mr Speaker, ki nou pe viv dan en pei kot i annan *rule of law*. Akoz mwan mon ti ganny aprose par sa zofisyel dan en fason tre kourtwa, fer mwan konpran ki nou permision ti fini minwi e ki nou ti'n desot minwi, e silvouple swiv Lalwa. E sa ki nou ti fer imedyatman.

Donk mon dir sa la ozordi pou montre ki, *in fact* napa personn ki *above the law*. As *LGB* mwan, mon ti ganny dir, avek ziste rezon, ki nou ti bezwen *comply* avek Lalwa. Donk felisitasyon bann zofisyel Lapolis ki ti fer sa. E ki ti fer sa dan en fason, tre, tre kourtwa.

Donk mon kestyon Mr Speaker, pour ou Komisyoner Lapolis, an vi kontinyasyon tapaz dan bann vwazinaz. Lanmizik, lanmizik apre ler, bann *mobile disco* ki pase tanzantan ki pe zwe lanmizik for. E osi - e sirtou bann loto ek bann moter ki'n ganny modifye. E ki ler ou pe ganny en sonmey dan pti 11er diswar La Louise, enn i mont semen La Misère e i *disturb* ou.

Eski avek sa Bidze ki nou pe al donn zot, zot annan en konponan ladan pou travay, pou redwir sa nwizans ki tapaz i anmennen, e pou pran en ka avek sa bann veikil ki'n ganny modifye, pou asire ki lape i rennyen e ki bann rezidan ki pe swiv *the rule of law* i kapab dormi byen ler i ariv aswar? Mersi Mr Speaker.

MR DEPUTY SPEAKER

Mersi Onorab Georges. *Panel?*

THE COMMISSIONER OF POLICE TED BARBE

Mersi Mr Speaker, mersi Onorab. Wi parey mon'n dir depi avan, Lapolis pou antreprann pou pran aksyon avek sa bann, zisteman avek sa bann dimoun ki modifye loto, moter e bann veikil. E tapaz dan bann distrik, lanmizik dan bann vwazinaz si oule. Lapolis i konn tre byen poudir nou annan en prosedir ki nou servi.

E mon pou remet ankor sa dan - *refresh* ankor en pti pe ankor ki nou devret fer kot i annan tapaz lanmizik, avek lekipman ki nou pe al gannyen. Nou pou re entansifye ankor nou *road block*. Kot bann stasyon dan bann rezyon. Nou pou fer sir ki sa pe ganny fer progresivman.

E rapor pe antre, e mon a zis fer piblik konnen la poudir Kordgard Santral dan *yard* pa konnen ki pou fer avek moter, bann *scooters* si oule. Pa moter, plito *scooter*. E personn pa pe vin *claim* sa bann *scooter*. Nou bezwen pran en desizyon lo sa bann *scooter*, senpleman zot kapab mazinen ki sa bann *scooter* i ganny, ki zot louvraz. Swa zot pe transporte.

E bann ki'n met nimero, bann fo nimero nou konnen tousala e aksyon pou ganny pran. Nou deza pe vey zot, nou konnen lekel. Me nou pa konnen ki ler i pase, me nou pe fer en demars pou nou *apprehend* zot.

Tousala avek programm "Respe Nou Vwazinaz" ki, parey mon'n dir Onorab Vidot pli boner nou pou al antreprann sa. Nou pou bezwen kapab met en lord avek bann *stakeholders onboard* zisteman i pa zis lapolis me bann *partners* osi ki donn koudmen Lapolis.

Nou pou agresiv man ankor en fwa mon pe dir, nou pou pran aksyon avek sa bann dimoun ki pe kas Lalwa dan tou sort dimansyon. E mon konpran poudir avan zot al teste zot loto kot *Vehicle Testing Station*, i annan serten sanzman ki zot fer.

E ler zot sorti laba zot re al dan serten garaz ki byento nou pou *visit* zot, kot zot spesyalize pou modifye bann transpor. Tousala nou pou fer e i dan nou liv e ankor en fwa a la fwa, pti pa par pti pa, kot nou anvoy gran lepa nou kapab nou anvoye, nou pou pran desizyon nou pou fer fini sa bann keksoz. Nou pou *curb* kot fodre *curb* e nou pou fer disparet sa ki fodre, sa bann move levennman - move - bann lofans si oule, bann *disturbances*, nou pou bezwen fer aboli.

E se sa ki nou anvizaz-e fer. E zisteman nou *strategic priorities*, FC fek nonmen. Nou *strategic priorities* i al anliny avek nou *7 pillars* ki dan nou *review*. So, i mars kot-a-kot. E enn ladan se "reduce the

harm to our communities caused by the use of illegal drugs and make it even safer for those who live, work and visit Seychelles.”

En lot se “*improve community trust and confidence in policing.*” Apre lot i koz profesyonnalizm e moderniz lafors. So, *all these* i al ansanm avek sa *7 pillars* ki dan nou *review*. E si nou met sa an mars nou ganny koudmen met an mars, akoz i *involve everybody else apart lapolis*.

Sa bann keksoz ki Onorab Georges in dir pou bezwen ganny *tackle* e efektivman arete. Mersi Mr Speaker.

MR DEPUTY SPEAKER

Mersi Komisyoner. La i ler ki nou ti merit pran en *break*, me i annan 2 Manm ki reste lo mon lalis, ki mon ti pe mazinen pou nou pran *break*. Selman akoz ozordi *it's International Men's Day*, mon pa anvi diskrimin kont okenn mon bann koleg msye.

Si Onorab Roucou avek Onorab William, mon pou donn zot tou lede sakenn 1 kestyion. Zot ava pran enn par deryer kanmarad. Ki mannyer *panel* i ava reponn, koumsa nou a *break* 4er10 - 20 minit nou a retournen pou pran SFRSA. 5er edmi ozordi tou dimoun ti ganny programm nou pou fini. *One hour. Yes*, Onorab *Leader Lopozisyon*.

HON SEBASTIEN PILLAY

Mersi Mr Chairman, mon pe apel *to you* konman Chairman nou sesyon lo Komite, anba *Order 39(3)*, pou *allow* mwan zis pou fer en pti *personal explanation*, akoz i annan serten propo ki mon apresye e mon vreman apresye ki *Leader zafer Gouvernman* in dir, e mon tre kontan ki in dir an relasyon avek Onorab Ramkalawan, ler ti annan sa alterkasyon kot son latet ti ganny kase.

Mon'n dir mon pa ...

(Interruption)

HON SEBASTIEN PILLAY

Please ekout mwan mon pa ankor fini koze zot pe reakte. Mon vreman apresye son reaksyon e mon kontan sa ki in dir ki bann Onorab sa letan pa ti reakte. Mon le zis met lo rikord Lasanble Mr Chairman ki mon pa ti en Onorab Lasanble sa letan.

Me mon ti a kontan swete osi avek sa bann bon propo ki Onorab Georges in avanse, ki personn osi pa kas mon latet pou sa ki mon dir. Mersi Mr Chairman.

MR DEPUTY SPEAKER

Onorab Pillay, koman en *Leader* dan *Caucus LDS* dan *Lasanble*, koman en *Leader* dan parti *LDS*, mon donn ou mon parol lo lapar mon parti, ki zanmen okenn *physical harm will come to you or your peers*, akoz nou krwar dan la demokrasi. Nou'n lager pou plizyer lannen. I pou reste leka. Mon donn ou mon parol. So sa 2 Onorab, fer parey mon ti'n...

HON SANDY ARISSOL

(*Off-Mic*)

Les li tonbe ...

MR DEPUTY SPEAKER

Parey mon ti'n dir, pran en pwen pli enportan pou sakenn de zot. Enn apre kanmarad, e apre *panel* a reponn, nou ava *break 4er10*. Mersi. Onorab Roucou premye.

HON MICHEL ROUCOU

Mersi Mr Chair, nou swete ki i pa al kas son latet li menm. Minis mon kestyon, mon ti annan 2 kestyon, be selman mon'n ganny deside pou swazir enn. An vi ki ti annan bokou diskisyon an term kot Kordgard Mont Fleuri kot i annan sa *building next*, o bor Kordgard la.

Nou anvi konnen ki desizyon zot in tonm lo la, ki pou fer ek sa landrwa? Akoz sa landrwa i en *eye sore* li menm li. E nou lo kote distrik nou ti annan bokou plan la, me nou'n ganny dir pou dir ou *departman* pou bezwen. Mersi.

MR DEPUTY SPEAKER

Mersi. Onorab William?

HON WAVEN WILLIAM

Mersi Mr Chairman. Mr Chairman mon anvi demann avek Minis avek *Compol*, vi ki nou rezyon les, nou pe, nou Kordgard pe fonksyonn avek lanmwatye kapasite mendev. E ki vreman zot *manpower capacity* i ete ozordi, konmsi zot mankman? E an menm tan ki nou

demann pou *beach warden* i ankor en demann ki senser e mon ti a kontan ganny en pti pe lesplikasyon lo la? Mersi.

MR DEPUTY SPEAKER

Mersi Onorab. 2 kestyон nou annan *from the floor*. Bon, Komisyoner, proceed.

THE COMMISSIONER OF POLICE TED BARBE

Mersi Mr Speaker. Mon a reponn pour Onorab William avan. Bon, Kordgard ki dan rezyon sid si oule, enkli sa ki pou kouver Grand Anse, Anse Boileau ek Port Glaud gradyelman, zot ganny *feed* par, si oule Anse Boileau ki *feed* Port Glaud, *manpower* pou Port Glaud, e i annan en *pocket*, *small pocket CID* ki baze Port Glaud e Anse Boileau osi zot deservi kanmarad.

Nou realize zisteman pou dir pa neseserman pa *the required manpower* ki devret dan sa rezyon si oule. Akoz Port Glaud kantmenm i zis en *post*. Port Glaud i dan en landrwa ase enportan si oule. I annan sa *junction* ki mont anler Sans Souci, apre nou annan Port Launay ki en landrwa touristik. So, Port Glaud i dan plan pou nou re organiz en pti pe Port Glaud, si oule.

Kot i konsern *beach warden*; - *beach warden* in toultan en *issue* li. Me selman ki nou'n fer, ziske ler nou ankor pe diskit sereten mouvman pou *beach warden*, nou fer bann rezyon, kouver bann lans, e sirtou bann lans kot touris i ganny vole, si oule, bann zafer koumsa. Bann rezyon i devret pe kouver zot lans zot menm.

Me i pa vedir ki nou, dan nou revizyon la poudir, nou pa pou *come up* avek en *better solution* pou kouver bann lans. Akoz i deza anba diskisyon. E enn parmi se parey mon'n dir taler, *ebikes*, si nou annan *ebikes* ki kapab kouver Anse Royale, kot nou zwenn landrwa plato, si oule, nou kapab met *ebikes* pou sa.

E ankor en fwa si nou kapab *come up* avek bann solisyon parey bann *mobile van*, se nou deplase. Nou deplase nou fer *police post anywhere*. So i annan plan, i annan plan pou sa.

Kot i konsern Kordgard Mont Fleuri, dan bor, sa *building* dan bor la, i ankor anba diskisyon Onorab. Nou ava zwenn ou pou sa, me selman i ankor anba diskisyon pour Lapolis servi li efektivman. *But we'll meet and discuss about that*. Mersi Mr Speaker.

MR DEPUTY SPEAKER

Mersi *panel*. Donk sa i fer ki'n anmenn nou a lafen bann antite ki nou merit pran en vot lo la pour *Ministry of Internal Affairs* ki depi bomaten nou'n kestyonn zot.

Ti annan *Disaster Risk Management Division*, pour R13milyon150mil.

Department of Immigration and Civil Status pour R42milyon316mil.

Pour *Seychelles Prison Service* R104milyon861mil.

E la dernyen ti Departman Lapolis pour R524milyon614mil.

Donk aprezan nou pou pran en vot kolektiv pou sa *Ministry of Internal Affairs* ki trouve lo paz 245 a 282, pour en sonm total R701milyon185mil.

SFRSA i vin apar, i vin apre *break*. Donk mon ti a demann tou bann Manm ki an faver pou endike silvouple? Mersi. Okenn Manm ki kont? Mersi Madanm Clerk.

Donk vot pou *Ministry of Internal Affairs* pou en sonm R701milyon185mil trouve lo paz 245 a 282, i annan 21 Manm ki'n vot an faver, okenn Manm pa'n vot kont, me 2 Manm in *abstain*, me solman sa vot i pase.

Egzakteman 4er10 parey nou ti'n prewar. Nou ava pran en *break* la ziska 4er edmi. Kan nou retournen, nou pou konsider Bidze *Seychelles Fire and Rescue Services*. Mon ava remersi bann envite ki ti lo *panel* avek nou. Komisyoner Lapolis Mr Ted Barbe, son Depite Mr Francis Songoire, Asistan Sirentandan Joseph Bibi e osi *financial controller* Danny Labonte. E nou ava dir zot bonn rantre, nou ava rezwenn 4er edmi.

(BREAK)

SEYCHELLES FIRE AND RESCUE SERVICES AGENCY (SFRSA)

MR SPEAKER

Byen avan nou repran biznes e avan menm *acknowledge* nou delegasyon, mon oule adres alegasyon ki Onorab Lemiel in fer dan Lasamble ozordi, kont en zofisy'e Minister Finans. Mon oule dir mon'n telefonn Onorab Lemiel pou eksplik li ki mannyer nou pozisyon, me i pa'n pran mon *call*.

Donk mon pou adres sa size direkteman. Mon'n ekout sa *recording* ki Onorab Lemiel ti fer referans avek, e mon persyade ki

Onorab Lemiel in fer en fot. Mon asire ki sa dimoun ki'n servi sa lekspresyon i pa Mr Commettant. Mon annan mon prop nide lo lekel sa dimoun ki'n fer sa, me mon pa pou fer en alegasyon ki mon pa asire. Menm si mon annan *suspicion* lo la.

Donk mon oule dir ki mon krwar sa alegasyon i fo - i serye e in fer en gran ditor sa zofisyen, e osi nou Lasanble. Mwan lo lapar Lasanble, mon'n eksprim mon regre e mon eskiz avek Mr Commettant, e mon'n asir li poudir mon pran sa sityasyon serye.

Donk mon pe demann Onorab Lemiel pou fer en *apology* avek sa zofisyen la an se moman, e mon pe prese avek sa sityasyon akoz mon konnen nou pe al dan *weekend*, 2 zour nou pa pou la, e mon pa anvi sa zafer trennen.

Onorab Lemiel, si ou ensiste ki ou alegasyon i byen fonde, dan sa ka mon sipoze ou pa pou fer en leskiz, en *apology*. Me mwan mon pe dir ou ankor ki mon krwar ou'n fer en fot, e mon pe demann en *apology* pour Mr Commettant. Onorab Lemiel ou annan laparol.

HON SYLVANNE LEMIEL

Bonn apre midi Mr Speaker. Mr Speaker de la par mon *Caucus*, akoz mon ti ganny demande par mon *Caucus* letan *LOTO* ti'n ekout sa *recording*. E li koman nou *Leader* nou *Caucus*, i ti demann mwan koman *Chief Whip* de la par nou *Caucus* pou mwan fer ou okouran pou dir i annan sa, e li in ekoute, li ki ti'n dir mwan poudir Mr Commettant, i lavwa Mr Commettant.

Me as *Chief Whip*, mwan ki'n met sa pwen devan. Wi Mr Speaker mon pou *apologise*, e mon pou demann en leskiz Mr Commettant de lapar mon *Caucus*. Mon demann li en leskiz.

Sorry Mr Commettant e mon demann en leskiz lo kote Lasanble osi si sa in afekte lo kote privilez Lasanble, e menm Mr Commettant dan son travay petet nou pou get li dan en fason. Mon ti a dir li pou dir pa pran sa tro *harsh* lo li. E mon demann li en leskiz. Mersi.

(APPLAUSE)

MR SPEAKER

Mersi. Lo sa dernyen pwen mon a zis dir pou dir Mr Commettant en dimoun respektab ki annan bokou respe dan son kominote, e dan son group dan kominote, so i pe pran li serye. Me mon aksepte leskiz.

E mon oule dir pou dir lezot dimoun ki konsernen parey sa dimoun ki'n aktyelman fer sa, servi sa fraz, ki i osi devret *apologise*. Me selman mon satisfe avek kot nou'n arive la e nou a kontinyen. Mersi.

Bon i apre midi, tar dan apre midi mon *welcome delegasyon* ki la avek Minis pou *Seychelles Fire and Rescue Services Agency*. E sa i enkli Ms Tally Domingue *Chief Fire Officer*, Mr Jones Madeleine *Deputy Chief Fire Officer*, Mr Roy Lemiel, *Director Human Resources and Budget Management* e Mrs Antoinette Florine *assistant accountant*.

E Ms Domingue, mon krwar lot zour Lasanble ti eksprim felisitasyon pou ou, pou ou *appointment*. E nou zis pran lokazyon pou ou premye *visit* dan Lasanble, pou re pas lo sa fasilitasyon, e pou swet ou bon sikse.

Bidze pour *Seychelles Fire and Rescue Services Agency*, i lo paz 282 ziska 288, pour en total R76milyon832mil. Minis nou a konmans avek en lentrodiksyon lo sa Bidze silvouple?

MINISTER ERROL FONSEKA

Mersi Mr Speaker. Zis avan mon fer mon *summary lo budget*, mon oule ankor enn fwa osi *remind* zot, ozordi zour lazournen bann Msye, e mon'n anmenn 2 madanm ansarz de gran departman dan Minister, e felisitasyon ankor enn fwa pou en lot madanm ki ansarz.

(APPLAUSE)

MINISTER ERROL FONSEKA

Mr Speaker, *next budget* i pou *Seychelles Fire and Rescue Agency*. E Bidze pou 2023 i en Bidze 76milyon832mil pour sa lannen 2023, ki en rediksyon 4milyon43mil an konparezon ek lannen pase. Dan sa *brief summary lo wages and salaries*, menm sa rediksyon nou annan en *increase of 6milyon74mil*, ki enkli 13enm mwan saler;- en *recruitment of extra fire officers* e osi en lot *allocation of salaries lo island posting*.

Dan en moman nou a pran sa bann lezot *item* dan *use of goods and services*, ki annan en rediksyon sa lannen of 9milyon478, e detay lo la nou a vvar dan nou debat. Avek sa mon prezant sa Bidze pour SFRSA lannen 2023. Mersi Mr Speaker.

MR SPEAKER

Mersi Minis. Bon nou a pran deba. Nou a pran kestyon lo sa lanir Bidze. Onorab Aglae i a konmanse.

HON EGBERT AGLAE

Mersi Mr Chair. Bonn apre midi ankor enn fwa, sirtou pou nouveau CFO madanm, Mr Madeleine, Mr Lemiel. Premye kestyon, kot i konsern *lifeguard services*. Mon konpran pou dir dan lepase in annan en plan baze lo serten poursantaz kot zot ti pe targete, pou kapab annan bann *lifeguard* plase, sirtou dan bann rezyon ki ase stratezik e frekante par bann touris e Seselwa; -

E la mon pe fer mansyon osi Port Launay - ki zistans nou ete avek ganny en zofisyen *lifeguard* pou stasyonn laba?

Dezyenmman kot i konsern Bidze pou lekipman, premyerman mon ti a kontan demande, eski SFRSA la, an vi ki annan bann differan evantyalite ki tanzantan zot pe fer fas avek, zot annan ase lekipman pou kapab *tackle* bann, okenn lensidan ki arive pou zot kapab fer zot travay?

E dernyerman kot i konsern *trainings* osi. Mon war i annan Bidze pou *training* e aepre konbyen, petet zot pe targete pour *training*? Sirtou kot zot annan bann nouveau *recruit* ki antre dan Departman SFRSA? Mersi.

MR SPEAKER

Mersi Onorab. Minis ki nou a fer, mon a pas kestyon avek *Chief Officer*? Amwen ki ou lev lanmen?. Yes Ms Domingue?

CHIEF FIRE OFFICER TALLY DOMINGUE

Bonn apre midi a tous. Mersi Mr Speaker. Mersi pou ou kestyon. Lo kote *lifeguard services*, aktyelman *lifeguard* i annan aktyelman de *post* ki an operasyonnel pou le moman. E pou le moman avek zot *manpower level* i pa posib pou ouver en *post*.

Nou annan nou zis 21 *lifeguard personnel*. E dan sa 21 i annan aepre 5 ki ankor lo *training* - i *training lifeguards* i pa profesyonnel. Zot pa ankor fini sertifye. E pou nou nobou ouver *post lifeguard* dan bann lezot landrwa, i dan nou plan stratezik. Nou'n fini idantife bann lans ki pli ganny okipe, ki annan plis risk pou nou met bann *post lifeguard*.

Pou nou nobou ouver sa bann *post* fodre nou ganny en *increase* dan *manpower*, pou nou kapab ouver sa bann *post*.

Lo kote lekipman li menm, nou annan pou lekipman pou tenny dife, ki anba nou *mandate*, parey *building fires*, sa *fire service* i annan son lekipman, i an plas. Me i annan serten lensidan spesyalize parey kemikal li menm, *hazmat*, ki annan serten mank dan lekipman pou *Fire Service*, e sa nou pe travay lo la dan nou plan stratezi ki enn nou bann pwen ki nou pe travay lo la pou nou devlope.

I annan serten programm ki'n fini ganny, ki'n fini ganny konmans met an plas ki anba diskisyon avek Minis Dezinyen, pou ganny serten led pou ganny lekipman avek *training hazmat pour Fire Service*. Sa i anba diskisyon e i annan en *funding proposal* ki'n fini al kot zot lofis.

Lo kote ler ou'n ganny bann lensidan ki nou'n pase parey *landfill* li menm;- *landfill* lekipman ki *Fire Service* i pou manke, i kote *protective equipment* pou son *staff* akoz nou *protective equipment* i pou *structural fire*. I pa vreman adapte pour sa kalite dife ki manrmay pe travay long dire.

Sa nou pe fer serten *step* la avek sa komite *landfill*, pou nou konmans ganny *funding* pou aste sa bann lekipman *within* nou *budget savings* sa lannen, avan *closure Bidze*.

E sa Komite ki ti'n ganny *set up by* Prezidan osi, pe travay lo serten lekipman an plas. Selman sa pa pou tonm anba *Fire Service* li menm ki pou mete kot *landfill* ki pou ed *fire service* ler pou al *attend* sa bann lensidan laba.

Lo kote *training*, nou'n fer en bon pe *training* sa lannen pou *Fire Service*. Plito dan *management* lo *leadership* selman. *Training* spesyalize *Fire Service* nou bezwen fer li deor. I pa posib, nou napa sa facilite pou fer li isi Sesel. Nou napa en *training school* e tan ki nou annan en *training school*, *basic training* ki nou pe donne, i annan serten mank dan nou *training*.

Me selman lo kote *training*, nou annan *funding* dan *Bidze* pou lannen prosen 600mil, pou fer *training*. E sa nou annan nou annan nou komite *training* an plas ki pou determinen kalite *training* ki priyорite pou *Fire Service* pou nou met an plas. Ler nou met nou *training program* an plas konmansman lannen. Mersi.

MR SPEAKER

Wi, klarifikasyon Onorab?

HON EGBERT AGLAE

CFO mersi pour larepons ase kler. Petet zis, i pa en kestyon en pledwari. Kot i konsern lans Port Launay, nou annan enn bann pli gran lotel 5 zetwal e konversasyon ki nou'n fer avek lotel, zot pare pou donn sipor SFRSA. Si zot pou met en zofisyen, si zot bezwen lekipman, sa bann pti stasyon ki zot mete kot bann lans, lotel i pare.

Mon pe zis plede la. Finans i la. Ki lannen prosen ava annan en pos ki ava ganny mete kot sa lans ki frekante an vi ki 3 semenn pase i annan lensidan ki'n arrive, so sivilyen pa ede i kapab perdi lavi. So si nou annan en zofisyen la, i pou en *plus* pou sa rezyon. Mersi.

MR SPEAKER

Thank you. Chief Officer, ou ti a kontan reponn lo sa pledwari? Ou'n note selman? Mersi. Onorab Lemiel.

HON SYLVIANNE LEMIEL

Mersi Mr Chair. Ankor enn fwa mwan konman en madanm, mon pou profite mwan osi - menm si nou'n felisit CFO, mon pou profit ankor konman i devan nou ozordi pou nou felisit li ankor, e pou fer bann madanm *very proud*.

Mr Chair wi, enn dan zot *major achievements*, i se ki wi zot in konplent stasyon Anse Royale. Me mon kestyon la i mon war R725mil dan Bidze, pou kwa sa larzan pe reste? Ki zot pou al fer avek?

Sa stasyon li menm, petet kan zot pe mazin son louvertir? Eski zot in fini ganny ase *staff*? Transpor e lekipman pou sa stasyon? E apre si *lifeguard* osi pou annan Anse Royale? Mersi.

MR SPEAKER

Mersi.

CHIEF FIRE OFFICER TALLY DOMINGUE

Mersi Onorab pour ou swe...

MR SPEAKER

Yes.

CHIEF FIRE OFFICER TALLY DOMINGUE

Lo stasyon Anse Royale li menm sa larzan ki dan Bidze pou stasyon Anse Royale i en *retainer fee*, pou ki ti dan sa Kontra ki reste. E lo

kote louvertir stasyon nou pe anvizaz-e ouver stasyon dan *mid to the end of January*.

I annan en proze an plas ki nou pe ferm stasyon Anse Boileau, vi ki son kondisyon i nepli *conducive* pou *staff* travay ladan. E pou nou *shift* sa *staff*, sa *manpower* ek sa bann lekipman from Anse Royale pou...*from Anse Boileau sorry, to Anse Royale*. E sa pou pran nou en pe letan.

Lo kote *Lifeguard Services* parey mon'n dir avek sa lot Onorab i tout en kestyon *staff* li menm. Once nou *manpower* lo kote *lifeguard* i stabilize, la nou ava nobou *provide* bann *post* dan bann landrwa stratezik.

Parey mon'n dir nou annan sa *manpower*, nou *manpower*, menm pou *Fire Service* osi nou annan en *issue* lo *manpower*. E nou'n war li pli fezab pou nou avek sa kondisyon Anse Boileau osi, pou nou *shift* sa bann *staff from* Anse Boileau, pou travay Anse Royale, avek bi dan lefitir ki proze Anse Boileau i ava repran.

MR SPEAKER

Mersi *Chief Officer*. Onorab Henrie, ou kestyon.

HON GERVAIS HENRIE

Mersi Mr Chair, bonn apre midi tou dimoun e partikilyerman sa i premye Bidze ki *Chief Fire Officer* pe reponn. Alor *welcome to the National Assembly*. Bonn sans.

Mr Chair, dan zot *major achievement* mon vwar pou dir zot dir zot in rikord en rediksyon dan lensidan dife dan bann batiman komersyal. Me touzour lo bann ka domestik, sa i reste en konsern. Parske i konsern lavi avek propriete ki toultan sagrin nou tou letan nou tande i arrive.

Donk mon anvi konnen si i annan en keksoz partikilye zot kapab fer avek sa Bidze an 2023, pour konsyantiz dimoun en pe plis ankor lo danze, ouswa anpese bann lensidan i kontinyelman ogmante? Sa i mon premye kestyon.

Dezyenm kestyon, mon krwar ti an 2000 petet 2021, mon'n ti ganny sans, Komite Defans ti envit mon avek zot lo zot *trip* Praslin pou al *visit* enn de bann facilite. E nou ti ganny sans *visit* stasyon Baie Ste Anne ki lo Iles Eve.

E pou dir zot laverite, mon ti *quite* enpresyonnen avek sa facilite, sirtou son grander dan konteks Sesel. Akoz normalman nou bann facilite i en pe ptipti. Mon ti *quite impressed* avek li.

E ler la ki prezan mon pe mazinen letan ou'n mansyonnen pou dir nou napa en *training centre*, eski pou tro en pe *naïve* lo mon par pou mon krwar poudir Sesel i kapab annan en lanbisyon pou nou sey devlop en *regional training centre*?

Ki, akoz mon vwar kot *coast guard*, souvan lo televizyon mon war bann dimoun sorti a aletranze, vini vin fer kou an Franse an Angle. Si dan *SDF* pe ariv sa kalite lelan, akoz nou pa kapab sey tap laport avek bann lorganizasyon enternasyonal ki kapab ed nou?

E si i annan en lanbisyon nasyonal ki nou ava annan en *training centre*, si pa kontinantal, me omwen rezyonal? E Praslin mon pe mazin li akoz i kapab annan bann lezot retonbe ekonomik osi apart devlop repitasyon nou pei. Mersi.

MR SPEAKER

Thank you. Chief Officer.

CHIEF FIRE OFFICER TALLY DOMINGUE

Bonzour, mersi pou ou kestyion. Lo kote *community*, sa ki ou pe koze i apel *community training* ki en, i en lobzekatif dan nou plan stratezik, pou fer *community training* pou edik dimoun dan kominate li menm.

Selman pou le moman nou fer *training* ledikasyon avek bann *commercial business*. Nou fer *inspection*, *fire inspection*, osi *commercial business*. E nou toultan met lanfaz lo sa bann dimoun ki ler nou pe *train* zot ki... Sa bann dimoun zot tou zot annan lakour, ki zot anmenn sa *training* kot zot fanmir.

Me selman sa i en lobzekatif dan nou plan stratezik. I en keksoz ki nou pe al devlop nou programm ki nou anvi tous bann kominate. *House-to-house* si nou kapab, ki pou edik dimoun.

Akoz nou osi nou'n war poudir *loss* ki nou pe gannyen i plito lo kote domestik. Lo kote facilite *training* li menm, keksoz ki manke - Praslin i annan lespas pou *training*. Me keksoz ki manke se bann *props teknik* ki ou bezwen pou fer *hot fire exercise* avek *staff* li menm. E *once* ou nobou etabli - pou ou ganny en *training facility* ki lo standar enternasyonal, se pou annan sa bann *props* ki fer *fireman* pas dan diferan difikilte ki pou rankontre lo en *scene* dife li menm.

Constrictive fire, lasaler, lafimen e sa i annan bann *props* spesyalize ki pou le moman Baie Ste Anne, ni menm Victoria nou napa. E si nou ti ganny en *training* fasilite ki annan tou sa bann *props*, i pa ti pou benefisyé zis nou Lazans, i ti a benefisyé *Airport Fire Service* osi, ki zot osi zot napa sa landrwa.

Ni sa *training facility* pou zot *train* zot *staff effectively*. Nou *train staff* wi, me selman zot pa pe ganny sa *training* ki pou montre zot ki zot pe al rankontre vreman lo en *scene* dife.

MR SPEAKER

Mersi. Onorab Adelaide.

HON FRANCOIS ADELAIDE

Mersi Mr Chair. Bonn apre midi a tous, dabor mon osi konman Depite lo Komite Sekirite e avek Ladefans, mon anvi remersi Ms Domingue avek son lekip, pou envit Lasanble Nasyonal. Zot in fer en bon konmansman par *involve* nou ladan, e byensir nou pou travay an partenarya pou ed zot, epi zot osi ed nou.

E Mr Speaker, mon pa oule mank sa loportinite osi, vi ki ozordi Lazournen Msye. Nou'n mank Mr Madeleine ki i osi in ganny en promosyon e i dezyenm ansarz so, felisitasyon Mr Madeleine.

(APPLAUSE)

HON FRANCOIS ADELAIDE

E mersi pou ou fer Baie Lazare kontinyen monte. I vreman enportan.

Mr Speaker, Mr Chair, mwan mon kestyon se ki, mon ti tann en zenn lo televizyon pe dir, pou dir mon al get tou sa bann difikilte ki zot annan sa bann konstrent, me son lafyerte se defann son pei. Konmsi ler ou tann en zenn pe dir sa, i bliy tou problem ki annan, son lafyerte se defann son pei. E mon krwar sa i en *statement* ki vreman, vreman profon.

E petet dan sa direksyon, petet mon pe demann zot, ki zot pe fer? Akoz mon konpran zot annan en *issue in regards to recruitment* bann zenn. Akoz nou pa ekspekte demen war en etranze pe vini, pe vin travay dan sa domenn.

E pou ou travay sa fodre ou en dimoun ki a ker, parey sa zenn ti dir - ki zot pe fer pou *at least* konmans enform bann dimoun, bann

zenn garson, bann zenn fiy dan bann lekol pou *join* sa profesyon? Mersi.

MR SPEAKER

Mersi. Yes, *Chief Officer?*

CHIEF FIRE OFFICER TALLY DOMINGUE

Bonn apre midi. Mersi Mr Chair. Pou le moman lafors *Fire Service* mon krwar i enn bann rar lafors ki 100poursan Seselwa. E lo kote zenn, nou ganny en bon pe zenn pou sa. E nou'n menm ganny bann zenn ki'n sorti dan bann *TIVET program* ki'n vin atase avek *Fire Service* e i annan detrwa zot ki nou'n, ki ler zot in fini zot letid, zot in anploye zot *fireman*, zot pe montre bon progre dan servis.

I annan menm zot i annan ki'n sirpas lekspektasyon ki dimoun ti annan lo zot. E nou parey mon dir zot, *Fire Service* i fer bann *talk* dan bann lekol, e nou servi sa bann loportinite osi pou fer bann *career talks* pou fer zenn enterese pour *recruitment*.

E dan nou plan stratezik ki nou annan, wi nou annan en *recruitment drive* ki nou oule re etabli nou lafason fer *recruitment*, pou nou ganny plis travayer, e pou fer plis zenn antre dan servis. Sa i *form* par dan nou plan stratezik.

MR SPEAKER

Thank you.

MINISTER ERROL FONSEKA

Mr Speaker, mon ti a kontan zis siport CFO lo sa tim *fire service* parey in fek dir, e nou napa okenn etranze dan *Fire Service*.

Be, pa zis sa. Lefe ki zot *operationally active* e parey zot konnen tou lazournen nou pe tann *fire engine* pe ale, i annan en bon *team spirit* dan sa *group*. E mon oule enform Lasanble osi ki sa en zoli legzanp laba, akoz zot tou zot annan *6 pack*. Mersi.

MR SPEAKER

Mersi, Onorab Pillay, wi. Ou tour.

HON SEBASTIEN PILLAY

Mon konnen si Minis pe dir sa akoz mwan mon napa *6 pack*. Mr Chairman, mwan mon ti a kontan en klarifikasyon avek *Chief Fire*

Officer;- premyerman felisitasyon Ms Domingue, nou'n de koleg lekol, so mon byen kontan kot ou'n arive.

E byensir felisitasyon Mr Madeleine, ki ler nou ti dan delo laba Anse Aux Pin, *Felleng* ansanm. Ou ti dir mwan anbark dan *jeep* taler delo ava trenn mwan, so mersi pou ou servis e pour lwayote anver ou lorganizasyon.

Mr Chairman en keksoz ki petet mon ti kontan reflekte lo la, se an relasyon avek anba *minor capitals*, mon pa pe vwar okenn nouvo akizisyon. Eski ou kapab dir nou si an se moman la, *Fire Services* zot annan *in terms of* lekipman an relasyon avek bann keksoz zot bezwen, zot annan tou sa ki neseser pou zot kapab delivre lo zot manda?

Akoz mon ti vwar serten konsern ki ti souleve sirtou ek sa dife *landfill* vizavi serten, sityasyon. Mon ti apresye ki mannyer zot ti *handle* sa sityasyon - *Fire Service* kantmenm bann difikilte. Zis petet ou kapab klarifye sa pou mwan?

Apre petet sa kestyion pou Minis Mr Chairman, i pou premye kestyion ki mon demande depi bomaten ki pa lo Bidze; i annan en soz enternasyonal vizavi *retirement age* bann *fire fighters*. E sa i sipoze *around 60 years, 57 to 60 years*. Eski Minis ou'n *explore* sa sityasyon avek *Fire Services*, pou vwar si bann sanzman ki'n ganny antisipe pou fer dan Lalwa Pansyon, pou napa en lenpak lo bann zofisyne *Fire Brigade*? Mersi Mr Chairman.

MR SPEAKER

Thank you. Mon a pas laparol Chief Officer premye, Minis? Go ahead Chief.

CHIEF FIRE OFFICER TALLY DOMINGUE

Mersi Mr Pillay. Lo kote *minor capitals*, ki nou ti annan, nou ti annan... I annan sa larzan ki dan sa *Suspense Account* ki'n ganny retenir dan sa *Suspense ACCOUNT*, e sa i pou servi pou akizisyon *fire tenders* ki ti pou sa *replacement program* li menm.

Nou annan 2 *fire tender* pour Anse Royale ki pe arriv dan pei *by December*. E nou annan 2 *fire tender* ki'n fini lo Kontra, ki pe ganny fer. So, sa lannen ki pe vini nou fer preparasyon pou *bill* pou *fire tender* pou 24 avek sa larzan ki dan *Suspense Account*. Ok?

MR SPEAKER

Ok, thank you Chief. Minis?

MINISTER ERROL FONSEKA

Mersi Mr Speaker. Dan bann *unit* parey *Fire Service*, menm Lapolis. Menm avan ou ariv *retirement age*, ou sorti lo sa bann *team* ki pe dil ek sa louvraz ki bezwen en dimoun pli zenn. Me selman menm sa, i annan en kantite louvraz leksperyans *training*, ki sa bann dimoun en pe pli aze i annan pou partaze.

So, right up to son retirement normal, sa boug i kapab pe produce en kantite pour sa service itself. E pa blyie leksperyans ler ou'n ganny sa, i pa en keksoz ki ou zet de kote, ou bezwen servi li byen. So, ek sa tou dimoun i active ziska ler zot ariv lo zot retirement age. Mersi Mr Speaker.

MR SPEAKER

Thank you Minister. Onorab ou annan en follow-up?

HON SEBASTIEN PILLAY

Mersi Mr Chairman, zis en *follow up* tre senp. So, *regarding* par egzanp prezan, *repairs and maintenance* pou bann transpor *Fire Brigade*, mon prezimen nou annan serten spesifisite ek sa bann transpor ki zot bezwen annan bann dimoun ki zot in *train in-house* pou fer reparasyon.

Eski bann reparasyon lo bann *fire tenders* i ganny fer *in-house*? E eski Bidze pe permet zot annan en *workshop* ki kapab fer bann reparasyon lo zot *fire tenders in-house*? Oubyen eski zot bezwen *outsource* bann reparasyon pour *fire tenders*, mersi.

MR SPEAKER

Thank you. Chief?

CHIEF FIRE OFFICER TALLY DOMINGUE

Mersi Mr Chairman. Nou annan en seksyon, en *unit workshop in-house* lo stasyon Victoria ki fer bann reparasyon lo bann *fire tenders*. Me i annan serten louvraz spesyalize ki i annan bann *workshops* spesyalize prive.

Ler i ariv ler pou fer sa bann louvraz la, nou *outsource* sa bann louvraz koumsa. Me selman bann *common maintenance repairs*, sa i

ganny fer *in-house* avek nou bann *workshop personnel*. Nou annan nou bann mekanisyen ki kalifye ki fer sa bann louvraz.

MR SPEAKER

Thank you. Wi Onorab Loizeau?

HON NORBERT LOIZEAU

Mersi Mr Speaker. Bonzour Minis ek ou *panel*. Mr Speaker vreman Sesel i pou tou son zanfan. Ozordi mon war 2 zanfan Sesel byen zenn pe a latet en lorganizasyon, e zot pe fer byen.

Alors mon anvi demann avek zot, vi ki tanzantan ler i annan en dife, Mr Madeleine mon krwar i pou dakor ek mwan, souvandfwa nou ganny difikilte lo kote pou *locate* bann *fire hydrant* en pe partou. Alors dan Bidze mon pa pe trouv gran keksoz.

Petet si zot kapab dir nou si i annan alokasyon, petet pou zot fer en pe travay, pou amelyor en pe sa bann *fire hydrant*, pou ki ler i annan en dife, nou pa ganny sa difikilte.

E osi petet pou anmenn zot en pe pli pre avek bann *flats*, bann *housing estate*, kot i a fasilit zot travay. Avek sa novo lespri mon krwar zot konpran ki mon pe sey demande. Mersi Mr Speaker.

MR SPEAKER

Thank you. Chief.

CHIEF FIRE OFFICER TALLY DOMINGUE

Thank you, Mr Speaker. Lo kote fire hydrant li menm, Fire Service i maintain fire hydrant. Meaning nou fer lenspeksyon lo la. Nou tyeke pou nou fer sir i available for use. E nou osi fer rekomandasyon avek PUC, akoz PUC ki enstal fire hydrant.

PUC ki responsab fire hydrant lo kote lenstalasyon. Nou fer rekomandasyon. Nou annan nou seksyon Planning ki fer bann serten rekomandasyon lo bann landrwa kot i mank hydrant ki nou war ki neseser. Me selman lo kote pou enstale nou menm, sa i tonm avek PUC. Me selman nou annan en dimoun dedye ki fer lenspeksyon fire hydrant. I fer li lo en weekly basis. E tou rapor ki antre nou anvoy kot PUC pou li fer bann maintenance ki neseser lo sa bann hydrant ki nou war i annan problem avek.

MR SPEAKER

Thank you. Onorab Andre.

HON CLIFFORD ANDRE

Mersi Mr Chair. Mr Chair, nou pou zwenn lezot pou felisit CFO parey mon'n deza fer. Me selman kestyon ki mon pou demande i annan problemm ki zabitan Anse Aux Pin in dir mwan letan dife in pran kot zot.

Semen i etrwat e sa en kestyon ki mon ti met avek SLTA osi yer. Semen i etrwat. Eski SFRSA i annan nide pou li rod bann pli pti *fire tender, at least* ki a permet zot antre dan bann landrwa kot semen i sere e kekfwa napa lespas pou ouver sa bann semen? Mersi.

MR SPEAKER

Mersi. Yes, *Chief Officer*.

CHIEF FIRE OFFICER TALLY DOMINGUE

Mersi pou ou kestyon Mr Andre, Mr Speaker, lo kote nou *replacement plan* ki nou annan, laplipar di-tan lo nou *fleet* ti annan bann gro masin. Nou ti annan nou 3 pti masin e sa ti en bon pe letan pase ler mwan mon ti fek antre *Fire Service*.

Me lo kote nou *replacement plan*, i annan sa proze pou ranplas serten masin, e par bann tir *appliance* pou deservi bann pti semen. E *issue* ki nou gannyen dan - kantmenm pou annan pti masin, *issue* ki nou gannyen lo bann *secondary road*, se dimoun i servi sa bann semen koman *parking*.

E kantmenm ou masin i pou pli pti, dan sirtou dan aswar, dimoun i park tou dilon semen. Ou pou ganny sa *issue* pou ou monte menm.

MR SPEAKER

Thank you. Mon napa lot kestyon, alor nou a pare pou pran vot lo sa Bidze pour *Seychelles Fire and Rescue Services Agency* lo paz 282 ziska 288, pour R76milyon832mil.

Manm ki an faver lev lanmen silvouple? Byen tou Manm in vote, mersi. Vot lo sa laliny Bidze pou en total R76milyon832mil, 22 Manm in vot pour, 0 kont e 0 abstansyon.

Donk Bidze in ganny aprouve an inanimite. Mon remersye Minis pou son partisipasyon pour lazournen. E la se moman mon remersye bann zofisyen *Fire and Rescue*, ki nou war souvan o travay dan

televizyon, pe *perform* zot bann responsabilite. Mersi pou zot travay. Mon swet zot tou bon depar.

Nou'n arriv a lafen nou travay pou la semenn. Mon konnen nou tou nou pe *look forward* e i annan ki pe *look forward* plis avek *World Cup*. Donk mon a swet zot tou en bon *weekend* e nou a repran travay Lendi 9er. Nou a retourne dan staz Lasanble pou nou fer nou sorti. Lasanble i *adjourn*.

(ADJOURNMENT)

